

WANTOK



OCEAN BLUE

Tuna in oil
Rait teist
yah!



Wan Wik, Januəri 12 - 18, 2006 NAMBA 1642 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30

NCD tok gutbai



NCD plan / April - P3

Luksave / stap - P3

Matmat bilong Sir William - P24

KOMENTRI: Pasia bilong givim luksave

INSAIT: Tuna in oil

GRASRUTS LAIK LUKIM LIDA: Ol manmeri bilong NCD i pulim lain long tok las gutbai long memba bilong ol Leit Sir William Jack Skate long Sir John Guise Stedum.

Haus matmat
bilong ol lida -
P16 na 25

WINIM SKUL FI RESIS!

I gat K100,000 skul fi moni bilong
winim - Lukim Pes 4




SHARP

PNG's No.1 Brand

RADIO CASSETTE RECORDER

TOP
QUALITY MODELS
TO CHOOSE
FROM



K **779.00**

GXCD1300V

Portable VCD/CD
Stereo Component
System • PMPO 200W
• 2 Way 4 Speakers
Surround Sound
System and MP3
Function • 3 Band
Graphics Equalizer
• Variable X-Bass System
• 4 Band(FM/AM/SW1/
SW2) Tuner



K **97.00**

QT222WBK

Radio Cassette Recorder
that Delivers Quality Sound
on the move • PMPO 20W
• ALC (Automatic Record
Level Control) Soft Eject
Cassette Mechanism
• 4 Band(FM/SW1/SW2/MW
Tuner • Built-in Condenser
Microphone



K **219.00**

QTCD700W

Compact and Stylish
Portable CD Stereo System
with Cassette Deck
• PMPO 32W Built-in CD player
• Built-in Cassette Deck
• Built-in Inner Microphone
• LCD Display for CD
• 20-Programmable Playback
for CD, AM/FM Stereo Tuner

BUY WISELY - ALL PRODUCTS BACKED BY
BRIAN BELL'S WARRANTY, SPARE PARTS & SERVICE

AVAILABLE AT ALL BRIAN BELL STORES &
AUTHORISED SHARP DEALERS NATIONWIDE

Distributed by: **Brian Bell** 

Sios i mas senis - Gavana Jenerol

Paulus Tali
i raitim

GAVANA Jeneral husat i bin kamap long Namba 25 Jubili Synod bilong Lutheran Sios we i kamap nau long Wasu Hai skul insait long Finsafen, Morobe i bringim moa long 4,500 deleget wantaim em.

Mak bilong ol asples i kamap i olsem 12,000.

Sir Paulias i kamap long lukim na stap long ol sele-

bresen bilong dispela de i tok em laikim sios i mas senis long wanem Lutheran sios i stap longpela taim pinis long PNG.

Em bin kam hia long 1956 na i kam inap nau, em kari-maut planti gutpela wok na sevis tu.

Olsem na em i laik lukim kaikai bilong wok i mas go het moa yet.

Sir Paulias i tok yumi mas senis na mekim tru wok long nem bilong Bikpela

Jisas Kraus. Em tasol inap

strongim laip na sindaun bilong yumi bilong karim Gutnius i go het.

Lutheran sios i mekim planti gutpela samting i kamap nau olsem Katolik Sios tu i wokim. Ol i gat bikpela skul olsem Divain Word na arapela skul tu.

"Yumi mas lukautim bodi na laip bilong yumi bilong wanem kain kain sik i wok kamap. Kain olsem sik AIDS i wok long gro bikpela. Mak bilong sik AIDS i kamap

olsem 11,856 na i bagarapim planti manmeri bilong wanem ol i no givim ol yet

long Bikpela. Olsem na sik i bagarapim ol.

Yumi mas save PNG em i gat planti gutpela samting na kantri we Papa God i

blesim. Na yumi mas luk-save na givim i go bek long Bikpela tru long laip bilong yumi. Mi amamas

Lutheran sios i mekim planti gutpela samting i kamap nau olsem Katolik Sios tu i wokim. Ol i gat bikpela skul olsem Divain Word na arapela skul tu.

Olsem bai yumi kisim nupela Luteran Yunivesiti long neks yia, 2007. Em bikpela samting," Sir Paulias i tok.

Luteran Sios i gat 1.2 mil-

lion sios memba na em i namba tu bikpela sios long PNG bihain long Katolik Sios. Namba tri em i Yunaitet Sios.

Em i tok moa olsem pasin bilong wok bung i mas i stap, stat long ol lida i go inap long Kristen manmeri.

Bikpela tok Sir Paulus Matane i laikim ol sios wok manmeri i mekim em long go het long autim Gutnius na strongim tok bilong God. Na no ken tingim tumas ol kago na samting bilong narapela.



WANTOK

TOK SORI

Bod, Menesmen na olgeta wokmanmeri bilong Word Publishing Kampani Limited na Wantok Niuspepa i laik salim bikpela tok sori i go long Lady Rarua, ol pikinini na Skate famili long indai bilong Papa, Tumbuna na gutpela poroman bilong ol grasruts pipel,

Leit Sir William Skate, KCMG, MP


Taim olgeta narapela i bin lus tingting long ol liklik manmeri, Sir William i bin tingim ol long ol liklik pasin na toktok bilong em.

Inap Bikpela i stap wantaim yupela long dispela taim bilong sore, na inap em i givim gutpela bel isi long yupela.

Bai olgeta grasruts manmeri husat i bin kisim halivim long Leit Sir William i no inap lus tingting long em.

EM I GO BEK LONG HAN BILONG PAPA HUSAT I BIN GIVIM EM LONG MIPELA

Kabui tok gutbai long Skate



SORE LONG BRATA: Presiden bilong Otonomes Bogenvil Gavman (ABG) Joseph Kabui i krai na tok gutbai long brata bilong em Sir William Skate. Mista Kabui i bin go pas long wanpela delegesen bilong ABG i bin kamap long Mosbi long Tunde long givim luksave long Leit Sir William. Mista Kabui i bin tokaut aste olsem Sir William i bin wanpela lida na praim minista we PNG i bin laki tru long i gat. Em i tok Sir William i bin gat strong inap long mekim disisen long sail bilong kamapim gutpela sindaun long Bogenvil. Gutpela sindaun nau we i wok long kirap bek gen long Bogenvil em planti long ailan i tok Sir William i bin kirapim.

Ol tisa mas kisim malolo na tiket pe

Noreen Dada i raitim

PLANTI tisa long kantri i wet yet long kisim liv o malolo mani long Provinsel Edukesen Dipatmen long ol wan wan provins.

2005 skul yia i bin pinis long Disemba 9 na long dispela taim planti tisa i wok long wet yet long kisim liv mani long go long wanwan ples bilong ol.

Planti tisa bai no inap kisim Krismas/ Niu Yia malolo bilong ol long wanem 2006 skul yia bai stat klostu taim long Mande Januari 30

long dispela mun. Olgeta tisa mas go bek long wok long Januari 23, 2006 long stretim ol wok bipo skul i stat.

Wok bilong stretim liv mani i go bek long wan wan Provinsel Edukesen Dipatmen wantaim ol provinsel etministresen long wok wantaim ol tisa long redim ol liv mani na i no moa wok bilong Nesenel Dipatmen bilong Edukesen.

Ektig Tising Sevis Komisina-Operesen, Michael Pearson, i tok ol tisa i gat rait long kisim bipo skul yia i pas na ol bai go stap wantaim ol famili bilong ol.

TORO

TORO RITIM PEPA OLSEM SIR BILL I DAI NA WARI NOGUT TRU...



EM I GO KAMAP LONG HAUS NA TOKIM FAMILI BILONG EM...



OLGETA I HOLIM PAS NA KRAI NA TINGIM OL PASIN BILONG LEIT SIR BILL SKATE...



EM I GRASRUTS MAN TRU! (SOB!) EM I LIDA TRU! GUT BAI SIR 'BILL'!



Bikpela luksave i stap

Andrew Molen
i raitim

OL pipol bilong Nesenel Kapitel Distrik (NCD) long aste. i bin i gat sans long lukim bodi bilong Sir William Skate na soim ol laspela respek bilong ol.

Long 11 kilok long moning, ol samting i redi long Sir John Guise stadium na bodi i go kamap long hap we em i stap i nap faiv kilok long avin-un.

Longwe long dua bilong haus em i silip, ol manmeri i pulap na i nogat spes bilong kar long ron.

Isi isi polis na ami i lusim olsem 200 manmeri i go insait bihain narapela 200 ken.

Ol liklik manki, bikman, meri, lek nogut, han nogut, gutpela man, man nogut, olgeta i kamap long lukim lida bilong ol.

Wanpela man i baim bikpela flawa long stua

na karim i go insait long putim long kofin.

Sampela meri i karim ol flawa bilong ol tu na karai wantaim na wokabout i go insait long haus long lukim bodi bilong Sir William, taim ol i kamap long we em i silip, ol i stop liklik na karai pastaim bipo ol i wokabout i go ken. Liklik flawa, ol i putim long het bilong em.

Long autsait bilong haus, lain bilong ol manmeri i go longpela moa

yet nau.

Long moning bipo long em i go long stedium, Sir William i go long palamen haus we ol minista, ol bikman bilong gavman na kampani na narapela oge-naisesen i sidaun wantaim em.

Namel long ol em presiden bilong Bougainville, Joseph Kabui na meri bilong em.

Mista Kabui i sanap long taim liklik na lukluk

long pes bilong man husait i kamap gutpela poro bilong em tru taim tupela i wok bung wantaim long kisim isipela sindaun i go long Bougainville, ai wara bilong em i pundaun.

Wok bilong Sir William long Bougainville em i wanpela we planti manmeri bai i tingim olgeta taim na Mista Kabui em wanpela man husait i luk olsem bai i no i nap lus tingting liklik.



PLANTI kain kain liklik stori i bin kamap long maus bilong kain kain ol liklik manmeri insait long biksiti Mosbi bihain long indai bilong Sir William. Em i soim tru pasin bilong dispela man ol i kolim grasruts praim minista.

NA MIPELA i mas tingim tu olsem sapos mipela i nogat nem, sapos mipela i nogat gavman o lida, bai mipela olgeta bai ol grasruts manmeri. Dispela em i wanpela nem tasol. Pasin bilong wan wan manmeri insait long bel bilong em na i save kamap ples klia long wok bilong em i as tingting tru long strong bilong man.

DISPELA taim we bikpela siti bilong kantri i stap wantaim sore long indai bilong rijinel memba bilong em i lukim ol bikpela stua i pasim dua bilong ol. Ol manmeri i bin guria tru long painim ol stua i op bilong givim sevis long ol pipel. Sampela i stap long tudak long wanem ol i lus ting long baim isipei pawa. Em nau, taim yumi stap long taim nogut, het i mas klia.

LUKSAVE i mas i go aut long ol pipel i stap ausait long Mosbi husat i bin save gut long Sir William, tasol i nogat rot long kam long Mosbi. Olgeta midia bisnis insait long kantri i bin wok hat tru long karim nius bilong olgeta samting i kamap insait long Mosbi i go aut long ol pipel long ol arapela hap bilong kantri.

HUSAT em ol lain long NCDC ka i wok long pulim wanpela trangu lapun mama wantaim bilum bilong em, tromoim em long ka na kisim em i go?


Westap luksave long ol bikpela mama na bubu meri? Em i tru long dispela wik, kantri i wok long sori na krai long grasruts lida na wanpela bikman we kantri i luksave long em, Sir Bill Skate. Tasol em i no as long bagarapim kain lapun mama husat i traim long salim buai long kisim liklik makmak long lukautim em yet na famili long kain ples olsem Mosbi. Tru, yupela i ken toktok strong long em long noken maket bikos long dai bilong bikman tasol pasin long pulim bilum na klos bilong mama husat i nogat strong olsem ol man na tromoim em long ka olsem em i wanpela kriminel o animel i nogut tru. Yupela i gat mama tu o nogat. Plis, em i taim nau long senisim pasin na luksave long ol meri.

NCD krai long lida bilong ol

EM i slip isi tru taim ol pipel bilong em long Nesenel Kapitel Distrik (NCD) i wokabout i kam long lukim em long Trinde aste long Sir John Guise Stadium. Olpela Praim Minista na Rijinol memba bilong NDC Sir William Bill Skate i kisim wanpela las taim long ol pipel bilong em i lukim bodi bilong em bipo long ol i planim em long Fonde tude long nupela matmat bilong ol Praim Minista long Palamen.

Long 9 kilok moning yet ol pipel bilong NCD i pulap long stedium pinis long lukim lida bilong ol. Olgeta i kam wantaim bel wari na sori tru tasol taim wan wan mama i stat long krai liklik, arapela tu i stat long pulim win na klinim aiwara long ai bilong ol isi isi.

Ol pipel i mekim longpela lain tru long rot insait long stedium na polis wantaim ami i sekim ol na larim ol i go insait wan wan long indo stedium we bodi bilong Sir William Skate i slip i stap wantaim ol singsing grup bilong wanwan sios grup.



WETIM TAIM: Ol manmeri bilong Mosbi i bin pulim longpela lain long tok gutbai long Leit NCD Rijinel Memba bilong ol Sir William Skate insait long Sir John Guise Stadium.

Namel long lain Wantok i bin sanap tu namel long ol pipel long bikpela hot san na ol i mekim save long sanap strong long lain na surik i go isi isi long stedium. Wanpela meri Hagen na Tolai i sanap klostu na i stori gut tru long save bilong ol long Sir William Bill Skate.

Meri Hagen i tok, dispela man ya em olsem bikman bilong mipela

long klen bilong mipela. Taim mipela lukim em, wantu tasol mipela tuk-save olsem em lida bilong mipela i kam ya. Mipela ol meri i save rispektim lida bilong mipela long klen na famili na dispela man ya em winim tru rispek bilong mipela stret, meri ya i tok.

Meri Tolai i tok ol i tingim Sir William Skate long gutpela pasin

bilong em long harim singaut bilong ol na kam lotu na sindaun wantaim ol long sampela bung bilong ol long siti.

Meri Tolai i tok Casper Wollom i bin salens bipo wantaim Skate long ileksen. Tasol dispela salens i no moa stap taim Skate i bin go na wanbel wantaim Wollom na mekim pren wantaim em na Wollom i winim ileksen long Not Is

Open. Meri ya i tok Wollom i save stap klostu wantaim ol pipel bilong Is Nu Briten na taim Skate i mekim dispela wanbel, dispela i amamasim ol tru olsem Skate i wanbel wantaim yumi olgeta.

Yangpela boi bilong Gerehu Desomon Waku, wanpela manki Morobe husat i bikpela long Mosbi i tokim Wantok olsem Sir William Skate em narakain lida tru. Em i fit olgeta long bungim ol pipel bilong 19 provins olgeta na kamap trupela lida bilong ol insait long siti.

Waku i tok em i bilip nogat wanpela lida gen bai wankain olsem dispela man. Sapos husat i laik kisim ples bilong Skate i mas kain lida i save tru long laip na sindaun bilong ol pipel long siti.

Long sait sait em mi ken harim ol arapela tu i surukim het na tok, tru ya, lida tru ya.

Tasol taim mipela i kamap long hap we bodi i slip i stap, olgeta toktok i pins na ai wara i pulap long ai taim mipela i kam aut long narapela sait dua.

2006 DIARIES

FROM K9.46

- POCKET SIZE TO A4 SIZE DIARIES
- ALL SIZES, ALL TYPES
- HARD COVER, QUALITY PAPER
- A1 SIZE PLANNERS

THE STATIONERY SUPERMARKET

Waigani, Port Moresby
Ph: 325 6500 Fax: 325 0302

Milfordhaven Road, Lae
Ph: 472 5488 Fax: 472 7838

Strongpela BRA lida kamapim belgut

Aloysius Laukai
i raitim

WANPELA strongpela sapota na deputi bilong leit Francis Ona i kamapim belgut pasin wantaim ol birua bilong em.

James Singko bilong ples Osiange long Panguna i stap long boda namel long Sentrel Bogenvil na

Nagovis em dispela man we Nesenel Gavman i bin laikim het bilong em long K250,000 long taim Bogenvil hevi i stat tasol nogat man i bin inap long kisim Mista Singo.

Seremoni bilong kamapim belgut na sekan pasin i bin kamap las Fraide we i lukim ol pipel bilong Sianeki na sief bilong ol William

....Namba tu bilong Ona

Kondiko na Mista Sinkgo na pipel bilong em long ples Osiange i bung wantaim na wokim kastom pasin, kaikai na lusim ol bel hevi i bin stap namel long ol stat long taim bilong hevi na i kam inap nau.

Long taim bilong hevi, lain bilong Singko i bin

sapotim ol BRA taim ol lain bilong Mista Kondiko i bin stap wantaim ol resistens lain, grup we i sapotim nesenel gavman.

Long toktok bilong em, Mista Singko i bin tok ol pipel bilong tupela ples i no bin birua bipo long hevi tasol bikos

woa i kamapim hevi, em i laik autim tok sori long kamapim bek gutpela pren namel long ol gem.

Em bin tok wanem samting i bin kamap aninit long lukaut bilong BRA i bilong gutpela bilong Bogenvil. Na insait long 10-15 yias, Bogenvil bai kisim

indipendens.

Ol bin senisim ol selmani na kilim ol pik olsem mak bilong kamapim gutpela pren na ol lida bilong tupela ples na ol lain i makim Bana Distrik opis i bin stap lukim dispela seremoni. Bai i gat narapela belgut na sekan seremoni namel long grup bilong Mista Singko na ol resistens lain long

Bana Distrik bihain long ol i stretim ol toktok.

Long wankain taim Otonomes Bogenvil Gavman lida, Presiden Joseph Kabui i tok ol dispela seremoni em ol bikpela samting na gavman bilong em i laikim moa long ol i kamap na ol pipel i ken wanbel na stap gut na go hetim gut laip na sindaun bilong ol na rijen.

Morobe So bai kamap gen

...Bihain long 7-pela krismas

MOROBE Provins bai kamapim bek katserel so bilong em long dispela yia, bihain long 7-pela yia em i no kamap.

Ol bin lonsim dispela so aninit long nem, "Biang-Ngayam kalserel festival long yia 1998 tasol bikos long mani hevi, ol bin stopim i kam inap nau ol i laik kirapim bek gen.

Dispela em wanpela bikpela so we provins i save soim kalsa bilong em, soim ol ats na krafs provins yet i gat long em. Ol bai gat resis long Mis Morobe na sampela ol arapela samting moa.

Koporet sekta long Lae wantaim Morobe Provinsel Gavman i putim han wantaim na i

laik kirapim gen dispela so.

Mausman bilong ol Koporet bodi long Lae em Fred Cook i tok dispela so bai kamap long wankain taim olsem Rimemberens de o de bilong tingim ol lain i bin dai long pait bai kamap long mun Epril bilong dispela yia.

Ol wok redi long putim kamap dispela so long provins i wok long go het nau. Ol i kirapim pinis wanpela komiti we i gat ol bikman meri bilong ol koporet kampani, ol Travel ejensi na Dipatmen bilong Morobe i stap insait long em.

NARI kisim 500,000 helpim

NESENEL Agrikalsa Riset Institut (NARI) long Lae. Morobe provins bai gat nupela malti pepes hal na dispela bai kamap wantaim sapot bilong Morobe Provinsel Gavman.

Provinsel Gavman i katim manimak inap long K500,000 long sanapim dispela bilding we ol bai kolim long Sir Alan Quartermain Hal bihainim wanpela bikman bilong Institut husat i bin dai sampela krismas i go pinis.

Dispela bilding bai i lukautim ol rises infomesen na teknoloji i sut long ol developmen na wok bilong agrikalsa.

Gavana Luther Wenge i bin tokaut long dispela samting taim em i wokim wanpela lukluk raun bilong em i go long NARI las wik.

Em bin tok NARI em i wanpela bikpela institusen na i mas gat luksave na helpim mani long karimaut ol wok.

Gavana Wenge i tok nupela hal ya bai helpim ol rurel fama long kisim ol bikpela infomesen na toksave long ol nupela teknoloji developmen, ol agrikalsa rises salientis long NARI i wokim na ol woksop, NARI komyuniti bung, open de, helt na edukesen aweanes kempein na ol arapela wok moa.

Gavana Wenge i petron bilong NARI.

Long wankain taim tu, Dairekta Jenerel bilong NARI em Dokta Raghunath Ghodake i tok dispela mani i kam long taim ol i laikim tru na bilding bai helpim ol fama na ol risets lain i wok wantaim long kamapim ol gutpela agrikalsa prodak.

Ramu Sugar bai salim planti pikinini i go bek long skul



BACK TO SCHOOL FEES
K100,000

bilong ol skul fi long winim

Baim paket Ramu Sugar long stap insait long dispela resis.

Raitim bekim long entri fom na pasim wantaim wanpela paket i nogat suga long en long soim olsem yu bin haim.

Salim entri bilong yu i kam long Ramu Sugar Back To School Promotion C/- Locked Bag Service Lae, Morobe Province, o putim insait long entri bokis i stap insait long wan wan ol stua.

Dro o taim bilong painim ol wina bai kamap long Fraide long olgeta wik stat long namba 27 de bilong mun Januari na bai pinis long namba 24 de bilong mun Februari.

Ramu Sugar back to school promotion

Name:.....

Address:.....

Phone:.....

POST TO:

**Ramu Sugar Back to School Promotion.
C/-Locked Bag Services
Lae,
Morobe Province
Papua New Guinea**



Bai i gat 40 manmeri i ken winim K500 wan wan wik inap long 5-pela wik olgeta

Dispela resis bai pinis wantaim las entri o pas ol i kisim long namba 24 de bilong mun Februari

ABG kisim salens bihain long trabel

Aloysius Laukai
i raitim

SALENS i go aut long Otonomes Bogenvil Gavman (ABG) long ronim Bogenvil wantaim atoriti. Dispela strong-pela toktok i kam bihain long wanpela meknais we bipo Bogenvil Revoluseneri Ami Komanda Ishmael Toroma na grup bilong

em i bin bungim gun paia wantaim ol man husat i bosim rotblok long Morgan Jansen na lukim wanpela yut bilong Buka i dai.

Mista Toroama i bin wokim toktok long nambawan belgut na sekan seremoni long Arawa las wik. Em bin tokim ol lain long bung olsem ABG i mas wokim ol strongpela lo long

lukautim rijen

"ABG i noken harim sampela grup long Bogenvil komyuniti tasol Pipel i makim ABG long inapim singaut long otonomi na independens long Bogenvil. Planti Bogenvil pipel i sanap wanwan bihain ol i kamap long nambawan hap bilong rot long independens long

Bogenvil,"

Mista Toroama i tok i gat ol yut husat i bosim ol rotblok long olgeta hap bilong Bogenvil na em i singaut long ol long pinisim dispela kain pasin.

Em i tok tu olsem planti Bogenvil eks paitman i brukim na rausim ol gan bilong ol na em i laikim ol lain husat i no

wokim yet long mekim wankain hariap.

Dispela Rikonsiliesen serimoni i bin kamap long Marimari Haus Lotu long Arawa namel long ol wantok bilong dispela yangpela manki Buka we ol i bin kilim dai long Morgan Jansen na ol Mekamui Defens Fos na tu Resistens Fos we Mista Toroama i go pas long em.

Kokopo Iektoret kisim helpim long memba

KOKOPO Iektoret bai go hetim sampela nupela projek na inapim tu ol olpela projek wantaim helpim mani we memba bilong ol i putim i go insait.

Kokopo memba na Minista bilong Foren Afeas long Nesenel Gavman Sir Rabbie Namaliu i tokaut long ai bilong Is Nu Briten Gavana Leo Dion na ol lida insait long distrik long givim K1.4 milien long Distrik Sapot Gren mani i go long Iektoret bilong em. Long dispela mani mak, K250,000 em ol i katim long helpim ol sios grup, pilai grup, Vunapope Haus sik na ol institusen we ol sios i ranim. Rot, wokim gut trenspot sistem, Edukesen, Helt, Turisim, maket, wara na rurel pawa saplai em ol projek eria we helpim mani bilong Sir Rabbie bai i go long en.

Bogenvil bai ileksen stat long dispela wik



BAI ILEKSEN: Memba bilong Pogo long Siwai Iektoret Moses Koiri i putim vot bilong em.

wokim dispela apil long Radio Bogenvil long Ilekse Apdet Progam.

Mista Anavin i tok nogat planti lain i bin kamap long ol ples bilong vot.

Em i singaut tu long ol lain i sanap long ol rotblok long larim ol pipel i go vot.

Voting bai pinis long Sarere Januari 21 na

kaunim bai stat long Mande Januari 23.

Ol bai givim bek rit pepa long Februeri 10.

Sikspela kendidet long dispela bai ileksen em long Simon Pentanu, Joel Banam Leo Hannett, Isaia Moroko, wanpela meri tasol em Theresa Jaintong na Aloysius Tahun.



STAIL DANIS: Ol yangpela meri NGI i stailim gut long eksen danis long pul long kanu. *Fall foto.*

Aloysius Laukai na
Veronica Hatutasi
i raitim

OL PIPEL long Bogenvil bai save long rijinel memba bilong ol insait long Nesenel Gavman long mun Februari.

Dispela i bihainim bai ileksen vot we i bin stat long dispela wik Mande na bai pinis long Sarere Januari 21, 2006. na kaunim bilong ol vot bai kamap bihain tasol long vot.

Samting olsem 90,000 pipel long Bogenvil bai vot aninit long nupela Limitit Preferensel Voting (LPV). Aninit long dispela sistem, ol man bai putim 1, 2 na 3 long ol kendidet ol i laikim. Bogenvil i bihainim dispela sistem long nambawan taim. Long Otonomes Ilekse las yia, ol bin yusim olpela fes pas the vot sistem we ol i putim X long kendidet ol i laikim. Dispela em bikos ol i no karimaut aweanes long nupela LPV sistem.

Bai Ilekse we i bin stat long Mande i wok

long go gut long planti hap bilong rijen, maski sampela meknais i kamap long sampela hap.

Dispela em bai ileksen bilong Bogenvil Rijinel sit we olpela biknem politisen John Momis i bin lusim long las yia Epril taim em i laik resis long Bogenvil Otonomes Ilekse.

Provinsel Iektoret opis i tok long nambawan de, mak long pipel i bin go vot i no planti tumas long olgeta hap bilong aitan.

Wanpela as em long ol rotblok we ol lain bilong U-Vistrak lida Noah Musingku i putim long ol No-Go-Zon long Saut Bogenvil. Em long ol ples olsem Panguna, Tonu na Buin.

Ol ripot i tok long Tabago eria long Buin, ol yangpela i bin pulim tupela balot bokis na nau ol polis na Iektoret opisa i mekim wok painim long dispela.

Bikos long dispela ol rotblok na ol meknais olsem na tu, bikos em i hat long go long sampela eria long wanem bikipela ren i stap, ol i

yusim helikopta long lusim ol balot bokis long sampela ples.

Ol ripot i tok ileksen i no bin stat long sampela eria olsem Tinputz, Selau/Suir, Wakunai, Torokina na Arawa. Na ol bai yusim helikopta long kisim ol balot bokis i go long ol dispela ples.

I luk olsem Otonomes Gavman i wok long yusim helikopta inap long tude na bihain long dispela, ol bai larim helikopta long karimaut wok bilong bai ileksen.

Ol ripot i tok long Siwai Distrik, ol i stopim ol Iektoret opisa long go insait long ol ples bilong karimaut vot.

Long Sentrel Bogenvil, rotblok long Morgen Jansen i stopim ol opisa i karimaut ol balot bokis na karimaut vot long ol eria ol i makim long en.

Bogenvil Provinsel Iektoret opis i singaut nau long ol vota long go long ol ples bilong vot na givim vot bilong ol.

Ilekse Aweanes Promosen opisa Carlmax Anavin i



BANK OF PAPUA NEW GUINEA PUBLIC NOTICE

WARNING AGAINST FAST MONEY SCHEMES & SCAMS

The Bank of Papua New Guinea (the Bank) continues to warn the public to watch out and avoid doing business with fast money schemes. The Bank strongly advises against putting money in such schemes, as they are illegal, and people who place their money with the promoters or agents of these money schemes will always lose their hard-earned cash. **FOR MANY UNAWARE VICTIMS, YOUR MONEY IS LOST!**

The Bank continues to warn the public about illegal money schemes such as Money Rain, U-Vistract, Windfall, Bonanza 99, Hosava Stocks, Papalain Association, and the National Federation of Foundation. These money schemes are still collecting money from the public, but not paying returns on them. You should report such operators to the police.

The Bank is not going to recover your money from these schemes. The Bank, Police and other authorities can only do much to stop these schemes. It is up to the individuals - do not be foolish to place your money with any of these schemes - you'll never see your money and what ever you are promised in return. Your money is at risk - go and demand it back from the person you paid it to.

Many of these fast money schemes also falsely promise the public that the Bank of PNG is holding onto their billions and trillions of kina and will be released soon. Some of these operators have forged guarantees using colour reproductions of the Bank of Papua New Guinea's letterhead and signatures purporting to be of the Governor and Deputy Governor. These are outright lies, scams, and are deliberate acts of fraud and theft. **THE BANK DOES NOT DEAL WITH FAST MONEY SCAMS/SCHEMES OR PRIVATE INDIVIDUALS, AND DOES NOT ISSUE GUARANTEES OR WARRANTS.** Any person who accepts deposits from the public for any reasons at all without a license from the Bank or issues any Bank of PNG guarantee is conducting an illegal activity.

The Bank also warns the public not to respond to scams from overseas, which circulate letters requesting you to facilitate transfers of millions of dollars or other currencies from overseas into your personal bank account.

REMEMBER: DO NOT PLACE YOUR MONEY WITH ILLEGAL MONEY SCHEMES/SCAMS!!

L. WILSON KAMIT, CBE
GOVERNOR

Ol ripot long namba 25 Luteran Sios Sinot bung long Wasu Hai Skul insait long Finsafen, Morobe provins wantaim BUSTIN ANZU.

Sios kamapim planti saveman

Bustin Anzu i raitim

LUTERAN Sios het bisop Reveren Dokta Wesley Kigasung i tok sios i helpim kantri wantaim planti ol saveman na meri. Dispela em long ol skul bilong ol yet

insait long kantri.

Tasol maski em kamapim ol dispela kain save lain, sios i kisim taim yet long lukautim skul bilong em yet.

"Long strongim wok bilong telematim gut-nius, sios i stat wantaim

wok bilong skul. Na dispela wok bilong skul i kamapim planti save-lain husait nau i developim kantri.

"Planti pikinini Luteran nau i wok long ol kampani wantaim gavman long kirapim na strongim kantri

bilong yumi.

"Insait long 119 years bilong ELC i stap insait long kantri na 50-pela yia long mekim wok olsem evanjelis, planti skul i kisim nem olsem Luteran ejensi skul. Na nau sios tu i gat hevi bilong lukautim ol dis-

pela skul," Het Bisop Kigasung i mekim dispela toktok taim em i givim ripot bilong em long sinod.

Tasol nau yet ol i mas amamas long wanem i gat narapela luksave i kam long ol ovasis patna misin yet.

Dispela luksave bai kam long Australia Luteran Wol Sevis long wantaim dipatmen bilong edukesen bilong sios na lukluk insait long ol dispela hevi na traim na banisim samting bilong skul yet.

"Mipela mas tok tenkyu long Australia Luteran Wol Sevis wantaim ol wok lain bilong ol long dispela wok bung wantaim. Dispela bai daunim sampela hevi bilong wok bilong ol.

Na long dispela, ol bai salim wanpela volandia wokmeri kam wok wantaim mipela long lukautim wok bilong skul wantaim ol propeti bilong skul," Bisop i tok.

Bisop i tok tu olsem dispela eksen program tu i go kamap bikpela. Aninit long dispela pro-

grem, sampela pasto tu i go wok misin long ol narapela kantri na kisim planti save na kam bek.

Narapela eria, we sios i lukluk long en em Luteran Helt Sevis. Dispela em wankain olsem edukesen, we sios i lukluk long kisim ol wokman meri bilong haus sik i kam insait na wok wantaim ol lain bilong mipela long haus sik.

Narapela long dispela bikpela sik, HIV/AIDS, sios i laik mekim wok long dispela sik tu. Nau yet sios i kamapim wanpela nem aninit long Helt, kolim long famili Luteran Laip Kea (Lutheran Life Care)

"Sios i lukluk long rot bilong helpim ol Kristen manmeri husat i stap wantaim dispela kain sik," Bisop i tok.



TOK SORI

Ilektorel Komisin, Mista Andrew S Trawen, long makim famili bilong em na olgeta wok manmeri na opisa bilong Ilektorel Komisin bilong Papua Niugini na ol Komisina bilong Ilektorel Baunris Komisin, i salim bikpela tok sori i go long Lady Rarua Skate na ol Pikinini na Tumbuna long indai bilong man, Papa na Tumbuna man bilong ol Sir William 'Bill' Skate, bipo Praim Minista na Provinsel Memba bilong Nesenel Kapitel Distrik.

Long taim em i bin sanap olsem provinsel memba bilong NCD, Leit Sir William i bin go pas long hat wok bai ol pipel bilong em i kisim luksave insait long Palamen. Ol liklik gras ruts manmeri, na moa yet, ol lain insait long ol setelmen, bai sori tru long em i no stap moa.

Lidasip stail bilong em na ol disisen bilong em i bin sikirapim bel bilong planti bikmanmeri tasol ol liklik manmeri i bin amamas... Kantri i lusim wanpela moa gutpela lida.

Long dispela taim bilong sore, Mipela i prea olsem blesing bilong Gutpela God Papa bai givim bel isi na gutpela sindaun long Lady Rarua, ol Pikinini na ol Tumbuna bilong em na olgeta lain manmeri i stap wantaim sore.

Inap sol bilong em i kisim bel isi bilong oltaim.

**ANDREW S. TRAWEN, MBE
ILEKTOREL KOMISINA**



OL I KAM: Opim bung wantaim bikpela amamas i autim rot we ol namba wan misinari bilong Luteran Sios i kam long en.

Luteran Sios amamasim Silva Jubili

Bustin Anzu i raitim

TRINDE i bin makim amamas de bilong Evanjelikel Luteran Sios bilong Papua Niugini (ELC/PNG) na planti samting i kamap.

Dispela de em bilong makim 50 yia anniversari long wok evanjelis insait long kantri na 25 Silva Jubili. Planti deleget na ol Kristen manmeri i kamap long dispela bung.

Dispela ples tu em makim taim ol misineri i go long narapela hap ples wantaim Hailans na telematim wok bilong God.

I bin gat 163,000 bilip man meri bilong sios long stat long namba wan sinod long 1956 na insait long las 50 yia, i gat klostu long wan milien Luteran Sios memba insait long kantri.

Dispela bung bai pinis long tumora, Fraide.

Nu Yia no gut long Mendi Sentrel

Timon Henry i raitim

TAIM yumi kalap i go long nupela yia, planti hap bilong kantri i bin bungim ol gutpela na nogut samting.

Long Mendi Sentrel insait long Sauten Hailans, Nu Yia selebren i no bin kamap gut bihain long sampela yangpela i blokim haiwe rot na stopim ol ka na ol manmeri na putim graun nogut long ol.

Insait long Mendi Taun yet antap long Tente long Sande Moning olsem 7:30,

planti ol yu na sampela ol yangpela meri wantaim pikinini i bin sanap long Rot na singaut i go kam na putim

...Skulim gutpela pasin long ol yut

graun nogut long ol lain husat i laik go long Sande lotu.

Ripot i tok olsem sampela yut bilong ples i bin kam aut long bik morning na stopim ka bilong wanpela yangpela Pater i bin painim hevi long rot taim ol yut i tromoi ol kainkain graun nogut long waitpela suzuki ka bilong en."

Pater Peter Hinawai husat i lukautim Apa Mendi Karinz Peris i tok, "Mi laik go mekim lotu long tupela liklik aut stesen long Tulum na Bela mi bungim planti ol yangpela i sanap namel long rot na sampela i

slip nabaut olsem haus dua bilong ol. Ol i tromoi graun nogut long ka bilong mi tasol mi no stop, mi lukim ol olsem ol laion i laik kaikaim ol wail animel," Pater Peter i tok.

Olsem na em i singaut long ol papa mama, ol viles, komyuniti na ol provinsel na nesenel lida long stopim ol dispela kain pasin.

"Yupela ol lida i save sindaun wantaim ol pipel, o kisim gut tingting bilong ol na save givim bek sevis na developmen long ol? Pasin bilong selebretim Nu Yia i no olsem. Dispela ol i brukim lo ol

i kolim Asal," Pater Peter i tok.

Em i tok pasin bilong selebretim Nu Yia em long senisim pasin bilong dringim planti bia, pilai poka masin, birua wantaim ol wan lain, tanim bel na i go insait long nupela wei bilong stap gut wantaim famili na opim dua insait long bel na tingting bikos dispela tupela samting i save kontrolim laip bilong manmeri.

Long wankain taim tu, Pater Peter i tok gen olsem lo na oda insait long Sauten Hailans Provins i no ron gut na em i singautim ol lida long wan wan ples na komyuniti long givim skul gut long ol yangpela bilong tude.



SKRUIIM SAVE: DISPELA mama i kisim setifiket pepa bihain long pinisim wanpela skul wantaim ol arapela meri.

Belgut pasin kos kamapim senis

Timon Henry i raitim

WANPELA greduesen i bin kamap long ples Pigirip insait long Sauten Hailans we 55 pipel i bin kisim setifiket bilong ol.

Dispela em ol Pis Faundesen Melanesia (PFM) Trena bilong Sauten Hailan Provins i bin pinisim tupela wik kos bilong kamapim gutpela bel na Stretim Tingting. Ples Pigirip em i wanpela aut stesen bilong Katolik Sios. Ples Pigirip i wanpela gutpela ples bipo, tasol taim pait i bruk namel long tupela wan pisin na planti laip bilong ol man na meri i bin lus, i ronawe. Taim ol wok manmeri bilong God i kam insait long ples Pigirip ol manmeri i bung gen long kisim ol kain skul bilong kamapim gutpela sindaun long ples na komyuniti bilong ol.

Planti ol manmeri na ol yut bilong Katolik Sios long Pigirip i bin welkamim ol biklain bilong wanwan Dipatmen bilong Gavman wantaim ol man tu husat i go pas long ol Non Gavman Ogenaisesen (NGO) wantaim ol wanwan Sios i bin kam long givim sapot na luksave long wok bilong ol.

Komyuniti Jastis Kos (CJC) i opim dua bilong Bel na tu Stretim gut tingting bilong ol manmeri husat i stap long dispela kos.

Ol i tok amamas tru long ol wok na Skul bilong Pis Faundesen Melanesia i wokim

long olgeta hap bilong Sauten Hailans Provins na nau ol i lukim bikipela senis i wok long kamap long dispela provins na long ol komyuniti.

Het Man bilong Katolik Sios long provins Bisop Stephen Reichert i wasman bilong dispela NGO.

Kainantu mama kisim ansa

James Kila i raitim

LONG 2005 bihain long planti hevi, Papa God i mekim na Gavman i harim krai bilong ol mama insait long Kainantu Distrik long lsten Hailans provins.

Dispela ol mama na ol meri long Kainantu Distrik i save bungim planti hevi long han bilong ol raskol na bikhet man.

Long namel bilong las yia i mekim bikipela krai tru i go long gavman long helpim daunim hevi bilong lo na oda long Barola maunten long Hailans Haiwe.

Tripela mun bihain, gavman i harim krai bilong ol na baim wanpela nupela polis 10 sita ka long helpim wok bilong ples

...Polis na sekyuriti long Barola

Barola maunten.

Nau yet, dispela haiwe patrol 10-sita ka i save ron i go na i kam long Goroka, Kainantu na putim was long Barola maunten. Dispela maunten em bipo planti birua i save kamap na bagarapim ol lain husat i yusim bikipela Hailans Haiwe.

Olgeta manmeri insait long Kainantu taun i bin kamapim wanpela protes mas long givim askim o petisen bilong ol i go long Intenel Sekyuriti Minista, Bire Kimisopa wantaim plis Komisina, Sam Inguba bihain long planti hevi ol mama long Kainantu i save bungim long han bilong ol

raskol.

Mausmeri bilong ol Kainantu mama Ms Lauri i tok olsem PNG em i Kristen kantri tasol kain pasin ol pikinini man i save mekim long ol meri na ol mama long Kainantu em pasin nogut tru na wankain olsem pasin bilong ol animal stret.


"Mi singaut long ol Kristen Sios long Kainantu long helpim kamapim sampela kain rot long luksave long ol dispela hevi na traim bringim ol yangpela wantaim na toktok long gutpela sindaun insait long Kristen laip na komyuniti," Ms Lauri i tok.

Em i tok olsem ol raskol man long Kainantu ino save gat luk-

save long ol mama na ol yangpela meri. Ol i save hensapim ol long gan taim ol meri i go raun long maket o stua na stilim ol samting bilong ol, na tu, karim ol meri na bagarapim ol.

"Mipela i haitim mipela longpela taim olsem na mipela i laik kamaut na tokim PNG olsem mipela ol mama bilong Kainantu i gat bikipela hevi tru na gavman i mas luksave long dispela na helpim mipela," Ms Lauri i tok.

Narapela meri husat i mekim ol bisnis komyuniti long Kainantu em Susan Koyoto i tok olsem ol asples meri bilong Kainantu taun stret i save pret long wokabaut long taun bikos ol raskol pasin i go bikipela tru.



Why Do More People Buy

TOYOTA **HIACE**

You Get More than Just a Bus...

- ✓ Most Popular vehicle in it's class
- ✓ More features ✓ Compaitively Priced
- ✓ More added Safety features
- ✓ Fully Supported by Toyota Genuine Parts and Quality Service Nationwide

Stock Available for immediate delivery Call in and see us Now!



Ela Motors

15 BRANCHES NATIONWIDE

PORT MORESBY PH 3229400 • LAE 4781803 • KOKOPO 9829100 • MADANG 8522188 • GOROKA 7321844 • INT. HAGEN 5421888 • WEWAK 8562255 • KAVIENG 9842788 • KIMBE 9835155 • TABUBIL 5489060 • VANIMO 8571254 • PORGERA 5479367 • BUKA 9739915 • LIHIR 9364099 • ALDOTAL 6410100

Ol yut i soim rot



SKUL WANTAIM SPOTS: Ol yut bilong Joyce-Bay setelmen insait long Mosbi Saut i amamas bihain long ol i bungim skul na spot long lainim moa long hevi bilong sik HIV/AIDS.

WANPELA komyuniti insait long Mosbi Saut ilektoret i wok long soim rot long pait agensim hevi bilong sik HIV/AIDS aninit long strong bilong ol spots olsem Ragbi na Netbol.

Joyce-Bay setelmen i pinisim wanpela 6 mun HIV/AIDS Joyce Bay Hai Risk Setings Strateji program insait long dispela tupela spot.

Ol i bin pinisim ol fainol pilai bilong ol long Butuka Praimari Skul we moa long 1000 manmeri i bin kamap na lukim ol pilai long mun Desemba.

Dispela siks mun spots program i bin lukluk long bungim ol yangpela man na meri long rejistaim ol lokol tim na pilai insait long dispela tonamen.

Ol dispela program bilong ol yut husat i no go long skul i bin kisim halivim long Nesenel AIDS Kaunsil Sekreteriet (NACS) na Nesenel HIV/AIDS Sapot Projek (NHASP) wantaim stia i kam long Famili Helt Intanesenel (FHI).

FHI yet i bin givim teknikel stia long kamapim na karimaut ol Biheviarel Komunikesen Senis (BCC) o ol program bilong senisim pasin bilong ol yut. Joyce-Bay Hai Risk Setings Strateji i bin wanpela long 32 HRSS ples insait long kantri long 2005 we ol i kamapim na karimaut ol BCC program we i lukluk long senisim pasin bilong ol pipel.

Joyce-Bay i bin kisim luksave long karimaut dispela program long wanem em i wanpela komyuniti we i gat planti yut we ol i no go skul.

Antap long dispela wok kamap, lokol memba bilong Mosbi Saut, Dame Carol Kidu i bin kamapim wan-

pela Distrik AIDS Komiti. Komiti i bin halivim long sanapim Joyce-Bay HRSS na kisim wok bung bilong olgeta manmeri insait long komyuniti olsem ol papamama, ol lokol lida, Dame Carol, ol sios lida, ol skul sumatin na ol tisa bilong ol na ol yut.

Insait long dispela 6-pela mun, ol program bilong HIV/AIDS i bin kamap insait long spots program bilong ol yut. Wanpela wan wik trening long save gut long HIV/AIDS, STI o ol sik bilong slip wantaim, ol drak na bia na wankain rait bilong ol man na meri wantaim i bin kamap insait long ol wan wan spot komiti. Em ol tim kaptan, ol kosa, ol refri na ol Distrik AIDS Komiti memba i bin mekim.

Ol dispela lida lain i bin kisim dispela save na ol i go bek long wan tim bilong ol na givim skul long ol arapela.

Dispela program i bin strongim ol yut long kamapim gutpela ples bilong ol na ol poroman bilong ol long tokaut long hevi bilong HIV/AIDS na skulim ol arapela insait long komyuniti long en. Nau planti long ol yut insait long Joyce-Bay setelmen i kila long olgeta dispela samting na rot bilong bihainim bilong painim gutpela sindaun insait long laip bilong ol wan wan.

Ol i lainim rot bilong stretim ol hevi, lidasip, yusim gut taim bilong ol na komyunikesen o toktok wantaim ol arapela. Ol pipel tu i kisim gutpela kaikai long dispela program. Ol mama i bin mekim moni taim ol i salim ol kaikai na dring samting long taim bilong ol pilai na wanpela gutpela sindaun i kamap insait long komyuniti namel long olgeta manmeri.

AIDS etvetismen winim awot

Veronica Hatutasi i raitim

WANPELA AIDS pilai we Nesenel AIDS Kaunsel i bin kamapim wantaim sapot bilong Nesenel HIV/AIDS Sapot program i winim wanpela intanesenel awot.

Televisen etvetismen, Meri B Seif, i bin winim wanpela intanesenel awot long Cairns, Australia.

"Meri B Seif" i soim lokol musik meri, Bemu Kidu, i winim top Intanesenel TV

Komesel awot long Telstra Kantri-Wide Media Awot long 2005 na i bin kamap olsem hap long TV, radio na niuspepa etvetismen we Nesenel AIDS Kaunsel na Nesenel Helt Sapot Program i bin yusim long Sosel Maketing Kempein bilong en las yia.

Lokel kampani Pasifik Viu Maltimidia wantaim helpim bilong Far Not Queensland Films i bin autim na mekim dispela etvetismen long nesenel enti-AIDS kempein na i wanpela ting-

ing we i bin kamaut long wok painim aut na fokus grup testing we i wanpela bikpela hap long Nesenel AIDS Kaunsel sosel maketing wok plen.

"Dispela ol HIV/AIDS tokaut we i promotim kondom o karamap long ol yangpela i kamaut long wok painim aut wantaim ol hai risk yut grup o grup we sik bai kamap long ol insait long Pot Mosbi. Ol risal long wok painim aut mipela i yusim long luksave long mekim ol tok-

senta long ol kamapim gutpela etvetismen," Dairekta bilong Nesenel AIDS Kaunsel Dokta Ninkama Moiya i tok.

Grup modereta i bin askim ol yangpela pipel long lusim ol bikhet pasin bilong ol nau na long dispela ol glasim sampela tingting we ol i ting bai kamap gut long wokim kempein. Wantaim ol dispela samting we ol i bin testim tingting bilong ol yangpela long ol kondom o karamap na husat ol i ting bai autim toksave gut long pablik.

Pot Mosbi i stap isi

Andrew Molen i raitim

POT Mosbi i stap isi tru long Sarere avinun, i nogat planti pairap i kamap, ol stua i pas long 11 kilok moning yet, sampela long 10 kilok na sampela ol spot pilai long wiken tu i no kamap.

Long givim luksave bilong ol long gavana bilong ol, olgeta manmeri long Nesenel Kapitel Distrik (NCD) i go pulap long ples balus long lukim bodi bilong Sir William Skate i kam long Brisben Australia we em i dai long en.

Insait long Mosbi siti ol stua na bisnis i pas na i nogat planti wok long dispela taim.

Wanpela wokman long Papindo supamakot long

Gerehu i tok ol i pasim stua hariap long givim luksave bilong ol.

Narapela astingting tu bilong ol stua na bisnis i pas em long kisim was bihainim ol pret toktok olsem nogut sampela lain i bagarapim ples o brukim ol stua na stilim samting.

Bikhet pasin i bin kamap long wanpela Mobil sevis stesen long Lawes rot long Ela Beach we sampela man na ol manki i brukim sevis stesen na stilim ol samting.

Ol polis i bin kamap na i holim sampela bilong ol dispela lain.

Wanpela bikpela op sisen ragbi lig resis insait long Mosbi, Okuk Mori Rogerson ragbi lig kap i stopim tu ol pilai bilong ol na surukim i go long dispela

wiken antap.

Sir William Skate i bin putim han long sponsaim dispela ragbi lig resis wantaim moni bilong em yet taim em i kamap long lonsing bilong kompetisen ya long Novemba las yia.

Long tri kilok avinun ples balus i pulap pinis na sampela moa manmeri i wokabaut yet long rot long Erima i go olsem long 7-mail.

Ples bilong putim kar na hap bilong sanap tu i pulap wantaim ol pipel we namba bilong ol i moa long 2000.

Ol polis na ami i givim sekyuriti long ples balus na insait long siti we i lukim ples i stap gut na i nogat wanpela bikpela trabol o hevi i kamap.



Wanpam helpim ol ples lain

WARA EM LAIP:

Sampela ples i no i stap kiostu long wara na ol manmeri i save hatwok long wokabaut longpela rot long kisim i kam long kuk, waswas na mekim ol narapela wok. Ol pipol long Eboa viles long Kairuku eria bilong Sentral Provins em ol i laki tru long i gat dispela wara pam long wan wan hap insait long ples we i save pamim wara i kamaut long graun. Mista Andrew

NCDC tok tenkyu long ol polis manmeri

NESENEL Kapitol Distrik Komisnin (NCDC) i tok amamas na tenkyu bilong en i go long ol polismanmeri long wok bilong ol long taim bilong Krismas na Nu yia.

Gutpela wok bilong ol i lukim olgeta samting i ron gut tasol na i nogat bikhet pasin na planti trabol i

kamap insait long siti.

Ripot bilong NCDC i tok Krismas na Nu yia bilong 2005 long Pot Mosbi i nogat planti nois i kamap na i soim olsem ol manmeri i amamasim dispela taim wantaim gutpela spirit bilong krismas na Nu Yia.

"Mipela i tok amamas na i luksave long hatpela wok bilong ol polismanmeri long siti long Krismas na Nu yia.

"Olgeta bung na amamas insait long siti i bihainim gutpela we stret bilong amamas we ol polis bilong yumi i mekim gutpela wok na yumi i mas tok tenkyu na amamas

i go long ol," wanpela stetmen i kam long NCDC i tok.

"Dispela i soim wanem kain komyuniti tru bai yumi i gat sapos olgeta manmeri respektim ol yet na ol narapela."

Komisnin i tok amamas tu long ol nes husait ol i gat

gutpela tingting na i go bek long wok long wanwan hap bilong ol bihain long ol i stap long straik moa long tripela wik.

"Dispela tingting long go bek em i gutpela na mipela i amamas.

"Mipela i amamas long ol

nes i go bek long wok na em bai gutpela sapos wanpela gutpela toktok i kamap long stretim dispela hevi ol i bungim nau bilong wanem wok bilong ol i bikpela tru we planti manmeri i stap long siti i save lukluk long ol taim ol i sik na i go long haus sik."



OL BILAS PLES MERI YET! Ol yangpela bilong Nu Ailan Provins i stailim tru wantaim pepol laplap na ol naispela bilas long het na bodi.



BILAS I KUKIM: Naispela kastam bilas wantaim selmani bilong dispela liklik meri Bogenvil i kamap



TINGIN BONDE: Ol dispela pikinini i bin putim kamap gutpela pilai long selebretim krismas



MAN BILONG OL PIPEL: Ol pikinini i amamas kaikai wantaim Gavana Jenerel na Gren Sief Sir Paulias Matane, em man bilong ol pipel stret.

Sapotim Kristen felosip ministri

Veronica Hatutasi i raitim

NAMBAWAN strongpela Angliken Sios meri i wok nau wantaim Wol Misin na Operesen Mobilaisesen (OM) opis long Pot Mosbi.

Nau em i redi long go na karimaut misinari wok long ovasis.

Bihain long planti tingting, prea na sapot i kam long ol famili na ol sios memba insait long Pot Mosbi Angliken daiosis, Elsie Turenga bilong Popondetta i bin stat wok wantaim OM Pot Mosbi het opis long Novemba 29, 2004 we em i wok fultaim nau olsem "hom misinari" i kam inap nau.

Elsie bilong ples Duve insait long Kaiva Distrik bilong Oro provins i namba tu long 5-pela pikinini bilong Misael na Natherly Turenga. Em bin pinisim skul long Popondetta Hai skul long 1986 na bihain em i skruim skul bilong em long Literesi tisa trening, Kristen Famili Laip edukesen kos, Kaunseling, Susu Mama helt kos na ol Sosel isu kos.

Em bin kisim ol dispela kos taim em i wok wantaim Mama Yunien bilong Angliken Sios inap 13 krismas olgeta.

Long 2004, Elsie i bin harim singaut bilong Bikipela long wok olsem fultaim misinari na go lukim opis bilong OM long Mosbi we em i amamas long wok long em nau.

"Bipo mi kam long opis, mi bin pre strong na askim God long tokim mi ol samting we mi inap long wokim long dispela nupela ministri. Mi no bin save

...Namba wan meri Angliken joinim OM



MADAS YUNIEN: Sampela ol Mama Yunien memba long Pot Mosbi Angliken Daiosis we Elsie i bin wok bung wantaim. *Fail Piksa*

wok long wanpela opis bipo tasol taim mi beten, Bikipela i tokim mi olsem em bai trena bilong mi. Bikipela luksave i go long em na mi wok long lainim planti samting na bai mi lainim planti moa samting. Em bin promisim mi olsem em i opim dua we nogat man inap pasim," Elsie i tok.

"Mi kisim gutpela sapot long disisen mi mekim. Tru pastaim mi tokaut long tingting bilong mi i go long famili bilong mi, ol (famili) i bin les pastaim tasol

bihain long ol i pre long dispela, ol bin tokim mi long go het bikos yumi ino inap tok nogat long Bikipela," Elsie i tok.

Elsie em wanpela Angliken tasol i wok wantaim OM-PNG Ministri na tu, namba wan Angliken Mama Yunien Ministri memba long PNG. Angliken Sios i givim ful sapot long em.

OM i gat long em ol lain bilong olgeta sios na ol arapela Kristen ogenaiesen

i wok patna wantaim ol lokal sios long kisim Gospel i go

long ol arapela kantri husat i no save yet long Jisas, moa yet long ol "Windo" kantri we bikipela mak long populesen long wol i no harim yet Gospel bilong Jisas

"Bikipela laik bilong mi long dispela ministri i bin stat taim mi beten strong long Bikipela long tok tenkyu long em long em long ol misinari bilong ol arapela kantri i bin kam long PNG long planim Gutnius olsem long Henry Holland, Mary Hayman, John Barge, Mavis Parkinson, Lilla Lashmar, Margery Brenchly, Vivian Redlich, John Duffil, na ol asples misinari Lucian Tapiedi na Leslie Gaviadi.

"Bikos long dispela, mi gat strongpela bilip olsem Angliken Sios long PNG i gat bikipela

dinau long Wol Misin long tok tenkyu. Na mi wok long pre long ol lokal sios na tu, long Angliken Sios i stat long salim ol misinari-ol yangpela man na meri husat i karimaut gut wok long ol lokal sios na husat i ken wok ovasis olsem ol misinari.

Em i tok PNG i laki tru long wanem yumi gat fridom long raun, toktok na karimaut ol wok bilong developmen na sios taim sampela arapela kantri i nogat. Na em i askim wanem samting yumi olsem Kristen bai mekim.

"Mi bilip strong olsem God i singautim mi long go long ol narapela kantri long wol, moa yet, long ples we i no harim yet Gospel tasol long wokim dispela, mi laikim helpim na sapot bilong yupela," Elsie i tok.

Lo bilong Lukautim ol meri



Skrum tok long Mentenens

SAPOS mejistret i no bilip olsem yu marit, yu no inap kisim mentenens bilong yu yet, tasol yu ken aplai o raitim askim olsem mama i no marit long kisim mentenens bilong ol pikinini. Hap pepa ol i kolim "Afiliesen na Kastodi bilong Pikinini bilong ol Mama i no Marit" inap helpim yu. Yu ken kisim dispela pepa long welfea opis o long haus kot.

Sapos marit bilong yu i statutori marit, go long Distrik Kot na tokim Klak bilong kot long helpim yu long raitim wanpela komplem fom na samons fom. Sapos marit bilong yu i kastam marit, yu ken lukim klak bilong Distrik Kot o Lokal Kot. Wanem kain marit yu gat, yu ken askim welfea opisa o pablik solisita long helpim yu. Yu mas baim K1.60 kot fi, na 60 toea antap sapos klak bilong kot i helpim yu long pulamapim ol fom.

Moa long neks wik.

Sotpela Tok Lukaut Skrum HIV/AIDS toktok

TRAIM na kaikaim ol kaikai long tripela kaikai grup long olgeta taim yu kisim kaikai. i no min olsem ol dispela kaikai bai kostim bikipela mani, nogat. Skelim gut na baim ol dispela we prais bilong ol i stap daunbilo. Sapos yu inap, yu ken groim liklik kaikai long baksait bilong haus bilong yu o lukautim kakaruk long ples.

Ol kaikai long tripela kaikai grup we yu inap kaikaim em long :

- 1- Ol kaikai long bildim bodi; bin, wing bin, pinat, kiau, mot, pis, na milk.
- 2- Ol kaikai long givim strong; tapioca, tarom, yam, kon, banana, potato, bret, kokonas krim na moa.
- 3- Ol kaikai bilong lukautim bodi; ol prut, kumu, ol prut juis na kokonas



**Kuk Kona
wantaim
MERI WANTOK**

Soklet Slaiss

Yu mas i Gat:

- 2/3 kap Ivaporet milk
- 1na1/2 kap Kasto suga
- 185 grems Kuking Soklet we yu gretim pinis
- 1 paun bata
- 1-pela hap skin bilong muli (orens) yu gretim pinis
- 2 na hap paun Ivaporetet milk o susu

Rot long Kukim:

- 1- Kukim 2-3 kap ivaporet milk na suga inap em i boil. Tanim suga inap em i miks olgeta wan taim milk.
- 2- Boilim i go long tripela minit na tanim isi.
- 3- Rausim long aven o paia na tanim soklet na wet na tanim inap em i melt na i pas wantaim.
- 4- Larim i kol pastaim na papaitim inap em i go strong liklik.
- 5- Divaidim o katim na putim i go insait long kontena.
- 6- Larim long bokis ais inap em i go strong na putim bata, orens na hap ivaporetet milk yu lusim isi isi.

STORI
TASOL

wantaim

FR. PAUL LIWUN. SVD

Spesel Presen

Mi laik stori long wanpela yangpela kapel o marit lain. Tupela i bin marit tripela yia i go pinis tasol nogat pikinini yet.

Ol i bin rentim wanpela flet na stap. Ol i nogat planti samting. Tasol tupela i stap gut, bikos i gat strongpela laik pasin namel long ol.

Meri i gat longpela na naispela gras bilong em we man bilong em i laikm tumas na em i save sapotim meri bilong em long bilasm gras bilong em. Man i gat wanpela golden hanwas tasol sen bilong em i bruk pinis.

Taim Krismas i kamap klostu, meri i wari tru na tingting planti long baim wanpela presen na givim long man bilong em. Em i nogat mani. Olsem na em i wari tru. Em i save amamas long lukim man bilong em i werim dispela golden hanwas tasol sen i lapun na bagarap pinis.

Wanpela de, em i go raun long stua ol i save salim ol bilas bilong gold. Em i lukim wanpela naispela gol sen bilong hanwas na em i laik baim dispela golden sen na givim man bilong em olsem Krismas presen. Tasol olsem wanem em bai inap baim dispela sen? Prais bilong chain i dia tumas. Em yet i nogat moni. Nau mi mekim wanem?

Em i tingting planti tru long dispela samting. Bihain wanpela tingting i kamap long em. Em i tok: "Mi nogat planti moni. Tasol mi gat naispela gras long het bilong mi. Ating bai mi katim dispela gras na salim na mani mi kisim long en, bai mi baim gol sen bilong hanwas givim long man bilong mi olsem Krismas presen".

Em nau! Taim Krismas i kamap, meri ya i go long ples ol i save katim gras long en na askim ol long katim gras bilong em. Bihain em i salim dispela naispela gras bilong em, kisim mani na bam gol sen bilong hanwas bilong man bilong em. Em i karamapim gut long pepa bilong Krismas na go bek long haus.

Taim em i kamap klostu long haus, em i stat long wari na tingting planti. "Man bilong mi bai kros long mi, bikos mi katim gras bilong mi. Em i laikim tumas longpela gras bilong mi. Sapos em i kros, bai mi mekim wanem?"

Wantaim dispela tingting i stap long bel bilong em, meri i kalapim step na go antap long haus. Long fron dua, em i sanap na tingting gen; "Man bilong mi bai kros long mi ya!"

Bihain long kisim strong, em i opim dua. Em i kirap nogut tru, bikos man bilong em i stap wetim em long rum bilong sindaun. Em bin holim wanpela naispela bokis, Krismas presen em i laik givim long meri bilong em. Taim em i apim het na lukiuk long meri bilong em i kam wantaim sotpela gras long het bilong em, wantu tasol ai wara i pulapim ai bilong em. Em i krai bikos longpela gras bilong meri bilong em i no stap moa.

Isi isi meri i wokabaut i go long man bilong em, holimpas em na givim Krismas presen bilong em. Man i kisim dispela presen na em tu i givim presen bilong em i go long meri bilong em.

Man i kirap nogut tru taim em i opim bokis bilong presen na em i lukim wanpela golden chain bilong watch i stap. Wankain samting tu i kamap long meri. Em tu i kirap nogut tru bikos insait long bokis bilong presen, em i lukim naispela kom, man bilong em i bin baim, bai em i ken yusim long komim longpela gras bilong em. Tasol man i bin salim gol han was bilong em na baim naispela kom bilong meri, na meri i bin salim longpela na naispela gras bilong em long baim gol sen bilong hanwas.

Misinari Dairi autim hait wok

PLANTI misinari i karimaut ol wok long ol longwe ples na ol arapela kantri i save stap wantaim ol pipel na save gut long ol gutpela taim na hevi na wari bilong ol.

Wanpela misinari dokta na pater i save raitim ol samting i kamap long olgeta de. Ol kain samting abosen na rot we sampela dokta i karimaut. Sampela dokta i save karimaut ol dispela long ples hait long kisim mani, tasol tupela ripota bilong Sunday Vision, i bin hait olsem ol i gat bel na ol i laik rausim na kamap wantaim dispela ripot.

Uganda: Pasin bilong rausim na kilim bebi

insait long bel i nogut tru long Kampala, Pater Angelo D'Agostino SJ, MD i raitim long dairi buk bilong em.

LONG mekim mani, ol dokta na medikel woklain i redi long karimaut abosen o rausim bebi long bel na dispela i brukim lo na gutpela pasin. Bikos ol i laik kisim trupela ripot, tupela ripota meri i bin giaman olsem ol i gat bel na ol i laik rausim na ol i bin raun i go long ol klinik long Kampala, Kapitel bilong Uganda long Afrika na kisim dispela ripot. Ol bin painimaut olsem sampela dokta na helt woka i sambai redi tasol long rausim bebi long bel.

Wanpela ripota i bin

giaman olsem em i skul long Yunivesiti na i gat bel em i laik rausim. Narapela em susa bilong em i helpim em long painim dokta long rausim bebi long bel. Tupela i raun long ol klinik long siti we i wokim abosen long em.

Ripot long dairi bilong pater i tok planti ol klinik i wokim abosen i stap long ol liklik hait ples long namel bilong siti na ol sabeb. Planti bai i no inap wari long wanem samting, sapos yangpela meri bai bungim hevi o nogat na ol i save wokim liklik operesen bilong rausim bebi. Ol i sasim US\$ 65 na sampela marasin long kilim pen bihain ol i rausim bebi.

Tupela ripota i bin painimaut olsem ol dokta long sampela haus sik i save yusim ol klinik ol i wok long em na kisim ol meri i laik rausim bebi long ol sikret i hait klinik we ol i tokim ol nem bihain tasol ol i peim fi.

Sampela ol dispela ol sikret klinik em ol i nogat gutpela samting tumas long ol meri i slip long en na dokta i rausim bebi.

Bihain long 4-pela wik wok painimaut long raunim planti klinik, tupela i painimaut ol samting we ol olsem ol meri i pret long em. Moa yet long rot we ol dokta i bihainim long kilim bebi insait long bel. Olsem, sampela i suvim ol stil instrum

ment long kilim bebi insait long bel bilong yangpela meri.

Narapela em long ol tablet marasin na hebol marasin ol i wokim long ol diwai we tupela hait meri ripota i tok ol i pret long en bikos ol i ken kisim ol nabaut, wantaim nogat tok orait na dispela i brukim lo.

Em i egensim lo long kilim dai bebi i stap yet long bel na mekim save aninit long lo em laip kalabus.

Kain hait painimaut long trupela laip situesen em ol strongpela lain i gat bilip long gutpela samting i stretpela, jas na fea long lukautim laip na sindaun na welfea bilong man na meri, i mekim.

Ol yangpela Lutheran kisim skul

Paulus Tali raitim

LUTERAN Sios i wok long givim gutpela skul long ol yangpela pipel long kisim save long gutpela Kristen pasin.

Ol i lainim tu ol yangpela i laik kisim sakramen bilong Konfermasio.

Dispela kain skul long lainim ol yangpela long Tok bilong God i kamap bikos long ol kain hevi we planti yangpela insait long famili na komyniti i bungim long en. Na dispela skul em long ol yangpela i bihainim na pas wantaim Jisas.

Long dispela skul, ol yangpela i lainim long luk-save na harim tok bilong papamama taim ol i skul i stap yet bikos ol i mekim bikipela hatwok na lusim bikipela mani long baim skul fi. Na i gutpela long noken mekim hambak pasin nabaut.

Ol yangpela i lainim tu olsem Papa God i kamapim yumi long wok-abaut gut tasol long rot we i no nap bagarapim laip bilong yumi. Na dispela em wanpela gutpela rot long bungim yumi long save long bikipela Jisas.

Long skul bilong Konfermasio, ol pasta na hetman bilong sios i lainim lainim ol yangpela long tok bilong God, long save long 10-pela Mandato o Lo, bilip, tok bilong Katekism, na tok bilong Matin Luta.

Sios histri long kain skul inap banisim ol yangpela long ausait pasin olsem aigris, stil na planti moa.



KISIM GUTPELA SKUL: Ol yangpela Lutheran i kisim konfermasio

Ol sios helpim yet sunami hevi lain

PLANTI Kristen sios oge-naisesen long wol i karimaut ol wok long helpim ol trangwa, ol lain we ol hevi bilong solwara i solap o sunami i bagarapim o ol dispela we pait na ol narapela naturel hevi i kamapim.

Kristen Wol Sevis (CWS) em i wanpela bilong ol. Long makim namba wan aniveseri o tingim bek bilong Boksing De sunami i bin bagarapim ol kantri long Esia olsem Aceh long Indonesia, Sri Lanka, India, Taiten, Maldives na ol arapela moa, Kaunsel bilong Intenesenel Developmen na Nu Silan Aid i kirapim wanpela midia projek long soim ol lain long Nu Silan we CWS i wok long en, rot we ol i yusim mani na ol arapela helpim bilong ol.

Eksen ol Sios i wok bung wantaim na kamapim (ACT) long Sri Lanka i soim olsem bikipela wok ol i karimaut em long fiseris sekta. I i givim ol famili we i bungim bikipela hevi long ol bot na ol samting long painim pis long em. Na ol save long sait bilong developmen na projek na trening long helpim ol meri i painim wok na wokim ol samting we ol i ken kisim mani long en. Ol i wok long helpim pipel long sanapim bek ol haus bilong ol.

Long Aceh we bikipela bagarap tru i bin kamap long Disemba 26, 2004 Boksing de sunami, Intenesenel patna oge-naisesen em Yakkum Imejensi Yunit i wok long givim helt semis long moa long

18,000 pipel husat i nogat ples long Aceh na Nias. Ol i givim tu kaikai long moa long 1,500 pikinini. Oge-naisesen i bin givim tu klinpela wara, toilet long ol pipel long hevi taim em i givim long ol komyniti ol wel, toilet na dram bilong putim ol pipia long en. Em bin givim tu kaunseling i go long ol pipel we hevi na wari we sunami i bin kamapim long ol.

Oge-naisesen i go het nau long givim gutpela samting i go long ol pipel olsem bildim save bilong ol meri insait long ol kem wantaim tu ol samting i sut long helt. Na tu, helpim ol lokel komyniti grup long kisim save na em bai isi long skulim ol komyniti i stap yet long hevi.

Pater askim long bihainim Santu Famili

LONG pestode bilong Santu Famili i gat long em Mama Maria, Papa Joseph na Pikinini Jisas, askim i go long ol Kristen na pipel long PNG bilong lukim dispela gutpela piksa i wok insait long ol wan wan famili.

Pater Lollington Wiam bilong Sen Martin's Anglikan Sios long Is Boroko insait long Nesenel Kapitel Distrik i tok

"taim yumi glasim Santu famili, yumi painimaut olsem yumi stap longwe long pasin ol i wokim long en. Olgeta taim, yumi givim rot long pasin selfis o tingim yumi yet. Pasin bilong tes na pasin bilong i no laik. Tasol noken larim dispela pasin i bosim yumi. Yumi luk-luk gem long Santu Famili na wok na pre bai dispela piksa bai wok insait long famili

bilong yumi," Pater Lollington i tok.

Em i tok famili i mas pre wantaim long haus na kisim strong long Bikpela long stap gut long dispela taim ol kain hevi i kamap.

Em i tok moa olsem taim mama i karim nupela pikinini, famili i save gat bikpela amamas. Tasol bikpela wok i stap long stiaim dispela pikinini i

gro long laip long sait bilong spirituel na fisikel sait.

Long strongim spirituel sait, Pater Lollington i tok papamama i mas tingim na kisim ol pikinini i go long sios olsem rot long soim tok tenkyu long Bikpela long gif bilong givim pikinini, baptis long mekim ol i pikinini bilong God, prisanim pikinini na yu yet long God na go long lotu olgeta taim.

Bogenvil i lusim gutpela pren



PATER WILLIAM WOESTER: Gutpela pren i dai.

Veronica Hatutasi i raitim

WANPELA Katolik pater bilong Maris kongriksen husat i bin wok planti yia long Bogenvil na kirapim tu senta bilong lukautim ol yangpela trabel manki i dai pinis.

Pater William Woester i gat 84 krismas i bin dai long Meppen em hetkota bilong Maris kongriksen long kantri Jemeni, asples bilong leit Pater William.

Woeste famili i bin gat tripela pikinini i mekim wok misin long Bogenvil pastaim long

Bogenvil hevi. Em long Pater Herman Woester, narapela brata i pater tu na susa bilong ol, Sister Marilyn Woester i bin wok olsem dentis long Bogenvil.

Planti pipel long Bogenvil na ol bilong narapela provins husat i bin stap long Bogenvil bipo long hevi bai i tingim Pater William olsem man husat i bin kirapim Renbo (Rainbow) Senta long Koromira Katolik Misin insait long Sentrel Bogenvil long ol yia long 1970's.

I kam inap long Bogenvil

hevi taim, senta i bin lukautim ol yangpela pipel husat i bin save gat hevi wantaim lo. Senta i bin save karimaut kaunseling, riabilitesen o stretim tingting program, ol program bilong strongim spirituel sait na gutpela pasin na tu, lainim ol wok agrikalsa, kapenta long helpim ol taim ol i go sindaun long ples, literasi na moa.

Em bin kirapim tu Deomori Katolik stesen antap long Panguna na wok long Manetai na Hahela olsem Supiria bilong Maris kongriksen long Bogenvil.

Long 1989 em bin go bek long Jemeni na wok long haus we ol i save lukautim ol tapun. Tasol em bin go bek gen long Bogenvil taim ples i no orait gut yet long ol namel yia bilong 1990's na wok long hap.

Em bin gat sik long lewa na em bin gat wampela operesen long dispela. Dai bilong em

Nius i kam long Jemeni i tok Pater William i bin dai kwiktam long haus bilong ol ritaia Maris pater long Meppen.

Ol Katolik pipel long Bogenvil i sori long harim dai bilong gutpela pater na ol i salim bikpela tok sori na prela bilong ol i go long famili, haus-lain na ol Maris long Jemeni husat i bin givim ol wampela gutpela pater i karim Gutnius na helpim ol long ol sosel hevi na moa.



SKRUM WOK MISIN: Ol Salvesen Ami meri i redi long karimaut wok misin.

Katolik Sios AIDS bung long Jiniva

Veronica Hatutasi i raitim

WANPELA bikpela bung bilong ol lain long Katolik Sios husat i save wok long HIV/AIDS eria bai kamap long Jiniva, Swiselan.

Katolik Sios na UNAIDS bai go pas long em.

Katolik Sister Tarcisia Hunhoff em Kodineta bilong HIV/AIDS program bilong Katolik sios long PNG bai makim sios long PNG long dispela bung.

Bung bai kamap long Jiniva na stat long Januari 22 inap long de namba 27.

Ol lain i makim Katolik Sios

....sista Tarcisia makim PNG

long Afrika, Karibien, Yurop, Esia na Pasifik bai stap long dispela konperens.

Dispela em i namba wan taim kain bung i kamap.

Sister Tarcisia i no bin autim moa nius long program bikos em i wet long kisim moa toktok long ol lain i go pas long dispela bung.

Long ol arapela nius we Katolik Sios i karimaut long HIV/AIDS wok, ol i skruim program bilong stopim AIDS binatang long mama i kalap i go long pikinini.

Stat long taim sios i statim program 18 mun i go pinis long kantri, 4-pela haus na helt senta i karimaut ol kaunseling na tes. Em long Vunapope haus sik insait long Is Nu Briten, Mingende long Simbu, Sen Mary's long Nesenel Kapitel Distrik na Ve'ifa long Bereina insait long Sentrel provins.

Sister Tarcisia i tok ol bai skruim yet program long ol arapela haus sik long ol provins.

Wampela samting we Sister i

mekim klia em bihain tasol long 18 mun mama i karim bebi, ol (bebi) i ken kisim tes sapos ol i gat AIDS binatang o nogat.

Katolik Sios i gat ol HIV/AIDS program insait long olgeta 19 daiosis bilong em long kantri we i lukautim olgeta samting i sut long HIV/AIDS.

I kam inap nau, klostu Helt Dipatmen na Nesenel AIDS Kaunsel i gat rekot long 12,000 pipel long PNG wantaim AIDS. Tasol i gat bilip olsem samting olsem 60,000 pipel i stap tasol ol i no save olsem ol i AIDS binatang.

GLASIM TOK wantaim BISOP PETER FOX



Kondom o karamap - Tingting bilong narapela Bisop Peter i autim

MARIT we ol i stap amamas i gutpela. Mi laikim bai ol pikinini bilong mi i marit wanpela de na painimaut olsem em i gutpela long stap pas wantaim wanpela patna na givim laik pasin long dispela wanpela - tasol ol bai stap longpela taim? Wantaim sik AIDS i go bikpela, sans bilong kisim binatang bilong AIDS i go antap moa tu. Tru, sapos ol i gat gutpela tingting, ol i ken tok nogat na abrusim pasin bilong slip wantaim narapela inap ol i marit. I gat sampela lain i gat gutpela tingting taim em i kam long pasin bilong slip wantaim, tasol i no planti. Tude, bai yumi painim olsem liklik lain tasol i no slip wantaim narapela bipo ol i marit.

Planti bai kirap nogut tasol mi save, sampela Kristen i slip wantaim narapela bipo ol i marit. Mi save long dispela bikos long ol Kristen husat i gat ol pikinini i nogat papa. Yu ken ting olsem ol i no gutpela Kristen, tasol ol bai ino wanbel wantaim yu. Tasol dispela i no nupela bikos yumi ol Kristen i save no wanbel long planti samting tu ya!

Bai yumi luksave long rait bilong wanpela narapela long i no wanbel long sampela samting. Long dispela as, mi gat bikpela luksave long Katolik Sios na ol lida bilong em we i gat long em, hetman bilong ol, Pop husat i pilim em i rong long yusim kondom o karamap. Mi gat bikpela luksave long ol lain i bihainim dispela tasol mi mas askim long rait long i no wanbel wantaim ol. Mi bilip olsem yumi mas larim pipel yet i wokim disisen long lukautim ol yet na ol narapela long yusim karamap taim ol i slip wantaim wanpela narapela. Tru, holim bek na noken slip wantaim wanpela narapela i gutpela. Na tru, yumi mas pas wantaim wanpela patna tasol long marit. Tasol sapos wanpela i no bihainim stretpela rot, i moabeta yumi traim na sevim laip long em i stap longpela taim na groap wantaim gutpela tingting na tu, painim gutpela laip. Yusim karamap i ken sevim narapela laip.

Katolik Sios i egensim manmeri i yusim karamap, insait tu long marit i stap gut. Bikos em i no bilip long yusim ol rot bilong spesim pikinini long marit tu. Ol narapela sios, olsem Anglikan Sios bilong mi, i no stopim ol sios memba long yusim ol kontraseptiv o rot bilong spesim pikinini. Na i gat planti Kristen pipel i stap long gutpela marit we ol i pas long wanpela patna tasol. Ol i save yusim karamap long daunim pasin bilong karim bebi ol i no laikim. Mi no ting dispela i rong.

We i gat hevi long kisim binatang bilong AIDS i kilim dai planti manmeri na pikinini, i gat bikpela as moa long strongim ol manmeri long yusim karamap. Na abrusim sik i kalap long narapela. Mi skulim pasin bilong noken slip wantaim narapela na noken wokim nabaut ausait long marit olsem wanpela rot yu gat luksave long narapela yumi laikim.



GOD I BIN MEKIM GUT TRU LONG YUMI NA YUMI MAS MEKIM GUTPELA PASIN

Yu mas tokim ol manmeri long ol i mas stap aninit long ol king na ol gavman, na ol i mas bihainim tok bilong ol. Na oltaim ol i mas redi long mekim olgeta kain gutpela wok. Ol i no ken tok nogut long wanpela man, na ol i no ken tok pait. Oltaim ol i mas isi tasol na mekim gutpela pasin long olgeta manmeri. Yu save, bipo yumi tu i nogat gutpela tingting na yumi sakim tok. Satan i bin giaman yumi na yumi no bin bihainim rot bilong God. I olsem yumi stap wokboi nating bilong ol kainkain pasin bilong bel i kirap na ol kainkain laik bilong bodi. Yumi bin wok-about long pasin bilong bel kros na bel nogut long ol arapela. Ol man i bin birua long yumi na yumi wan wan i bin birua long ol arapela. Tasol God, em Man bilong kisim bek yumi, em i laikim yumi tru, na em i marimari long yumi na mekim gutpela pasin long yumi. Na taim dispela pasin bilong en i kamap ples klia, em i kisim bek yumi. Em i no ting long stretpela pasin yumi yet i bin mekim, na em i kisim bek yumi. Nogat. Long sori bilong em yet em i kisim bek yumi. Em i wasim yumi na yumi kamap olsem ol nupela pikinini, na Holi Spirit i givim nupela laip long yumi.

TAITUS 3:1-5

TOK LUKAUT

wantaim

DAVID EPHRAIM



Putim Bikpela pastaim long Nupela Yia

STAT bilong 2006 i gut tasol long sampela na sampela i bin amamas sore insait long rum gad bikos long bikhet bilong ol yet.

Yu na mi kamap pinis long 2006, long dispela yia i luk olsem planti samting bai kamap. Mi laik sekim liklik tingting bilong mi long helpim wok-about bilong yu long dispela yia.

Ol planti ol lotu bikmanmeri i tokaut olsem pasin bilong sin bai kamap bikpela wankain tasol planti bilong ol saentis i tok planti ol birua olsem netserel disasta o bikpela bagarap bai kamap bikos long planti ol kemikal wokim graun i bagarap.

Ol intanesenel sekyuriti bodi i tokaut tu olsem planti pasin teroris tok bai go bikpela. Insait long dispela yet planti ol kain kain teknoloji na kainkain ol gutpela samting bai kamap. Insait long kantri yet i gat planti ol gutpela developmen bai kamap. Mi laik traim helpim yu long lukautim yu yet gut long wokabaut bilong yu long dispela yia. Bikpela samting yumi mas gat gutpela gol na as tingting bilong helpim yu long stap amamas bilong yu long 2006.

Mi yet mi gat wanpela gol na em long kamapim gutpela sindaun bilong ol manmeri wantaim ol save mi gat. Sir William Bill Skate. Man we mi bilip i bin wokim kantri i tingting gut long bihain taim bilong yumi. Bilong wanem kantri i bin amamas tasol long ron antap long ol Australia na ol narapela ol kantri husat i save salim mani na wok man i kam wok wantaim gavman bilong yumi.

Na tu em wanpela man we i bin wok hat tru long bringim pis o gutpela insait long Bogenvil

Insait long dispela em i gat gutpela stori we i lukim em kamap long setelmen na wokim i kamap wanpela bikman bihain. Gutpela stori we planti yangpela olsem mi mas luksave na bihainim. Mi laik tu tok olsem insait long olgeta samting yu wokim insait long yia 2006, tingting God bikpela husat i wokim yu na bihainim tok bilong en.

Tingim i gat tru tru hel na heven wanem hap yu tingting long kamap long en stap long hap bilong yu taim yu stap laip. Hel em God i wokim long mak bilong satan na ino long yumi ol manmeri.

Redi gut long nupela skul yia

SINGAUT i go long olgeta patna long edukesen insait long kantri long mekim gut ol wok bilong ol na nupela skul yia we klostu bai stat i ken go gut.

Edukesen Minista Michael Laimo i wokim dispela singaut long wanem taim bilong stat skul i wok long kamap klostu.

2006 skul yia bai stat long Mande Januari 30 na dispela bai lukim moa long 1 milien skul sumatin long Elementeri, Praimeri, Hai, Sekonderi, Vokesenel na Teknikel na Teseri level na ol Tisa Kolis bai go insait long ol skul bilong ol.

"Ol tisa i mas stap long skul long stat wok long Mande Januari 23. Long dispela wik, ol tisa i mas stretim ol enrolmen na redim ol program bikos skul bai stat long Mande, Januari 30. Toksave gen long ol tisa olsem risamsen o fom



Edukesen Minista Michael Laimo.

bilong pulumapim long stat bek wok i olsem bilong las yia tasol," Minista Laimo i tok

Em i tok ol tisa i mas stat wok long skul we ol Edukesen Bot i makim ol long wok long en na ino long narapela skul, provinsel edukesen opis o long Nesenel Edukesen

Dipatmen opis.

Em i tok ol het Tisa i mas rekotim gut taim ol tisa i stat wok long rait stat wok fom ol i kolim long Risamsen bilong Duti Samari Sit.

Em i tok ol Provinsel Edukesen opis woklain i mas mekim gut wok na ol tisa na sumatin i ken statim gut 2006 skul yia.

Bilong lukim olsem ol wok i go gut, Minista Laimo i tok ol woklain ya i mas salim ol fom harlap i go long ol skul bilong ol tisa long pulumapim taim ol i stat wok. Na ol i mas pinisim wok long makim ol tisa long skul bai ol i tisa long em na ol tisa i ken kisim toksave na go kamap long ol skul bipo long Januari 23. Tu, ol i mas peim rot bilong ol nupela tisa na ol dispela i trefse i go aut.

Em i skruim tok moa olsem ol tisa i mas pulumapim gut ol

stat wok fom na ol het tisa i sekim gut ol bipo ol i salim i go long provinsel edukesen opis long tok oraitim na salim i go long hetkota long taim stret.

Long ol Provinsel Edukesen Etviasa, Minista Laimo i tok ol i mas sekim gut ol fom na ol hetkota lain i kisim ol long Februeri na ol Peirol lain i ken putim ol stretpela infomesen bipo long Mas 15.

Em i tok ol tisa i mas kisim stretpela pe na long taim stret. Na em i no laikim ol tisa i bungim hevi long pe bikos long no wok gut bilong sampela opisa.

Taim em i tok tenkyu long olgeta na 2005 skul yia i go gut, em i tok planti salens i stap long dispela yia na olgeta manmeri bilong PNG na ol edukesen patna i mas wok na wokabaut wantaim long bungim ol salens.

Singaut long moa litresa woksop

Natasha Bodger
i raitim

PNG LITRETSa raiting o raitim ol stori bilong PNG yet em i wanpela samting yumi olgeta i mas lukluk long kamapim na strongim long wanem planti ol pipel bilong yumi i gat dispela strong bilong raitim ol stori tumbuna na tu ol liklik drama na pilai bilong TV na redio.

Em i wanpela toktok we i kamap taim Sir Brian Bell, bosman bilong bikpela stua insait long kantri, Brian Bell i givim aut ol awot o prais bilong ol lain we i bin go insait long Nesenel Literetsa Resis we Nesenel Kalserel Komisn (NCC) i bin go pas long en. Dispela resis i bin kamap bipo long Krismas las yia.

Sir Brian i tok tu olsem Gavman bilong PNG i mas lukluk long kamapim wanpela literetsa woksop long skruim save bilong ol yangpela manmeri.

Em i tok planti long ol Papua Niugini manmeri i save long raitim stori tasol ol i nogat sans long soim ol tru

tru kala bilong ol na tu i nogat narapela rot we ol inap long bihainim long kamapim dispela presen.

"Ol pepa we ol yangpela manmeri i raitim i ken kamap olsem buk sapos yumi strongim tingting na kisim sapot bilong komyuniti long developim dispela eria bilong raitim tumbuna stori," em i tok.

Sir Brian i tok em i amamas long lukim olsem planti lain i stap insait long ol dispela resis na tu long sapot bilong NCC na Nesenel Literetsa Bot.

Ol wina bilong dispela ol prais mani i lukim Steven Kelly Pagasa, wanpela yangpela raita, i kisim awot long tripela kategori o level olgeta.

Em i autim prais long Stori bilong Drama, Open Drama na Redio pilai.

Mista Pagasa i tok em i amamas long kisim ol awot tasol i laikim bai gavman i mas lukluk long dispela eria na traim long sapotim long ol kain wok olsem woksop na ol program.

Pot Mosbi Haus sik kisim helpim long Kolget



SIKLAIN AMAMAS: CEO bilong Pot Mosbi Jenerel Haus sik Dokta Alphonse Tay i lukluk raun long Wod 4 na givim presen i go long ol siklain wantaim ol memba bilong Pot Mosbi Saina bisnis grup. Ol Saina bisnis komyuniti i bin amamasim ol sik manmeri long haus sik taim ol i givim samting olsem K500,000 long ol krismas presen las yia.

Noreen Dada
i raitim

POT Mosbi Jenerel haus sik na ol siklain i wok long laki long kisim ol presen i kam long ol kampani, bisnis grup na wan wan manmeri.

Ol lain husat save mekim ol kain samting olsem tutpes, sop na ol samting long wasim klos, Kolget Pamoliv, i bin givim 50 katen sop long Pot Mosbi Jenerel Haus sik (POMGH).

Rijinel Menesa long Seils em Monni Cross i bin givim dispela ol katen i go long Sief Eksekutiv Opisa long POMGH, Dokta

Alphonse Tay long wanpela liklik bung.

"Dispela donesen i makim sapot bilong mipela long haus sik na tu, em i hap long wanpela promosen mipela bin karim aut long stat bilong dispela yia. Wanpela narapela samting mipela bin wokim long ol pikinini i bin kamap long wik i go pas taim mipela bin karim Dokta Rebit i kam long mekim ol amamas." Mista Cross i tok.

Taim Dokta Tay i makim maus bilong haus sik na tok tenkyu long Kolget Pamoliv long donesen, em i tok kain sapot bilong ol bisnis lain olsem Kolget

Pamoliv i wanpela bikpela samting na ol kain donesen i save helpim ol long ronim haus sik

"Mipela bin laikim tru long yusim sop na mipela amamas olsem em bai helpim mipela long klinim haus sik na wasim ol klos ol sikman save yusim. Mi laik tingim olsem Kolget bai sapotim mipela gen."

Kolget Pamoliv i save helpim skul long lukautim tit o maus long Taurama kempus long ol kain samting olsem sponsarim ol ektiviti long skul na baim ol wok samting long klinim maus.

Cambridge
International College
ACCREDITED TRAINING
FOR YOUR CAREER SUCCESS

Diplomas, Advanced, Honours, Graduate

- *Accounts, Finance, Business, Management
- *Personnel, Marketing, Computers, Insurance
- *English, Purchasing, Secretary, Leadership
- *Tourism, Hotels, Stores, Advertising, Office

Baccalaureate, BBA, BCom, BMA, MBA

- *Business Administration, Marketing, Strategy
- *Human Resource, Finance, Commerce
- *Organizational Management, Executive

Fees include all Training Materials, Guidance, Tests, Revision, Examination, Marking, Award.
Diploma Fees: £150 or US\$300 or AUS\$350

For a FREE Prospectus, write, fax, or email:

CAMBRIDGE
INTERNATIONAL COLLEGE
Box 1378, So'fon, SO17 3WX, Britain
Email: info@cambridgetraining.com
Web: www.cambridgecollege.co.uk

ODCC ASET
Accredited
Papua New Guinea
National Training Council
Approved Training Provider

Gavman mas helpim sios long daunim sik AIDS

Dia Edita

MI LAIK askim Minista bilong Hom Afeas na Komyuniti Developmen long givim han i go long ol sios long paitim sik HIV/AIDS.

Tupela narapela niuspepa bilong tok Inglis i bin toktok bikpela tru long sik HIV/AIDS na Wantok Niuspepa tu i bin putim ol namba bilong ol manmeri i gat sik HIV/AIDS.

Ol manmeri i gat sik i sanap olsem 11,850 na dispela em i bikpela namba tumas.

Orait Australia na PNG mi laik tokim yu olsem dispela mani yu givim long AIDS Awenes Komiti em i no inap. Na mi laik askim yu, hamas mani yupela i bin givim ol pinis na dispela sik i go bikpela tru nau? Yupela ol gavman i mas opim tingting bilong yupela na tingim wanem rot tru bai yupela pait wantaim dispela sik nogut. Nogut yu tromoi

nating planti mani, olsem na yupela i mas lukaut.

Orait, nau mi laik tokim yupela olsem, dispela sik em i belhat bilong God. Na yu husat i save mekim pasin pamuk i stap yu stap insait long belhat bilong God. Dispela 11,850 manmeri, yu no inap kamap orait. Sori tru, yu bai dai. Sapos yu gat wanem kain gutpela samting i stap bilong yu long yusim bihain em bai nogat nau. Amamasim yu yet hariap na yu i mas dai.

Ol saintis na gavman ol i traim rot bilong helpim yumi tasol ol i sot long save nau na bai yumi olgeta bai dai. Tasol nau mi laik tokim yu olsem!

Ol sios i holim na lukautim marasin bilong oraitim dispela sik AIDS i stap. Olsem na gavman, yupela mas helpim ol sios na givim ol planti mani bai ol i ken wokim moa marasin

bilong oraitim dispela sik na daunim namba i kam daun.

Wanem kain marasin? Hia em ol marasin. God Papa, Jisas Krai na Holi Spirit em ol trupela marasin bilong kilim sik AIDS.

Rot bilong Yusim. Tanim bel na lusim pasim pamuk o pasin nogut. Larim God Tri Wan kam insait long yu. Tokim em insait tru long bel bilong yu olsem yu bai lusim ol kain pasin doti yu save mekim ol i pinis olgeta long yu.

I go long sios pasto o sios elda na toksave yu tok sori pinis long God na tokim ol olgeta pasin yu save mekim raun bipo.

Putim wanpela bilip olsem long nem bilong Jisas, God bai oraitim dispela long pawa bilong Holi Spirit. Taim Pasto o elda i laik prea, yu yet i mas larim aiwara bilong Spirit bilong yu i mas kamaut na tu

ai wara bilong bodi i mas kamaut na yu mas prea insait tru long bel na tok sori long God olsem yu yet i bin rong.

Em nau God bai tokim dispela binatang nogut bai lusim yu na yu bai orait. Preis God, God em i Gutpela marasin tru.

Helpim Tok - Jisas i bin tokim bikpela si na win i bin harim tok bilong em. Jisas i bin krosim spirit nogut i lusim wanpela man na i go insait long 200 pik na i go daun long wara na dring wara na i bin dai.

Na arapela moa yu yet i ken save dispela binatang bilong sik HIV/AIDS em i liklik samting nating. Sapos yu tanim bel na askim God long helpim yu, Em bai helpim yu.

**SIOS ELDA
LAE
MOROB PROVINS**

Tru tumas, ol kansol bilong Morobe no kisim pe

Dia Edita

MI LAIK sapotim pas bilong Siaman bilong LLG Mista Girgo Zaliong i kamap long Wantok Niuspepa long 16/10/05. Mi sapotim tok bilong em olsem wanem na ol kansol bilong LLG long Morobe Provins i no kisim alauens bilong ol? Mi laik tok olsem Morobe em namba 2 het kota bilong PNG na bilong wanem tru na gavman i no givim mani i go long wan wan distrik? Gavman yu mas

save olsem Morobe i no nupela na opis i no nupela. Olsem na mi laik tok ol kansol i mas kisim alauens hariap na kisim bel isi na i go insait long 2007 ilek-sen. Em tasol na husat brata yu laik sapotim o agensim, em yu rait tasol i kam long Wantok na bai mi lukim.

**SUILLE BATA
KIMBE
WES NU BRITEN
PROVINS**

As bilong raskol i stap long Morobe yet

Dia Edita

MI LAIK autim bel kros bilong mi long pablik long ol papagraun long Lae, Morobe provins.

Yu mas stretim yu yet na ol toktok long pablik na bagarapim ol narapela provins. Sapos tok bilong yu i stret, orait, yu i ken mekim. Nau yet mi ting olsem yu rong bikos as bilong raskol i stap long Morobe yet. Ol ausait lain i no tumas.

Mi wanpela komyuniti polis na mi lida bilong kompaun na mi save

wanem samting i kamap long Lae siti. Mi bin i kam ya long 1976 na mi stap long Lae siti inap nau. Ol pikinini bilong mi em mama karim ol long hia na ol em ol as ples bilong Morobe, na i no Hailans. Olsem na yu papagraun yu mas sindaun wantaim ol lida na bikmanmeri bai ol i tokim yu stret wanem mangi i save wokim pasin raskol. Ol bai tokim yu na yu i go stret na kisim ol.

Brata, mi i no wanbel long ol dispela toktok yu tok long niuspepa na toktok long pablik na rausim ol gutpela manmeri nating olsem pik dok. Em i no stret. Buk Baibel i tok yu mas laikim narapela brata na susa olsem yu laikim yu yet. Nau em laspela toktok bilong mi i go long papagraun em namba bilong raskol em long Morobe provins i go antap tru winim ol arapela hap provins. Olsem na yu mas tingting gut na yu rausim ol blok sapos yu i gat moni long baim ol long haus na olgeta samting ol i groim pinis antap long graun bilong yu.

Tenkyu tru brata o Papagraun. Em tok-save bilong mi. Mi wanpela komyuniti lida na mi save stap long 2 Mail Blok.

**PETER SAIMON
LAE
MOROB PROVINS**

Wewak Haus Kot i noken bagarap nem

Dia Edita


MI RAITIM dispela pas i go long pablik husat i ken lukim na skelim. Dispela em long pasin Wewak Distrik Haus Kot i mekim long 15/11/05 long kot we ol i sasim na odarim John Kriosaki long rifandim o givim bek konsaltesin fi em K820 i go bek long wanpela kleim long ol insurens wok em i komplitim o wokim pinis.

I gat lo Gavman na Oposisen i pasim long Haus Palamen pinis long putim mani long ol wok bilong konsaltesin loya, dokta na ensinia long Papua Niugini.

Mi no save. Sapos Wewak Haus Kot majistret em i traim long bagarapim mi olsem, em i rong nau na gutpela moa dispela mas go long kot long kotim Gavman.

Bilong wanem na dispela keis i kamap na mejistret i salim bens waran long arestim mi? Mi no stilman o raskol. I gat sampela loya bilong Human Raits i stap ol i ken givim dispela keis i go moa?

**JOHN KRIOSAKI
WEWAK
IS SEPIK PROVINS**



Sabat em de bilong God

Dia Edita

MI LAIK sapotim Peter P. Nana na bekim pas bilong Peter Kelo i bin kamap long Wantok long Disemba 8, 2005. Em i bin tok "Olgeta de em i de bilong Bikpela". Brata, God i bin wokim skai na graun olgeta samting long sikspela de na long de namba seven em i bin malolo na blesim de Sabat na putim olsem de bilong em yet. Gen 2:3.

Brata yu lukim Exodus 20:8-11; sikspela de em bilong yu long wok na namba seven em de bilong God. Exodus 31:12-17, em no tok olgeta de em bilong bikpela. Brata God em kamapim olgeta samting na de em i blesim nogat man i ken senisim. Sapos yu ken senisim wara long maunten het bilong en kam daun na ron i go bek antap orait yu ken

senisim de Sabat. Nambas 23:19-20. Brata, nogat wanpela long Baibel ves i tok bai yumi lotu long Sande o olgeta de? Yu lukim Daniel 7:25 i tok long senisim taim na lo.

Brata de Sabat i bin senis long AD 325. Emperor Constantine bilong Rome i bin senisim Sande olsem lo bilong Rom i kam na nau olgeta lotu i save bihainim. Brata long

Revelesen 17: yu lukim 5 em dispela pamuk meri minim wanpela sios i bin statim bipo long taim bilong Nimrod i kam long nau na bai i go yet inap Krai i kam. Brata yu lukim ves 2 em i tok olsem manmeri i dring wain bilong en na spak pinis. Yu mas save gut long dispela propetik wain. Wanpela kap wain em de Sande yu wok long dringim i stap ya na i gat planti

kap wain i stap yet. Yu mas glasim gut Baibel, histri na profesi bai yu save gut. Nogat bai yu kisim belhat bilong God. Yu mas hariap na kam ausait bipo em i leit tumas. Rev 18:4. Amamas tasol long bekim bilong yu.

**JOHN P. WALI
KIMBE
WES NU BRITEN
PROVINS**

Ol strit prisa mas autim tok yet

Dia Edita

DISPELA pas em long kirapim tingting bilong ol wokman bilong God husat i save autim tok long God long stua, bas stop o maket o long wanem hap.

Mi askim ol dispela wokman mas i go het yet long autim tok na noken stop na givap long autim tok bilong God insait

long 19 provins. Mi tokim yupela mipela i no mekim wok bilong waitman o bisnisman. Nogat. Mipela i mekim wok bilong Bosman i stap long heven. Em Jisas Krai tasol. Em bai kam na baim mipela ya. Hamas mipela i trupela long mekim dispela wok bilong bringim sot bilong man i kam insait long kingdom bilong God. Olsem Buk Baibel i tok

long Luk 10:1-12 - Kaikai i redi long gaden i mau pinis. Tasol i nogat wokman long go na kisim. Em mipela yet ol lain husat i save autim tok bilong God ya. Olsem na mi wanpela wokman husat i save autim tok bilong God long Wewak taun na mi gat nupela vision o ministri insait long Gospel bilong Jisas Krai em Krai Gospel Ministri. Na mi askim ol wan-

wok bilong mi long autim tok i go yet inap dispela biru a kamap o de bilong Jisas Krai i kamap. Sapos yu laik sapotim, yu rait i kam tasol long Wantok Niuspepa.

**REMECUS ALOUIS
NOUPRA
WEWAK
IS SEPIK PROVINS**

WANTOK KOMENTRI

Pasin bilong givim luksave

DISPELA wik ol pipel bilong Nesenel Kapitel Distrik i kraik long rijinel memba bilong ol, Leit Sir William 'Bill' Skate.

Aste, ol pipel bilong NCD i bin sanap aninit long san bilong wokabaut na lukluk laspela taim long pes bilong man husat i no bin save wari long wok em i holim, tasol em i bin tingim ol pipel bilong em.

Long dispela tupela wik nau, planti toktok i kam long ol bikman, na ol liklik manmeri tu long dispela man, Bill Skate.

Sapos em i bin stap praim minista yet, ating bai em i wanpela bikpela samting moa.

Tasol em i lusim wok bilong em pinis, na em i bin stap olsem memba bilong NCD taim sik i daunim em.

Wanpela samting we i kamap ples klia nau em pasin bilong yumi ol Papua Niugini long givim luksave.

Maski man i bin asua taim em i bin holim wok olsem lida, maski em i bin abrus long sampela wok bilong em. Tasol pasin bilong ol liklik manmeri em i strongpela samting tru.

Sapos yu stap long Mosbi, na yu bin sanap long lain bilong go lukim bodi bilong em, bai yu harim kain kain stori i kam long kain kain manmeri. Ol wokman, ol man nating, ol mama, ol yangpela.

Olgeta dispela lain i gat wan wan stori ol i ken stori long piksa bilong dispela man insait long tingting bilong ol.

Dispela nau em i as tingting long yumi kolim yumi yet ol tru tru PNG manmeri.

Pasin bilong givim luksave em i olsem pos yumi sanap strong long en.

Tete, Fonde, bai yumi planim namba wan praim minista long histri bilong yangpela kantri bilong yumi.

I gat 4-pela praim minista i kam na stiaim yumi pinis. Namba wan bilong ol nau i dai.

Yumi save ting olsem ol hevi i save mekim yumi i kamap olsem wanpela kantri bilong long taim. Nogat tru. Yumi sanap strong tripela ten krismas tasol.

Nau, yumi ken tok olsem namba wan ston bilong ol tumbuna bilong yumi long bihain taim long sanap antap long en i pundaun pinis.

Em i taim bilong yumi long stat givim luksave long olgeta wan wan manmeri husat i bin givim laip bilong ol long stretim stia bilong kantri bilong yumi, PNG.

Long dispela rot tasol bai yumi nap givim luksave long strong, save na bilip bilong yumi yet olsem wanpela pipel na wanpela kantri.



Sir William Skate i sapotim tru nius

TRU tumas i nogat wanpela lida i wankain olsem Sir William Bill Skate. Pasin na stail bilong em i narakain olgeta long olgeta arapela lida bilong Papua Niugini.

Sampela taim bai yu kros long em, sampela taim bai yu wanbel long em na sampela taim yu amamas tru long em. Toktok bilong em i save go wantaim eksen bilong em.

Wanpela taim olgeta niusmanmeri bilong Pasifik na Australia i bung hia long Papua Niugini bikos long hevi bilong Sentain o ol praiwet ami husat i bin kam long PNG long 1997 long go pait wantaim ol BRA paitman long Bogenvil.

Taim olgeta hevi i pinis nau ol niusmanmeri bilong ovasis i laik go bek nau.

Mipela foapela niusman bilong PNG i bung na pasim tok olsem mipela i mas mekim sampela liklik kaikai wantaim



ol dispela poroman nius lain long ovasis. Olsem na mipela i go lukim Bill Skate long dispela taim na hariap tru em tokim mipela, go het na bukim Islander Hotel pul salt mak long K10,000. Olsem na mipela bukim hotel kaikai na dring na long apinun olgeta nius lain bilong ovasis na Pasifik i kam bung wantaim mipela ol nius lain bilong PNG na mipela i amamas tru. Mista Skate yet long dispela taim em i kam joinim mipela na ol ovasis lain tu i lukim pasin bilong em long sanap wantaim mipela na stori na tok pilai na amamas wantaim. Planti i tok, long kantri bilong mipela, em hat tru long mipela ol niusman

i bung wantaim ol lida. Ol i save stap longwe tru long mipela olsem na planti bikpela samting i save stap hait tru na ol pipel i no save.

Ol pipel bilong Papua Niugini i save kisim planti gutpela save long ol bikpela senis na ol samting i kamap long gavman na kantri bikos Sir William Bill Skate em ples klia man tru we i save toktok wantaim ol niusmanmeri na mekim klia long ol samting.

Han bilong em i save op long givim samting. Lek bilong em i save bringim em i kam klostu long ol pipel insait long komyuniti, setelmen na insait long haus tu. Em i save kaikai drai bisket na opim mumu na na sindaun brukim lek na kaikai wantaim ol pipel.

Mipela niusman i raitim planti stori bilong em long dispela kain pasin bilong em we em i save stap klostu tru long

lek bilong ol pipel long grasrut na i go antap.

Planti saveman i tok em i wanpela yangpela Praim Minista husat i no ronim gut kantri tumas long sait bilong menesim mani na ekonomi. Tasol plen o piksa bilong em long ranim kantri i klia tru bikos em i save tokaut stret long rot em i laik kantri i ron long en.

Tasol ol mausman o etvaise na opisa bilong em i no save tok tru long em. Tasol ol liklik pipel i lukim tru rot em i laik ronim kantri long en. Taim ol bikman na ol bisnis lain i gat mani na planti kago, em i laikim ol liklik grasrut pipel tu i mas gat mani na ol gutpela sevis tu. Han bilong em i save op long givim samting.

Em i narakain lida tru. Nogat wanpela lida bai wankain long em. Em i go nau, na bai i nogat wanpela olsem em gen.

Haus tambaran i mas stap holi

BIPO long taim bilong ol tumbuna ol Haus Tumbuna o Haus Tambaran o Haus Man i mas i stap holi.

Long Haus Tambaran, ol meri na ol liklik pikinini bai i no inap i go insait o i go klostu long em, i tambu tru.

Insait long Haus Tambaran, i gat wanpela man tasol em i lida o sip (bikman). Na dispela man tasol bai mekim las pela toktok.

Taim ol i go insait long Haus Man, ol i no inap mekim wanpela toktok. Sapos yu gat tok, orait yu tasol wantaim Sip tasol bai toktok na tok i kisim arapela man orait Sip bai singautim dispela man i kam long em. Na Sip i tok em olsem narapela i gat toktok wantaim....

Long Haus Sel bilong God, i mas i stap holi tru. Husat i gat aua ol pris bai tokim em long kisim wanem kain ofa na i go ofarim long Haus Sel, na kamap wanbel wantaim God.

KB 40:1-33 na WKP 8:1-35 -

OL PRINSIPOL BILONG GUTPELA wantaim Evangelist ONARE JABERE



Insait long Haus Sel ol pris tasol bai go insait na toktok wantaim God na ofarim ol abus bilong kamap wanbel wantaim God.

Sapos man nating i abrusim ol pris na i go insait long Haus Sel em bai dai. Na dispela Haus Sel em i Haus Man bilong Israel. Yumi Papua Niugini i gat Haus Man long wan wan hap yumi stap long em na i gat lo bilong ol tu i stap bipo na nau tu.

Sip Minista Sir Michael Somare em bilong Papua Niugini stret olsem na em i bin wokim wanpela Haus Man tru bilong hap em i kam long en. Na dispela Haus Man Sir Michael Somare i bin wokim bilong ol lida i kam bung na stretim ol hevi bilong ol liklik

manmeri. Tasol wanpela samting ol lida bilong wan wan hap bilong Papua Niugini i save kam long bung ol i no save rispek o pret long Haus (Tambaran) Man.

Dispela em i bikpela samting tru, ol lida bilong PNG i save abrus long en. Taim yu go insait long Haus Man, yu bai stap aninit long sip, sip lida bai lukautim bung i no ol lida.

Nau yumi i gat Haus Palamen i makim Haus Man, olsem na taim yupela ol lida i go insait yupela i mas i stap aninit long Spika. Taim Spika i tokim yu long mekim wanem yu i mas mekim. Bilong wanem? Em i makim sip bilong dispela Haus Man. Taim Spika i makim wanpela lida long toktok, arapela i mas i stap isi.

Sapos yumi laik toktok, raitim daun poin yu kisim long namba wan man i statim toktok, wetim inap em i pinis orait yu sanap o putim han na Spika i makim yu orait yu toktok, nogat yu mas sindaun. Planti

milien ai i save lukluk long TV taim ol lida i save toktok, ol i save toktok bikmaus nambaut olsem ol pikinini save pilai long skul o long pilai graun o long wara.

Ol lida i mas tru olsem na ol i go long Haus Man long stretim gut hevi ol manmeri i gat long em. Na tu ol i bikpela man olsem na noken wokim kain pasin olsem ol pikinini insait long Haus Man (Haus Tambaran) bilong PNG. Ol Israel i rispektim Haus Man bilong ol (Haus Sel) sapos wanpela i no rispektim Haus Man, em i mas dai. Papua Niugini lida yupela mas rispektim Haus Man na lukim em olsem Haus Man tru, na noken pilai pilai.

Ol lida bilong palamen, sampela taim yu mas i go long bikpela bung bilong ol sios na lukim hau ol i save ronim sios bung. Em bai yu kisim gutpela tingting, long stap insait long bung bilong palamen tu.

God i ken blesim yu tru.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

A/General Manager
Elizabeth Konga


Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Tingim Sir 'Bill'

**Man i stap
wantaim ol
grasruts pipel**



WELCOME HOME
Sr William (Bill) Jack John Sene Kiki
CHAMPION OF ALL CHAMPIONS
ENLE AJMUA, PARAMOUNT CHIEF



1954 - 2006



Ol grasruts tok gutbai

Andrew Molen i raitim

OL grasruts long Pot Mosbi i stat long las wik i kam long wari na soim sore bilong ol long wanpela gutpela lida bilong ol - Sir William Skate.

Moa long 2000 pipol i kamap long Jackson's ples balus long Pot Mosbi long Sarere long lukim bodi bilong lida bilong ol husait ol i save kolim "Rait Man" i kam daun long Brisbane we em i dai long Wesley haus sik long wik i go piris.

Antap long ples bilong putim kar, sait long rot, bas stop na aninit long ol diwai na flawa i

pulap long ol manmeri.

Sait long rot sampela i wok-about yet na ol kar i no inap long ron spit na planti i putim kar long sait long rot tasol bilong wanem i nogat moa spes long ples stret bilong putim kar.

Sampela lain i penim pes bilong ol wantaim graun malumalu long soim sore bilong ol na sampela i penim long ol kar na bas bilong ol.

Ol i sindaun, sanap, sampela i krai, sampela i stap isi na sampela i toktok wantaim ol poro bilong ol tasol ai bilong olgeta i go daun long ples we wanpela Air Niugini F-100 balus i sindaun

i stap.

Sait long dispela balus em ol ami, polis na ol bikman bilong gavman i sanap, ol tu i putim ai bilong ol i go olsem long we balus i stap.

Dispela F-100 balus i bin go daun long moning long Brisbane we em i kisim bodi bilong lida man ya i kam bek na nau em i tri kilok long avinun.

I nogat pairap moa

Ples i nogat nois moa na karai bilong beg paip bilong tupela soldia tasol i pairap na baksait long tupela man ya, sampela moa



TOK GUBAI: Ol grasruts manmeri i go lukim bodi bilong Sir William Skate long Kaugere na tok gutbai long em.

soldia long nevi, ami na ol lain long trenspot wing bilong ami (ATW) i karim kofin bokis i kam aut long balus.

Baksait long ol em Ekting Praim Minista, Sir Moi Avel, ol narapela minista na famili bilong Sir William i kam.

Ai wara i pundaun long ol narapela memba, taim ol soldia na hevi ol i karim, i mas i kam klostu long ol.

Narapela grup bilong ami i wokim pered taim bodi i kamap na bihain long hap em i go stret long wanpela kar na i go long "Funeral Home" o ples bilong lukautim ol bodi bilong ol indai man.

Taim kar i ron, ol manmeri i wok-about wantaim na Erima we i stap klostu long ples balus i pas wantaim ol manmeri.

Man i karim bilip bilong ol pipel

Famili bilong em i bin gat sans long lukim em long Sande na Mande dispela wik na long Tunde ol lain bilong em long ples we em i bikipela long en, Kaugere setelmen i gat sans long soim respek bilong ol na givim luk-save long man husat ol i gat bikipela bilip tru long en.

Sait long rot long Sabama i kam i go olgeta i pulap long ol flawa na ol bilas na long sait bilong rot, ol manmeri i sanap. Sampela i penim ol yet wantaim waitpela na retpela graun malumalu na sampela i putim bilak o waitpela klos.

I go moa long pes 19



WETIM LIDA BILONG OL: Ol lain setelmen sanap arere long rot long welkamim bodi bilong Sir Bill long Kaugere.

Tok Sori



FISERIS BOT, MENESMEN NA OL WOK MANMERI BILONG NESENEL FISERIS ATORITI I LAIK SALIM BIKPELA TOK SORI I GO LONG LEDI RARUA SKATE NA OL PIKINI NI LONG DAI BILONG GUTPELA MAN NA PAPA BILONG OL

LEH

HONOURABLE SIR WILLIAM SKATE KCMG, MP

MIPELA I STAP SORI WANTAIM YUELA LONG LUSIM WANPELA BIKPELA NA GUTPELA LIDA NA TRUPELA PIKININI BILONG PNG.

BIKPELA NA STRONGPELA GOD I KEN GIVIM YUELA BEL ISI NA GIVIM STRONG LONG DISPELA TAIM BILONG SORE.

JOHN KASU
EKTING MENESING DAIREKTA



WELKAM HOM IPAI: Ol grasruts long ples Kaugere setelmen i putim bikipela bena na welkamim lida bilong ol liklik manmeri olpela haus bilong em taim em i liklik manki.



YU NO INAP PASIM KARAI: Ol lain tru bilong Sir William Skate. Ol setelmen manmeri i kam tok gutbai long lida bilong ol.

Ol grasruts tok gutbai

I kam long pes 18

Bodi bilong Sir William i go stret long haus bilong mama papa bilong em, haus we em i bikipela long en. Wampela olpela, grinpela haus i sanap sait long maunten em i we dispela man husat i bin kamap praim minista bilong kantri bilong em i bin silip, kirap, kaikai na go long skul, pilai na raun i bikipela long en.

Long hia, ol famili bilong em tasol i lukim em na bihain em i go daun long Fo Skwea sios long hap yet we ol manmeri resis i go daun long kisim ples na sans long lukim em. Praim Minista Sir Michael Somare na Gavana Jenerel, Sir Paulias Matane, Siti Menesa Peter Loko na ol narapela bikman i bin kamap na lukim Sir William. Long hap em i go long Pari.

Lida bilong ol grasruts

Long Trinde bodi bilong Sir William i go long haus palamen we ol memba bilong palamen i tok gutbai long wanwok bilong ol, bihain long hap em i go long Sir John Guise stadium we ol narapela manmeri long NCD i kamap na lukim lida bilong ol.

Tude em i lotu bilong bodi bilong Sir William na ol bai planim em long "Independence Hill" sait long Palamen Haus, hap graun we gavman i makim bilong planim ol gavana jenerel na ol praim minista bilong PNG.

Long Trinde dispela wik tu taim bodi i silip long stedium na Nesenel Palamen, planti moa pipel i kamap long lukim na soim laspela luksave long man ol grasruts i save kolim "Rait Man" o "Lida bilong ol grasruts".

Sir William i bin go insait long palamen long 1992 olsem memba bilong

NCD rijinel, opis we em i holim tripela taim olgeta i nap nau em i dai wantaim.

Long taim bilong em long palamen, Sir William i bin i kamap spika bilong palamen tupela taim na planti taim em i save stap olsem ekting gavana jenerel. Long 1997 Sir William i kamap Praim Minista bilong PNG na i holim dispela opis inap 1999 taim em yet i bin risain o lusim dispela wok.

Tasol wokabaut bilong em i go kamap long het bilong PNG stret i no bihainim wampela isi rot.

Dispela man i soim ol narapela olsem sapos yu wok hat long samt-ing yu bilip long en, bai yu i ken kisim o kamap wanem samt-ing yu laikim.

Sir William i bikipela long setelmen bilong Kaugere long Pot Mosbi we em i raun long strit wantaim ol manki, kaikai buai, lem fleps na simuk long maket na em i lukim hatpela sindaun na hevi bilong dispela kain laip.

Taim em i kamap bikman na i holim namba wan bikipela opis long kantri, Sir William i no lus tingting long wanem hap em i kam long en na ol pipel, ol "grasruts" husat ol i save givim sapot long em long taim nogut na gutpela taim wantaim.

Wanem hap em i go ol manmeri i amamas long lukim em na olgeta i singaut long em olsem "Rait Man."

Nau "Rait Man" bilong ol grasruts na wampela gutpela lida bilong PNG na NCD i go bek long papa bilong em na olgeta manmeri.

Stori bilong em bai kamap olsem histri bilong kantri tasol ol pipel, ol sapota bilong em bai lukluk nau long narapela man husat i ken mekim kain wok olsem bipo lida bilong ol na givim sit Sir William i holim i kam i go long em.



TELIKOM PNG LIMITED



Tok Sori

BOT, MENESMEN NA OLGETA WOKMANMERI BILONG TELIKOM PNG LIMITET I LAIK SALIM BIKPELA TOK SORI BILONG OL I GO LONG LADY RARUA, OL PIKININI NA TUMBUNA LONG DAI BILONG GUTPELA PAPA, TUMBUNA NA WANPELA STRONGPELA NESENEL LIDA.

LEIT RT. HON SIR WILLIAM SKATE,
EM I BIN MAN I GAT GUTPELA TINGTING, WANPELA LIDA HUSAT I BIN KARIM OL PIPEL LONG LEWA BILONG EM NA HUSAT I BIN I GAT STRONGPELA TINGTING LONG OL HEVI BILONG KANTRI.

PASIN BILONG EM LONG TOKTOK STRET NA I NO SAVE GIAMAN NABAUT I MAKIM STRET LIDASIP WOK BILONG EM WE YUMI BAI TINGIM OLTAIM.

KANTRI NA NCD WE LEIT SIR WILLIAM I BIN STAP OLSEM RIJINEL MEMBA I LUSIM WANPELA GUTPELA LIDA TRU.

MIPELA I STAP WANTAIM LADY RARUA, OL PIKININI NA OL FAMILI LONG DISPELA TAIM NA PRE OLSEM GOD BAI STRONGIM YUPELA LONG DISPELA TAIM BILONG SORE.

BAI EM I KISIM GUTPELA MALOLO

**DOKTA FLORIAN GUBON
SIAMAN - TELIKOM PNG BOT**

Sir William i lida tru bilong ol grasruts



Sate Ila - Galp



Peter Kurond - Simbu



Georgina Tubian - Goilala

Spesol Tribiut i go long Leit Hon. Sir William Skate, KCMG, MP

PNG is Sore long Dai bilong wanpela Strongpela Lida

Pipel bilong Papua Niugini i lusim wanpela strongpela lida em
Leit Honourable Sir William Skate KCMG, MP husat i bin indai
long Brisbane Australia long Tunde, Januari 3, 2006.

Sir William em i bin wanpela setelmen mangi taim em i liklik
yet. Em i stap na bikpela insait long setelmen anit long
Korid papamama bilong em, na em i save long
liklik manmeri, em ol 'Grasruts' pipel husat i stap
insait long ol skwata setelmen insait long biklik Pot Mosbi.

Makl long ol kain kain yet, Sir William i brukim rot i kam na
em i kamap namba 4 binim Mirista bilong Papua Niugini na
namba wan mekem bilong palamen i kam long Papua Rijsen
long holim namba wan bikpela wok politika insait long kantri.

Sir William i bin go long Palamen long 1992 na em i bin stap
long namel bilong namba tri Palamen bilong em taim em i dai.
Taim em i stap insait long Palamen olsem Rijsen Memba
bilong Hesenel Kapitel Distrik, em i bin wok olsem Spika
(tupela), Gavane bilong NCD, Praim Minista na Lida
bilong Hesenel. Em i bin wok tu olsem Ekting Gavane Jenerel
long 2002 taim ol Hesenel bilong Gavane Jenerel i bin idaim
sela insait long Rot.

Mi bin i get sans long wok wantaim em olsem Deputi Spika bilong 2002 Jenerel Hesenel, na mi yet mi
lukim Sir William olsem wanpela strongpela lida bilong Papua Niugini na lowa bilong em i bin stap
wantaim kantri bilong em ol grasruts pipel em i makim i kam inap long taim bilong dai bilong em.

Wanpela Strongpela gras ruts man husat i bin bikpela insait long ol setelmen na i opim rot bilong em yet
long hat wok bilong em yet.

Sir William i bin wanpela bikpela na strongpela mausman bilong ol grasruts pipel, em i bin karim olgeta
bilp bilong ol. Dai bilong em i wanpela bikpela kus bilong ol liklik pipel em i bin makim.

Olsem wanpela kantri, mipela i lusim wanpela bikpela lida husat i no bin save pret long autim tingting
bilong em. Mipela bai tingim Sir William olsem wanpela lida husat i sanap strong na makim ol lain
turing na wanpela lida husat i bin pret strong long lukautim kantri bilong yumi.

Pipel bilong Papua Niugini, anit long maus bilong ol liklik Memba bilong Palamen i givim
laksave long Sir William - mausman na strongpela sinia memba bilong palamen.

INAP SOL BILONG EM I KISIM MALOLO BILONG OLTAIM

HON. JEFFREY NAPE
Spika bilong Hesenel Palamen na
Memba bilong Sinasina/Yongomugl

SIR William Skate em i bin lida tru bilong ol
grasruts pipel na ol liklik manmeri husat
ol i stap long strit, setelmen, ples na hait
long ol liklik kona nabaut.

Long dai bilong em planti bilong ol dispela lain
i soim bikpela wari na sore na i kam bung long
tingim em.

Here em tingting bilong sampela manmeri long
Sir William long wanem kain praim minista em
i bin kamap na wanem kain wok em i bin
mekim tu olsem rijinel memba bilong Hesenel
Kapitel Distrik (NCD).

Sate Ila

Provins: Galp

"Em i wanpela trupela man stret! Em i wanpela
gutpela lida stret bilong ol grasruts na ol liklik man-
meri na em i save stap wantaim ol olgeta taim.
Dispela em i wanpela gutpela man na lida yumi
lusim nau."

"Em bai gutpela sapos em i stap na i kamap praim
minista ken bilong wanem em i kamapim planti
gutpela samting long helpim ol pipol. Taim em i
stap praim minista em i kamapim planti wok na
putim ol yut i wok long ol. Ol gutpela diwai na
flawa i gro olsem dispela diwai nau mi sindaun
aninit long em i kirap long tingting bilong em
tasol."

Peter Kurond

Provins: Simbu

"Olsem praim minista, em i wanpela praim minista
tasol husait i kam daun long levul bilong ol gras-
ruts."

"Wanpela samting mi no i nap lustingting em taim
em i stap praim minista na i bin kambek long wan-
pela wokabaut bilong em long ovasis wantaim ol
narapela bikman, polis eskot na sekyuriti bilong
em. Taim em i lukim mipela i sanap em i lusim ol
na tokim ol long i go na lusim wanpela kar bilong
em i stap. Em wokabaut i kam long mipela, baim
buai long wanpela meri na askim mipela, 'Olgeta
samting i orait long strit, ah?' Dispela i soim tru
olsem em i no wari long tingting bilong ol bikpela
lain tasol em i laik save long sindaun na hevi
bilong ol liklik manmeri long strit. Em i wanpela
praim minista husait i kam daun long ol pipol long
painim aut ol i stap olsem wanem na dispela em i
wanpela samting mi bai i no i nap lus tingting."

Georgina Tubian

Provins: Goilala (Sentrel)

"Mi no laik tok mi bilong Sentral Provins bilong
wanem em i bikpela tumas, mi laik tok stret mi
bilong Goilala bai soim olsem em i tasim tru ol
pipol bilong mipela."

"Mi harim dispela stori long em i kambek long ova-
sis taim em i stap praim minista na i no wari long
ol narapela bikman na i go stret long lukim ol man-
meri i sanap nabaut i stap."

"Em i no laik harim 'Second Hand' stori bilong ol
opisa bilong em na ol loya nabaut, em i go stret
long ol pipol na askim olsem 'olgeta samting i
orait?'"

"Dispela kain pasin em ol lida i mas wokim. Kain
samting em i wokim i ken kamap olsem gutpela
piksa bilong ol narapela long bihainim. Em i wan-
pela isipela man husait i mekim ol isipela samting,
em i tru em i bungim sampela rong na hevi tasol
em i lida tru bilong grasruts."

"Ol rong em i mekim i kamap ples klia na gutpela
samting em i mekim tu i kamap ples klia we i soim
olsem em i no haitim wanpela samting long ol
pipol bilong em. Em i soim em yet long ol. Ol sam-
ting em i mekim i soim olsem em i wanpela kain
man olsem na i nogat narapela i wankain."



Patricia Giru - Isten Hailans



Livai Romba - Western hailans



Janet Rapura - Western Hailans



John Kawally - Is Sepik



John Taitai - Semtral

John Taitai

Provins: Sentrel

"Em i wanpela bilong ol gutpela lida husait i mekim planti samting bilong ol pipol. Taim em i stap praim minista planti bikpela hevi olsem sunami (bikpela solwara i kirap), pait long Bougainville, saiklon o bikpela win long Milen Be na bikpela drai long hailens i bin kamap long kantri tasol em i wok hariap tru long kamapim ol miting long lukim wok i go het long stretim ol ples i kisim bagarap."

"Ol narapela praim minista i no bin wok hariap olsem long dispela kain ol hevi."

Patricia Giru

Provins: Isten Hailans

"Em i bin wanpela gutpela praim minista na lida husait i save gut long levul bilong ol grasruts. Em i harim toktok na save long wari bilong ol pipol."

"Hatwok bilong em tu i helpim long kisim isipela sindaun i go long Bougainville."

Livai Romba

Provins: Westen Hailans

"Mi laikim em tru bilong wanem em i wanpela grasruts lida. Ol tingting na wok em i mekim i no kam long ol narapela, em ol samting em yet i tingim long en, em i mekim. Nau em i dai, bikpela sore i kisim mipela ol liklik manmeri na nau mipela i no save long husait narapela long askim long helpim wantaim hevi bilong mipela."

"Long tokbokis mi ken makim em olsem bikpela diwai i gro na mipela ol liklik diwa i gro aninit long kisim na givim sapot long em."

"Em i bin wanpela gutpela lida long Pot Mosbi na PNG wantaim. Em i helpim long stopim pait long Bougainville na long taim bilong sunami long Aitape, taim ol man i ring toksave long telefon yet, em i go kamap pinis na lukim long ai bilong em."

"Em i bin yangpela long olgeta praim minista na tu i fes praim minista nau long i dai."

Wanpela taim em go daun long Simbu we em i go kaikai lem fleps long maket wantaim ol pipol. I nogat narapela lida i save mekim olsem."

Janet Ropura

Provins: Westen Hailans

"Em i wanpela gutpela man husait i no save raun olsem praim minista long gutpela kar, em i stap fri tasol. Em i olsem wanpela grasrut we em i kam daun long level bilong ol maski taim em i stap praim minista."

"Taim em i save i go long hailens ol pipol i save respektim em tu. I nogat narapela praim minista i dai yet na nau em i fes man, i kamapim bikpela sore stret."

"Em i kamapim planti wok tu long NCD we i lukim planti senis i kamap."

John Kawally

Provins: Is Sipik

"Em i man bilong toktok stret na i no save tanim o haitim tok nabaut. Em bos bilong ol grasruts."

"Em yet i kamaut long seteleman na i go kamap praim minista olsem na em i save long sindaun na wokabaut bilong ol grasruts."

"Em i soim tu olsem i nogat wanpela samting i hat sapos yu wok strong long kisim samting yu laikim."

"I nogat narapela i soim kain pasin olsem em."

Gavman i makim graun long "Independence Hill" klostu long haus palamen bilong planim ol praim minista na ol gavana jenerel bilong kantri na dispela em i we bodi bilong Sir William bai silip long en bihain long lotu bilong em tude.



**Minista bilong Foren Afes na Imigresen,
Rt. Hon. Sir Rabbie L. Namaliu CSM KCMG MP**

Na

**Sekreteri bilong Foren Afes na Imigresen
Mista Gabriel K. Pepson**

Na ol Wokmanmeri bilong Ministri na Dipatmen bilong Foren Afes na Imigresen, i laik salim bikpela tok sori i go long Lady Rarua Skate, ol pikinini na ol tumbuna na ol famili na poroman long dai bilong wanpela bikpela lida, man bilong yu, papa na tumbuna man, leit Sir William Jack Skate.

Dai bilong Leit Sir William em i wanpela bikpela lus tru i no bilong famili na ol poroman bilong em na bilong olgeta manmeri husat i bin save long em olsem wanpela gutpela lida na politisen.

Leit Sir William i bin wanpela strongpela lida husat i save redi oltaim long strongim ol rait bilong ol liklik pipel, long sait bilong ol disisen we i strongim ikononim sindaun bilong ol gras ruts. Ol wanwok bilong em long Palamen bai sori tru long em i no moa stap, wankain tu olsem ol wanwok bilong em insait long Nesenel Kapitel Distrik Komisin (NCDK) we ol i bin lukim strong bilong em long lukautim ilektoret bilong em na ol pipel bilong Papua Niugini.


Leit Sir William em ol bai tingim em long bikpela wok em i mekim long kamapim gutpela bel isi long Bogenvil.

Ol prea na tingting bilong mipela i stap wantaim yu na famili bilong yu long dispela taim bilong sore.

Inap sol bilong em i kisim malolo.

**Rabbie L. Namaliu CSM KCMG MP
Minista bilong
Foren Afes na Imigresen**

**Gabriel K. Pepson
Sekreteri**



**MINISTRY OF HIGHER EDUCATION,
RESEARCH, SCIENCE AND TECHNOLOGY**

Opis bilong Minista

TOK SORE

Minista bilong Haia Edukesen, Risets, Saiens na Teknoloji i laik salim tok sori bilong em i go long Lady Rarua Skate na ol pikinini na famili bilong em long dai bilong papa bilong ol Rt. Hon. Sir William Jack Skate KCMG, MP. Ministri bilong em i stap wantaim ol pipel bilong NCD na Papua Niugini long dispela taim bilong wari na bel hevi long dai bilong wanpela gutpela nesanel lida.



**HON. SIR WILLIAM JACK SKATE KCMG, MP BIPO
PRAIM MINISTA NA RIJINEL MEMBA BILONG NESEN
KAPITOL DISTRIK LONG PALAMEN.**

**GOD I KEN I STAP WANTAIM YUELA NA GIVIM
STRONG LONG YUELA LONG DISPELATAIM BILONG
SORI NA BEL HEVI**

**HON DON POMB POLYE, MP
Minista bilong Haia Edukesen,
Saiens na Teknoloji**



TINGIM SIR 'BILL'

Pes 22

Janueri 12 - 18, 2006



OL I KARIM PAPA I KAM: Tupela pikinini bilong Sir William Skate i sanap wetim bodi bilong papa bilong ol.



OL FEMILI SORE: Meri bilong Sir William Skate, Ledi Rarua i krai na ol han femili i sapotim em long taim bodi bilong Sir William Skate i kam long Brisbane.



SORE LONG BRATA: Ol memba bilong Palamen, Hon. Mark Maipakai, Hon. Peter O'Neil, Spika bilong Palamen, Hon. Jeffery Nape na Gavana Chris Haiveta i sanap wetim bodi bilong Sir William Skate.



OL I KAM LUKIM LIDA BILONG OL: Bikpela grup manmeri i kam lukim na krai long Sir William Skate.



**EDA RANU
OUR WATER**

CONDOLENCE MESSAGE

LATE SIR WILLIAM SKATE

The Board, Management and staff of EDA RANU wish to express our sincere and heartfelt sympathies to wife Lady Rarua, children, grand children and relatives on the passing of a dear husband, a loving father and grandfather, the **Late Sir William Skate, KCMG, MP on 3rd January 2006.**

The Late Sir William Skate was a great outstanding leader of our country and has contributed so much to the development & welfare of the people of Papua New Guinea.

We sincerely acknowledge his immeasurable and invaluable contributions as Regional Member of the National Capital District, particularly his significant role in ensuring that EDA RANU continue to operate as a company & provide improved water and sewerage services to the residents of NCD.

His passing is indeed a great loss to the people of NCD and the country as a whole.

We grieve with you and pray that God Almighty will give you peace, comfort and strength during this time of mourning.

'He who dwells in the shelter of the Most High will rest in the shadow of the Almighty.' Psalms 91:1

TIMOTHY BONGA, MBE
Chairman



Namba wan PM long dai

Andrew Molen i
raitim

EM i bin namba wan
Paim Minista bilong
Sentrel Provins,
yangpela long olgeta
praim minista bipo na
nau em i namba wan
praim minista long i
dai.

Na i no dispela tasol
bai ol manmeri i tingim
Leit Sir William Skate,
tasol we bilong em na
pasin bilong em maski
taim em i stap praim
minista bai hat long ol
pipel i lus tingting.

Ol i save kolim em
"Rait man" na "Grasruts
lida" i no long wanem
tasol long pasin bilong
em tasol.

Em i wanpela gras
ruts man

Taim em i raun long
ol setelmen long
Kaugere we em i
bikpela, em i no save
werim siot. Em bai
rausim, putim long sol
bilong em na kaikai
buai o simok wantaim
ol manmeri long strit.

Taim em i go long ol
narapela provins em i
soim wankain daun
pasin long ol pipol
bilong hap tu.

Long Hailans em i
save go daun long
maket na kaikai lem
fleps mit wantaim ol
manmeri.

Wanpela man i bin
ring i go long FM 100
tok bek so na i stori
long wanpela taim, taim
Sir William i stap praim
minista na em i bin i go
lukim wanpela gredue-
sen wantaim em.

Bihain long gredue-
sen, i nogat kar i stap
long karim Sir William i
go long ples balus tasol
em i no wari. Em kalap
na sindaun ausait long
baksait bilong 'Land
Cruiser' bilong man ya
na i go long ples balus.

"Mi no pilim gutpela
bilong wanem em i
praim minista bilong
PNG na em i kalap long
baksait long kar bilong
mi olsem em i wanpela
pipia man nating.

Ol manki husat i save
sindaun ausait long get
bilong Mirigini haus
bilong praim minista
long hapsait long golp
kos na wet long go
insait long golp kos na
wok i stori olsem taim

em i stap long hap, ol i
no save hangre. Taim
em i ron eksesais long
moning o avinun na i
kam lukim ol, em i save
tokim ol sekyuriti na ol
wokman long go kisim
bret o bisket i kam na
givim long ol manki i
kaikai.

Em i save tingim
sindaun bilong ol lik-
lik manmeri

Mista Peter Kurond
bilong Simbu i stori tu
long wanpela samting
Sir William i mekim we
em i tok bai em i no i
nap lus tingting.

"Em i bin i stap praim
minista na i bin kambek
long wanpela wokabaut
bilong em long ovasis
wantaim ol narapela
bikman, polis eskot na
sekyuriti bilong em.
Taim em i lukim mipela
i sanap em i lusim ol na
tokim ol long i go na
lusim wanpela kar
bilong em i stap. Em
wokabaut i kam long
mipela, baim buai long
wanpela meri na askim
mipela, 'Olgeta samting
i orait long strit, ah?'
Dispela i soim tru
olsem em i no wari long
tingting bilong ol
bikpela lain tasol em i
laik save long sindaun
na hevi bilong ol liklik
manmeri long strit. Em i
wanpela praim minista
husait i kam daun long
ol pipol long painim aut
ol i stap olsem wanem
na dispela em i wan-
pela samting mi bai i no
i nap lus tingting," mista
Kurond i tok.

Em i no save laikim
halivim

Long krismas 2004
taim bikpela solwara i
kirap na bagarapim ol
ples long Esia na
Afrika, Sir William i
kamap olsem siaman
bilong komiti i go pas
long bungim moni long
helpim dispela ol lain.
Long dispela taim wan-
pela ragbi lig kompe-
tisen long Pot Mosbi,
Morata lig i bungim
moni long wanpela
gem bilong ol long
helpim ol lain long Esia
na ol i askim Sir
William, na embeseda
bilong Indonesia long i
kam lukim gem na
kisim moni. Embeseda
bilong Indonesia husat



TAIM BILONG SORE: Ol Soldia i karim bodi bilong Sir William Skate i kam long ples Jackson ples balus. Olgeta manmeri i wetim em long ples balus.

provins bilong ol long
Aceh i bin kisim taim tu
long solwara i bin i gat
sompela wok na i salim
ol wokman bilong em
long makim em tasol
Sir William yet i go
kamap na em i stap i
nap pilai i pinis na
bihain em i go. Taim em
i kam daun long haus ol
i mekim long ol bikman
i sindaun, ren i pudaun
na ol pipel i opim
ambrela long pasim ren
long em tasol Sir
William i tok nogat na i
wokabaut insait long
ren i go long kar bilong
em.

Las yia em i helpim
narapela ragbi lig kom-
petisen, Okuk Mori
Rogerson kap wantaim
K5, 000 moni bilong em
yet. Long soim respek
bilong ol i go bek long
Sir William, i no bin i gat
gem long Okuk Mori
Rogerson kap long
Sarere taim bodi bilong
em i bin i kam bek long
Pot Mosbi long
Brisben.

Antap long ol dispela
na ol narapela liklik
pasin na wok em i soim
long ol liklik pipel long
stit, long NCD na long
ol narapela provins,
wanpela bikpela wok
em i wokim we kantri
bai i nap tingim olgeta
taim em long helpim
long kisim isipela sin-
daun i go insait long
Bogenvil we bikpela
pait i bin i stap moa
long 15 krismas olgeta.

Chief i givim luk-
save

Praim Minsta Sir
Michael Somare i tok
wok bilong Sir William
long kisim isipela sin-

daun i go long
Bougainville em i wan-
pela bikpela wok em i
mekim.

"Planti i ken tok
olsem ol i putim han tu
long kamapim isipela
sindaun long

Bougainville tasol nogat
wanpela bai i senisim
olsem Sir William i go
pas long ol na stretim
rot bilong dispela long i
kamap," Sir Michael i
tok.

Sir Michael i tok tu

olsem Sir William em i
wanpela sempion na
lida bilong ol liklik man-
meri o ol grasruts
bilong wanem em i
bikpela namel long ol
na i save long sindaun
na wari bilong ol.

"Pasin na we bilong
em long luksave long
tingting na wari bilong
ol grasruts em i no
olsem bilong ol nara-
pela," Sir Michael i tok.

Minista bilong Foren
Afeas Sir Rabbie
Namaliu tu i tok
wankain long Sir
William: "Olgeta gut-
pela wok i kamap long
Bougainville i ken i go
bek long em bilong
wanem em i bungim ol
komyuniti na lida bilong
Bougainville wantaim."

Tasol em i man na i
mekim sampela samt-
ing we i putim mak
nogut long nem bilong

em tu. Namel long olge-
ta em taim ol i rekotim
em long T. V we em i
bin tok olsem em i papa
bilong ol raskol grup
long Pot Mosbi na
wanem samting em i
tokim ol long mekim bai
ol i mekim tasol.

Long dispela em yet i
bin tok; "Ol i mekim mi
spak na toktok rabis."

Dispela ol samting
olgeta manmeri i ken
putim long baksait long
het tasol tingim olsem
dispela man i bin praim
minista bilong PNG na
PNG i mas tingim em
olsem praim minista na
lida bilong komyuniti
husait i no bin traim
long bagarapim kantri
wanpela taim. Tude
(Fonde) em i pablik
holide long NCD long
makim dai bilong Sir
William.



INTEKRITI BILONG OL POLITIKEL PATI NA KENDIDET KOMISIN

Siaman na ol Memba bilong Intekriti Komisnin i salim bikpela tok sori bilong ol i go long Lady Rarua na ol pikinini, Anna, Konio, William, Brady, Grace na tu i go long ol kastom marit meri bilong em Linda na Kabua na ol pikinini bilong ol, Isabela, Tiana, Tessa, Gomara, Keyla na Joshua long dai bilong man na papa bilong ol

Leit



Hon. Sir William Ako Ipai Skate, KCMG MP.

Ol prea na tingting bilong mipela i stap wantaim yupela long dispela taim bilong sore, na mipela i pre olsem bikpela God bai stiaim yu long dispela taim bilong sore.

Ano Pala ISO
Siaman

Paul Bengo CBE
Rejistra bilong ol
Politikel Pati

Anti Agnes i pairap yet long Nokondi FM

Sape Metta i raitim

TAIM OL liklik pikinini na ol yang-pela manmeri i lukim em long rot o long pablik ples, ol i save sikarapim skin bilong mama na papa bilong ol na ol i save tok, "lukim em anti ya".

Na taim ol bikpela lain manmeri i save lukim em, ol i save tok, "em ya - radio poromeri ya".

Planti taim mipela ol manmeri na pikinini long Goroka na Isten Hailans husat i save putim yau long NBC Radio Isten Hailans - Krai Bilong Kumul (KBK) na Nokondi FM stesen, yumi save harim nem na nek bilong dispela meri.

Tasol planti long yumi i no save long pes na wanem hap as ples stret em i kam long en.

Nem bilong dispela anti na radio poromeri em Agnes Inape na em i bilong Lemanmanu viles we i stap insait long Noten Buka Ailan long Not Solomons provins.

Maski sapos em i kamap long mak bilong 5-pela ten krismas long dispela yia, na em i gat tupela bikpela pikinini na tupela 'pupu' (tumbuna), Misis Inape i go het strong tru wantaim dispela wok long radio we em yet i save laikim tumas long en na i holim wok ya inap 27 krismas olgeta.

Radio wok em i laip bilong em

Taim Wantok Niuspepa i askim em sapos em i bin mekim ol arapela wok bipo long em i bin statim dispela wok radio, na em i tok, 'nogat'.

Dispela wok long radio em i bip wanpela wok em i mekim bihain long em i pinis long yunivesiti stret.

Misis Inape em i las pikinini insait long famili bilong em bihainim susa bilong em Cecilia husat i dai pinis, Marcella na Francis.

Long taim mama i karim em na em i stat long bikpela, em i no bin i gat wanpela tingting o driman long kamap na kisim wok wantaim ol radio stesen.

Dispela tingting i bin i kam bihain long taim em i bin i go long



Foto: Sape Metta

Kerevat Nesenel Hai Skul long Rabaul, Is Nu Briten provins.

Misis Inape i bin statim skul bilong em long 1964 long Lemanmanu komyniti skul klostu long haus lain bilong em.

Em i pinisim gret 6 long 1970.

Long 1971 em i muv i go long bikples Bogenvil na i go het wantaim haia edukesen skul bilong em long Sen Mary's hai skul bilong ol meri long Asitavi.

Skul ya em Katolik misin i bin lukautim. Em i bin greduet na lusim dispela skul long 1974.

Kisim tingting long wok nius ripota

Long 1975 yet, em i lusim Bogenvil na i go long Kerevat Nesenel Hai Skul long Rabaul, Is Nu Briten, na bihain long tuepla yia long wokim gret 11 na 12, em i greduet na pasaut.

Taim Misis Inape i bin skul yet long Kerevat Nesenel Hai Skul, em i bin kisim tingting long kamap jenalis o wok olsem niusmeri long ol radio stesen.

Dispela tingting na driman i no popaia na abrusim em taim em i bin kisim gutpela bekim long aplikesen we em i bin kisim long Yunivesiti bilong Papua Niugini (UPNG) long skul long kamap niusmeri.

Long 1977 em i go long UPNG na bihain long wanpela yia long skul, em i greduet wantaim diploma long jenelisim.

Taim Misis Inape i greduet na pasaut wan-

STRONGPELA MAUSMERI:

Em i no meri nating. Em i gat namba tu ya. Anti na radio poromeri Agnes Inape i pairap yet long Nokondi FM na Radio Isten Hailans, Krai bilong Kumul Studio long Goroka. Em i wanpela greduet jenalis o nius ripota, tasol em i ken mekim wok olsem radio anaunsa tu ya.

taim diploma bilong em, em i kisim namba wan wok bilong em wantaim Nesenel Broadcasting Koporesen (NBC) long Pot Mosbi na wok insait long niusrum long hap na mekim ol wok bilong nius ripoting.

"Olsem yangpela meri na mekim wok olsem junia nius ripota, mi lukim olsem em i wanpela bikpela salens tru long nupela wok bilong mi," Misis Inape i tok.

Em i tok wok ya long namba wan taim i tuk olsem i hat liklik.

Tasol em i kisim dispela salens long wanem dispela em i wok bilong driman bilong en. Na bihain long sampela mun, em i luksave long wok bilong em, na em i kamap long laikim tumas dispela wok olsem niusmeri wantaim NBC.

Statim famili

Long 1979, bihain long wanpela yia long



wok insait long niusrum long Pot Mosbi, Misis Inape i trensfea i go long Rabaul, Is Nu Briten na i wok long NBC radio long Is Nu Briten. Em i wok yet long hap na i bungim na prenim man bilong em, Conroy Inape na tupela i marit.

Mista Inape em bilong Kainantu long Isten Hailans, na em i bin i go na wok long Rabaul olsem mausman bilong Takis opis i bosim Niugini Ailans.

Long 1980 long Rabaul yet, Misis Inape i karim namba wan pikinini meri bilong em, Dinah.

Bihain long em i karim Dinah, Mista Inape i lusim wok bilong em na ol i go bek long Mosbi we em i go het na wok long NBC he opis long 5 mail.

Misis Inape i wok yet long niusrum na i kisim intenel trensfea we NBC i go het na givim em wok olsem nius ripota bilong kisim nius bilong ol sios.

"I tru olsem mi bilong Lemanmanu viles long Not Solomons provins, tasol taim mi kisim tok orait long ol bosman long i stap bek na wok long Goroka, mi amamas nogut tru, long wanem mi bai i stap bek na wok - i no klostu long Lemanmanu viles, tasol klostu long viles na taun bilong man bilong mi, Conroy," Misis Inape i tok.

Long taim bilong em long wok gen, em i bin i go long NBC opis long Goroka na i statim wok gen long hap we em i go het long mekim wok bilong raitim ol nius (nius ripot), mekim kamap ol radio program, bordkas o toktok long radio na tu kamap olsem anaunsa.

Wankain olsem nara-pela bikmeri bilong radio, Francisca Semoso husat em bipo anaunsa bilong YUMI FM na nau em i wok insait long Bogenvil gavman olsem wanpela memba, Misis Inape i wok long pairap yet long Radio Isten Hailans na Nokondi FM.

Nokondi FM em i nupela brodkas stesen we i tekova tasol i stap aninit long NBC Radio Isten Hailans.

Radio Isten Hailans i yusim nau Nokondi FM long brodkas na mekim ol radio wok program long Goroka na Isten Hailans.

Bikmeri long wok halivim

Nau yet Misis Inape em i Ekting Asisten Dairekta bilong provin-sel radio.

Taim Misis Inape i stap bek na wok long Goroka, em i kamapim nem bilong em yet, na tu, em i kirap na mekim planti ol arapela volantia wok we em i halivim planti ol man, meri na pikinini long Goroka na Isten Hailans.

Long taim em i no mekim wok long radio, em i save laik mekim ol volantia wok long halivim ol non gavman ogenaissen (NGO) olsem YWCA, Isten Hailans Kaunsil bilong ol Meri, Isten Hailans Famili Vois (EHFV) ol Gel Gaits na ol arapela sios wok.

Em i stap nau olsem memba long nesenel na lokal YWCA bot, na tu em i memba long EHFV bot.

"Mi gat wok long mekim long radio, tasol mi laik mekim wok volantia tu bikos mi laik halivim na promotim raits bilong ol mama na tu ol pikinini. Na tu mi laik halivim long putim wantaim olgeta raits bilong ol famili.

Mi save gat bikpela laik long wok kaunsel-ing o givim stia tok. Na mi save mekim planti

wok kaunsel long halivim ol mama na tu ol papa husat marit bilong ol i no stap gut.

Na mi no amamas long pasin poligemi we ol man i ken maritime moa long wanpela meri. Dispela pasin bilong maritim planti meri i mas pinis, long wanem dispela pasin i wok long kamapim planti hevi tru insait long ol komyniti bilong yumi. Planti ol mama i stap long banis kalabus nau, long wanem ol i kamapim pasin birua long poromeri o wanmarit bilong ol. Dispela kain hevi bai i no inap kamap sapos ol man i maritim wanpela meri tasol. Yumi mas kamapim lo na stopim pasin poligemi," Misis Inape i tok.

Em i tok long taim hevi i bin kamap bikpela long Bogenvil, planti ol man Hailans husat i maritime ol meri Buka i bin kisim ol i kam antap long asples bilong ol.

Na ol man ya i kirap na maritime ol meri as ples bilong ol gen.

Mekim olsem na turangu ol meri Buka, sampela long ol husat i gat ol pikinini i kisim taim.

"Planti long ol dispela meri Buka i kisim taim na i painim hat tru long i go bek long ples bilong ol. Na mi wantaim Mary Eka husat em bisnis-meri long Goroka i mekim planti hatwok long painim ol rot na salim ol i go bek long Bogenvil," Misis Inape i tok.

Em i tok em yet i agensim pasin poligemi na em i laikim ol atoriti o nesenel gavman na lo na jastis sekta i mas kamapim lo na stopim dispela pasin.

Misis Inape em i wanpela meri husat i save gat bikpela laik long halivim ol arapela man-meri long sios wok tu.

Nau yet em i go pas olsem lokal bod sekeri long AOG Samaritan sios long 6 mail ausait tasol long Goroka.

Em i go pas tu long kamapim ol sios wok program bilong ol mama long dispela sios we i gat moa long 200 kongrekesen.

Misis Inape i tok "maski sapos mi gat planti wok long mekim long radio stesen, mi gat bikpela laik long mekim ol arapela volantia wok long halivim turangu ol arapela lain manmeri.

Yumi ken kolim em Anti Agnes o radio poromeri, na moa yet long dispela yumi ken kolim em tu olsem mama bilong halivim.

Kuk wantaim so das

Andrew Molen
i raitim

BIPO tru taim i nogat kerosin, ges na lektrik stov, ol man-meri bilong Papua Niugini i save yusim paia long kukim kaikai.

Long mekim dispela paia i lait, ol i save brukim o katim hap hap diwai, bungim wantaim na laitim paia long ol, bihain ol i putim wanpela samting antap we sospen o kaikai bai sidaun antap i nap em i kuk na i redi bilong kaikaim.


Nau dispela pasin bilong mekim paia na kukim kaikai i stap yet. Long sampela hap ol i yusim wankain ol samting na bihainim wankain rot bilong kirapim paia na kuk long en tasol sampela astingting i senis.

Kain olsem mekim paia i hat moa bai kaikai i kuk hariap na tu bai paia i noken dai hariap na givim hatwok long winim na laitim o kirapim ken.

Wanpela rot we i no dia tumas long mekim na i isi moa long kamapim wanpela kuka o stov bilong kuk em bai mi soim yu nau.



Ol samting bai yu i mas i gat long mekim dispela em planti so das o pipia bilong diwai (yu ken kisim long ol so mil o ples bilong katim diwai), wanpela liklik dram, wanpela longpela na stretpela paip na wanpela tinpis tin o liklik ain paip i wankain sais olsem tin ya.

Rot bilong mekim So Das Kuka



1


Mekim wanpela hul antap long dram we i napim stret bikpela bilong dispela paip bilong sanap insait long en. Daunbilo long sait bilong dram, mekim wanpela liklik hul inap long bikpela bilong maus bilong tinpis tin.




2 Bihain long yu rausim tupela ai bilong tinpis tin, subim wanpela sait bilong tin i go insait long liklik hul yu mekim long sait bilong dram.

3 Em nau kisim longpela paip na sanapim insait long dram bai em i go daun long has bilong dram na i stap klostu long maus bilong tinpis tin insait. Bihain yu pulamapim so das i go insait long dram na paitim i go inap em i paspas gut tru.

KAPSAITIM SO DAST I GO INSAIT LONG DRAM I KAM PULAP TRU ANTAP



BIHAIN RAUSIM PAIP NA LUSIM HUL MAK BILONG PAIP



4 Em i redi long yusim nau. Yu rausim longpela paip long namel bilong dram na laitim paia insait long tinpis tin long sait. Paia bai kisim so das na bihainim hul i stap namel long dram na i kam antap. Yu ken putim hap waia o kapa antap long maus bilong dispela hul antap long dram na sindaun sospen o kaikai antap long en long kuk.

Toksave: Sapos yu gat liklik simen, yu i ken rabim insait long dram bai mekim em i strong na i stap long taim.

Leftovers i gat stail

OL NUPELA musik atis i gat strong bilong mekim nem insait long PNG long dispela yia em ol yangpela manki bilong Kandrian, Wes Nu Briten, nem bilong ol em Leftovers.

Ol dispela lain em ol yangpela mangi Arowe husat i stap long Pot Mosbi.

Nau ol i wok long pulim yau wantaim ol singsing bilong we ol i save stori long ples na ol pipel bilong ol.

Strong bilong ol i kamap ples klia taim wanpela singsing bilong ol i bin holim namba 50 ples long SP Hot 100 musik kaundaun bilong 2005 we i bin kamap long YUMI FM radio long Nu Yia.

Dispela grup em i wanpela nupela grup long lokol musik tasol em i wok long mekim nem bilong en bihain long em i bin kamap long radio na TV musik sat long namel long mun Ogas las yia.

Strongim nem bilong as ples

Ol dispela yangpela mangi i gat bikpela tingting long mekim nem bilong as ples bilong ol, Kendrien, na ol i lukim olsem kamapim bilong wanpela musik ben bai wanpela gutpela rot bilong mekim dispela.

Long yia 2000 ol i bungim ol musik masin na ol i rekodim wanpela demo kaset we nogat wanpela man i bin laik harim.

Tasol ol i strongim tingting long apim nem bilong Kendrien na ol i go askim GMA studio



long Gerehu long mekim wanpela moa demo kaset. Dispela namba tu demo kaset em ol i givim long Quakes Prodaksen husat i no wet long rekodim ol. Nau ol i mekim mak pinis.

Ol rekoding wok i bin stat long mun Mas las yia wantaim Patti Potts Doi husat i bin go pas long en. Long pinis bilong mun Jun, olgeta wok rekoding i bin pinis.

Em nau Leftovers i kisim ol masta kaset bilong ol na karim i go long CHM long mekim albam bilong ol, Pasin Bilong Yu. Ol i bin mekim vidio klip bilong tupela singsing - Ase wanpela singsing tasol long albam long tok ples Arowe na singsing Come Back.

Bihain long dispela tupela musik klip i kamap long TV, Ase i stap namba wan inap 9-pela wik olgeta na Come Back i bihainim tasol wantaim tripela wik long namba wan.

Yumi FM i bin tokaut long nem na musik bilong ol na i no long taim Ase i kamap insait



Ol mangi Leftovers.

long top 10 inap 12-pela wik olgeta.

Dispela em i wanpela bikpela wok kamap bilong dispela grup husat em ol i namba wan musik grup long kam long dispela ples.

Ol mangi bilong Leftovers i bin amamas tru olsem wanpela singsing bilong ol i bin stap long Top 100 Kaundaun long 2005.

"Mipela i amamas tru long nupela strong bilong musik bilong mipela long wanem mipela wanpela nupela grup tasol," gitaman bilong ol Allan Tom Posai i tokim Glasim Musik.

"Dispela i givim mipela bilip olsem mipela i gat strong bilong mekim nem bilong ben bilong mipela na ol pipel long bilong mipela long ples."

Allan na ol arapela mangi i bin kamapainim mi long haus long Boksing De las yia long givim mi long stori bilong ol.

Taim ol i wokabout i kam insait long banis stret, ol liklik pikinini i luksave long ol long ol musik klip i save kamap long CHM Vidio Hits.

Namba wan albam bilong ol Leftovers em ol i singsing long tok ples Kuanua na Doutor. Wanpela liklik tok ples ol bus pipel bilong Kandrien i save toktok.

"Wanpela tumbuna singsing tasol, Ase, em i wanpela long ol strongpela singsing bilong mipela na em i wanpela gutpela singsing tru," Posai i tok. "em i wanpela miks we i stori long Arowe Sia, wanpela tumbuna we ol i kilim planti pik na kukim."

Bai gat moa tumbuna singsing

Posai i tok ben i gat bilip long 4-pela singsing we bai ol i karim dispela albam. Singsing Ase em vokalis Junia Mato, husat i bin raitim tok inglis singsing Come Back. Em i singsing tu long Meri Wantok na taitol trek Pasin Bilong Yu.

"Mipela i save olsem tumbuna musik bilong mipela i nogat planti long albam tasol mipela i raitim pinis planti nupela singsing long tok ples Arowe na senisim planti ol tumbuna singsing we bai i stap long namba tu albam bilong mipela," Allen Posai i tok.

"Planti long ol singsing long dispela namba wan albam em ol sotpela hap toktok tasol. Nau mipela i wok hat tru long pulim ol i go longpela long kamapim wanpela 10 singsing albam."

Leftovers i raitim tu wanpela singsing ol i kolim Gutsomi long tok ples Buka, tasol Junia Mato i tok i no wankain olsem dispela biknem Gutsomi singsing bilong Trouble Zone na Niuage Ben.

"Em i wanpela singsing mi bin raitim wantaim wanpela Buka poroman bilong mi taim mipela i bin skul long Pot Mosbi Bisnis Koles sampela yia i go pinis long wanpela pren meri long Arawa wanpela tri ten yia i go pinis," Mato i tok.

Ol memba bilong dispela nupela ben em Junia Mato, 22 krismas, husat em i lit singa, songrait, lit gitaman na Kibotis.

Bes gita man em Michael Mato. Em nau Allan Posai husat em i mausman bilong ben.

Absolom Fraki Fuka em i repa bilong ol na em i tok em i bilip em bai gat bikpela moa sans long soim stail bilong em. Romie Mio, 23 krismas, i save pilai ridim na Junia Ramaliu i bosim drams.

Albam waipaut

Allan i tok taim albam bilong ol i bin kamap long Kimbe taun, em i pinis nating tru.

"Wankain samting i kamap long Lae na Rabaul tu. Ol lain Wes Nu Briten husat i no kisim wanpela kopi i bin kisim balus raun long painim."

Posai i tok kaset sels bilong Leftovers i bin bihainim top 10 bihain long de em i kamaut na ben i laik wet liklik taim pastaim bipo ol i rekotim namba tu albam bilong ol.

Em i tok strong bilong ol i stap long wan wan memba bilong ben.

"Strongim yu yet, strongim bilip long yu yet na larim musik i toktok. Em i strong bilong mipela na Leftovers bai kamap bikpela moa yet long namba tu albam bilong em."

Patti Doi, husat i bin rekodim ol vokels bilong ol mangi i tok em i givim planti skul na stia tok long Junia Mato long singsing, na em i amamas tru long nek bilong em.

Em i tok ol bai kamap wanpela biknem grup long bihain taim sapos ol i strongim save bilong ol i go moa yet.

Rot bilong sanapim Asosiesen

I kam long las wik:

TOKTOK bilong sanapim wanpela musik asosiesen bilong PNG yet long banisim ol musik atis i go het yet long dispela wik na bai pinis wantaim tingting bilong Oala Moi.

"Olgeta rekot lebol, bikpela o liklik, i save mekim wok bilong musik pablisa," Oala i tok. "Olsem, em i save glasim ol singsing na bihain em i save rekodim, yusim kopirait na lukautim dispela kopirait. Tasol em i no save kisim winmoni o pe long ol laip musik pilai, sinkronaisesen na printing bilong ol dispela singsing long wanem em bai no inap stret sapos em i sanap makim

musik bilong em yet, long wanem em i mekim wok bilong musik atis na musik pablisa wantaim."

Moi i strong yet olsem musik em i samting i kam long tingting bilong man i raitim, olsem ol arapela saplaia insait long maket ples, em i mas kisim pe long hatwok bilong em olgeta taim ol arapela lain olsem rekot lebol o studio i yusim musik bilong em.

"Samting i save go krangi liklik taim ol lain i yusim dispela musik o singsing em ol papa bilong samting ya na em i hat long yusim ol singsing na kisim winmoni long ol bikos bai yu

mas baim takis yu yet," Moi i tok.

Ol musik kontrak bilong sampela studio i save kisim laisensing bilong riprodaksen raits bilong husat man i raitim na ol dispela studio i no inap kisim mekimsave sapos ol lain i laik kotim ol.

Ol dispela rekoding kontrak i ken bagaraim sanapim bilong wanpela independen musik pablising indastri. Mipela i lukim dispela olsem wanpela samting i pasim rot bilong kisim royalti. I no bilong mekim ol CD, kaset na ol arapela pri rekotet keria, tasol ol laip musik pilai konset na tu pilaim long radio, TV na ol pab-

****Yu ken ritim ol stori bilong Musik olgeta Mande insait tasol long The National**

TV GAID

EM TV

FONDE 12 JANUERI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
KIDS KONA
2.30PM G JAY JAY THE JET
3.00PM G PLANE
3.30PM G MACDONALD'S FARM
4.00PM G H-S
4.30PM G BUSH BEAT
5.00PM G Y
5.00PM G HOT SOURCE
5.27PM G EMTV TOK SAVE
5.30PM G THE OUTRIDERS
6.00PM G NATIONAL EMTV NEWS
6.30PM G THE PRICE IS RIGHT
6.59PM G NEWS UPDATE IN TOK PISIN
7.00PM G CHIM SUPER SOUND
7.57PM G EMTV TOK SAVE
8.00AM PG THE APPRENTICE
9.00PM G THIS IS YOUR LIFE
10.00PM M RUBY WAX with Ben Stiller
10.30PM G EMTV NEWS
11.00PM PG LEGEND OF THE HIDDEN CITY
MIDNIGHT EMTV PRIME TIME LINE UP

FRANDE 13 JANUERI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
1.00PM G ONE DAY SERIES
Australia v Sri Lanka, from the MCG.
5.00PM G THE CRICKET SHOW
5.30PM G AUSTRALIA v SRI LANKA
6.00PM G NATIONAL EMTV NEWS
6.30PM G THE PRICE IS RIGHT
6.59PM G NEWS UPDATE IN TOK PISIN
7.00PM G AUSTRALIA v SRI LANKA
8.57PM G EMTV TOK SAVE with KEVIN MADD
9.00PM PG KING OF QUEENS
9.30PM M FRIDAY NIGHT MOVIE: ULTIMATE FORCE
new series (2002)
Action/War/Drama - Follows the exploits of Sergeant Hemo Garvie and his colleagues who make up Red Troop, a crack SAS team. Stopping the release of a lethal anthrax mutation, infiltrating an anti-capitalist group set on assassination and a life-or-death bank siege are among the missions facing the troopers as they put their lives on the line at the sharp end of Britain's most elite fighting force. Stars: Jamie Draven, Ross Kemp, Tony Curran, Danny Sapani.
11.30PM G EMTV NEWS
MIDNIGHT EMTV PRIME TIME LINE UP

SARERE 14 JANUERI, 2006

8.00AM G PLANET FANTA
9.30AM G GOODSPOOTS
10.00AM PG SO FRESH
11.30AM G WORLD OF WILDLIFE
12.00PM G WORLD OF WILDLIFE
12.30PM G WORLD OF WILDLIFE
1.00PM G EMTV WIDE WORLD OF SPORT
4.00PM G THE CAR SHOW
4.30PM G THE BOAT SHOW
5.00PM G ESCAPE WITH ET
5.30PM G FISHING
6.00PM G AUSTRALIA
6.30PM G NATIONAL EMTV NEWS
6.30PM G AUSTRALIA'S FUNNIEST HOME VIDEO SHOW
7.30PM G KING OF QUEENS
8.00PM G SOUTH PACIFIC MUSIC
8.57PM G EMTV TOK SAVE (TBA)
9.00PM M WALKER TEXAS RANGER
11.00PM G EMTV NEWS
11.30PM PG AIRLINE
MIDNIGHT EMTV PRIME TIME LINE UP

SANDE 15 JANUERI, 2006

7.56AM **STATION OPEN**
7.57AM G EMTV TOK SAVE
8.00AM G SMALL SCALE MINING (English)
8.30AM G LUKUK MINING (Pidgin)
9.30AM G WORLD OF WILDLIFE
10.00AM G WILD HORSES
11.00AM G TOUCHED BY AN ANGEL
12.00PM G 7TH HEAVEN: "Chance Are"
1.00PM G ONE DAY SERIES
Australia v South Africa, from the Gabba
5.00PM G THE CRICKET SHOW
5.30PM G AUSTRALIA v SOUTH AFRICA
6.00PM G NATIONAL EMTV NEWS

6.30PM G AUSTRALIA v SOUTH AFRICA continues.....
9.00PM M SUNDAY NIGHT MOVIE: THE LAST CASTLE (2001) Action/Drama/Thriller - when three star General Irwin is transferred to a maximum security military prison, its warden, Colonel Winter, can't hide his admiration towards the highly decorated and experienced soldier. Stars: Robert Redford, James Gandolfini, Mark Ruffalo.
11.00PM G EMTV NEWS
11.30PM G PRAISE
00.30AM EMTV PRIME TIME LINE UP

MANDE 16 JANUERI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
KIDS KONA
2.30PM G JAY JAY THE JET
3.00PM G PLANE
3.30PM G NEW MAC DONALD'S FARM
4.00PM G H-S
4.30PM G BUSH BEAT
5.00PM G Y
5.00PM G EMTV TOK SAVE
5.27PM G THE OUTRIDERS
5.29PM G EMTV NEWS
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G PRAISE
7.00PM G TOK PIKSA MONDAY EDITION
8.27PM G EMTV TOK SAVE
8.30PM PG JAG: "Miracles"
9.30PM M C.S.I. MIAMI
"Cop Killer"
10.30pm G EMTV NEWS
11.00PM G CHIM SUPER SOUND
12.00PM EMTV PRIME TIME LINE UP

TUNDE 17 JANUERI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
1.00PM G ONE DAY SERIES
SRI LANKA v SOUTH AFRICA
Live from The Gabba, Brisbane.
4.57PM G EMTV TOK SAVE
5.00PM G THE PRICE IS RIGHT
5.29PM G EMTV NEWS
5.30PM G SRI LANKA v SOUTH AFRICA
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SRI LANKA v SOUTH AFRICA
8.57PM G EMTV TOK SAVE
9.00PM PG NANNY 911
10.00PM M COLD SQUAD
11.00PM G EMTV NEWS
11.30PM M C.S.I. "Primum Non Nocere..."
00.30AM EMTV PRIME TIME LINE UP

TRINDE 18 JANUERI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
KIDS KONA
2.30PM G JAY JAY THE JET
3.00PM G PLANE
3.30PM G NEW MAC DONALD'S FARM
4.00PM G H-S
4.30PM G BUSH BEAT
5.00PM G Y
5.00PM G EMTV TOK SAVE
5.27PM G THE OUTRIDERS
5.29PM G EMTV NEWS
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SRI LANKA v SOUTH AFRICA
8.57PM G EMTV TOK SAVE
9.00PM PG NANNY 911
10.00PM M COLD SQUAD
11.00PM G EMTV NEWS
11.30PM M C.S.I. "Primum Non Nocere..."
00.30AM EMTV PRIME TIME LINE UP

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
KIDS KONA
2.30PM G JAY JAY THE JET
3.00PM G PLANE
3.30PM G NEW MAC DONALD'S FARM
4.00PM G H-S
4.30PM G BUSH BEAT
5.00PM G Y
5.00PM G EMTV TOK SAVE
5.27PM G THE OUTRIDERS
5.29PM G EMTV NEWS
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SRI LANKA v SOUTH AFRICA
8.57PM G EMTV TOK SAVE
9.00PM PG NANNY 911
10.00PM M COLD SQUAD
11.00PM G EMTV NEWS
11.30PM M C.S.I. "Primum Non Nocere..."
00.30AM EMTV PRIME TIME LINE UP

TRINDE 18 JANUERI, 2006

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
KIDS KONA
2.30PM G JAY JAY THE JET
3.00PM G PLANE
3.30PM G NEW MAC DONALD'S FARM
4.00PM G H-S
4.30PM G BUSH BEAT
5.00PM G Y
5.00PM G EMTV TOK SAVE
5.27PM G THE OUTRIDERS
5.29PM G EMTV NEWS
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SRI LANKA v SOUTH AFRICA
8.57PM G EMTV TOK SAVE
9.00PM PG NANNY 911
10.00PM M COLD SQUAD
11.00PM G EMTV NEWS
11.30PM M C.S.I. "Primum Non Nocere..."
00.30AM EMTV PRIME TIME LINE UP

5.27AM STATION OPEN
5.30AM G JOYCE MEYER
6.00AM G TODAY
9.00AM G MALOLO CLUB
11.00AM G CREFFLO DOLLAR
11.30AM EMTV PRIME TIME LINE UP
KIDS KONA
2.30PM G JAY JAY THE JET
3.00PM G PLANE
3.30PM G NEW MAC DONALD'S FARM
4.00PM G H-S
4.30PM G BUSH BEAT
5.00PM G Y
5.00PM G EMTV TOK SAVE
5.27PM G THE OUTRIDERS
5.29PM G EMTV NEWS
5.30PM G THE PRICE IS RIGHT
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SRI LANKA v SOUTH AFRICA
8.57PM G EMTV TOK SAVE
9.00PM PG NANNY 911
10.00PM M COLD SQUAD
11.00PM G EMTV NEWS
11.30PM M C.S.I. "Primum Non Nocere..."
00.30AM EMTV PRIME TIME LINE UP

Raun wantaim Kanage olgeta wik

KANAGE EM WARI TRU LONG SIR WILLIAM I DAI NA EM GO LONG EAPOT LONG LUKIM BODI BILONG EM... TASOL PLES I PAS TRU LONG MAN MERI...



NAU EM STAT LONG KRAI NA TANIM TANIM LONG GRAUN... SOB! SOB! SOB! SNIFF!



NAU OL MAN MERI I KLIAM ROT BILONG KANAGE NA EM GO INSAIT LONG TEMINOL...



SNIFF! TENKIU TRU... (SOB!) YUPELA EM TRU TRU GRASRITS PIPEL... (SNIFF!)

YUMI FM NATIONAL WEEKLY HITPARADE JANUERI 14/01/06

Singsing	Musik Atis	Dispela Wik
Maten Kandiek	Twin Hoks of Kavieng	1
Ramandu Beach	Off Cuts	2
Queen 4 Lane	Leonard ft Anslom	3
Tavue	Off Cuts ft Patti Doi	4
Eitul na hinasik	Off Cuts	5
Spent All My Life	Triple J	6
Lavili Fes Biutiful Bodi	Stranded	7
Marty Sirisiri	Seikalui	8
Living On A Prayer	Troublezone ft Sasha	9
Daba	Litol Rastas	10
Bapian	Troublezone	11
Ngo Oei Nei	Paeva	12
Mi Nao	Sharzy	13
Action Pondo	Felix Yausi	14
Keliu Ngala	Saba	15
Rosie Marara	Sharzy	16
Skul Mangi	Gedix	17
Longlong Man	Songkexz	18
Sorpendeng	Twin Hox of Kavieng	19
Uve Gema	Saba	20

CATHOLIC RADIO 103.5 FM

6.00 - ANGELUS	8.05 - SUNDAY EUCHARIST (replay)
6.05 - MEDITATION/INSPIRATIONAL MUSIC	7.00 - HOLY ROSARY
7.00 - VATICAN RADIO WORLD NEWS	7.30 - CATHOLIC INSIGHT
7.15 - VATICAN ENGLISH PROGRAM	8.00 - VATICAN WORLD NEWS
7.35 - NON-STOP GOSPEL MUSIC	8.15 - VATICAN ENGLISH PROGRAM
8.00 - JOURNEY HOME (EWTN)	8.40 - IN THE LORD'S VINEYARD
9.00 - VATICAN RADIO WORLD NEWS	10.00 - NON-STOP GOSPEL MUSIC
9.15 - VATICAN ENGLISH PROGRAM	
9.40 - KIDS SING-ALONG	6.00 - ANGELUS
10.00 - CATHOLIC JUKEBOX	6.05 - MEDITATION / INSPIRATIONAL MUSIC
10.30 - GOSPEL MUSIC	7.00 - VATICAN WORLD NEWS
11.00 - NON-STOP GOSPEL MUSIC	7.15 - VATICAN ENGLISH PROGRAM
12.00 - ANGELUS	7.35 - NON-STOP MUSIC
12.05 - VATICAN WORLD NEWS	8.00 - BEST OF JOURNEY HOME
12.20 - VATICAN ENGLISH PROGRAM	9.00 - VATICAN ENGLISH PROGRAM
12.40 - REFLECTION MUSIC	9.15 - VATICAN ENGLISH PROGRAM
1.00 - LAMAR'S SUPPER WITH DR. SCHOTT HAHN	9.35 - KIDS SING ALONG
2.00 - MUSIC	10.00 - CATHOLIC JUKEBOX (EWTN)
3.00 - CHAPLET OF DIVINE MERCY	10.30 - NON-STOP GOSPEL MUSIC
3.20 - NON-STOP GOSPEL MUSIC	12.00 - ANGELUS
4.00 - CATHOLIC JUKEBOX (ENCORE)	12.05 - VATICAN WORLD NEWS
5.00 - NON-STOP GOSPEL MUSIC	12.20 - VATICAN ENGLISH PROGRAM
6.00 - JOURNEY HOME	12.40 - REFLECTION MUSIC
6.05 - ANGELUS	1.00 - MUSIC
6.10 - MADANG LOCAL NEWS	1.00 - THE WAY TO FOLLOW JESUS
6.15 - VATICAN ENGLISH PROGRAM	1.30 - GOSPEL MUSIC
6.30 - LAMAR'S SUPPER WITH DR. SCHOTT HAHN	3.00 - CHAPLET OF DIVINE MERCY
7.00 - HOLY ROSARY	3.20 - NON STOP GOSPEL MUSIC
7.30 - CATHOLIC INSIGHT	4.00 - CATHOLIC JUKEBOX (EWTN)
8.00 - VATICAN WORLD NEWS	4.30 - NON STOP GOSPEL MUSIC
8.15 - MADANG LOCAL NEWS	5.00 - MESSAGE IN MUSIC
8.30 - VATICAN ENGLISH PROGRAM	6.00 - ANGELUS
9.00 - TOK STREET LONG HVAIDS	6.05 - VATICAN ENGLISH PROGRAM
10.30 - VATICAN ENGLISH PROGRAM	6.30 - MANY FACES OF MARY
	7.00 - HOLY ROSARY
	7.30 - BENEDICTION
	8.00 - VATICAN WORLD NEWS
	8.15 - CRN LOCAL NEWS
	8.30 - VATICAN ENGLISH PROGRAM
	9.00 - BEST OF JOURNEY HOME
	10.00 - CATHOLIC JUKEBOX (EWTN)
	10.30 - VATICAN ENGLISH PROGRAM
	11.00 - NON-STOP GOSPEL MUSIC
	6.00 - ANGELUS
	6.05 - MEDITATION/INSPIRATIONAL MUSIC
	7.00 - VATICAN WORLD NEWS
	7.15 - VATICAN ENGLISH PROGRAM
	7.35 - NON STOP MUSIC
	8.00 - RADIO ST. JOSEPH PRESENTS
	9.00 - VATICAN RADIO WORLD NEWS
	9.15 - VATICAN ENGLISH PROGRAM
	9.40 - KIDS SING-ALONG
	10.00 - CATHOLIC JUKEBOX
	10.30 - GOSPEL MUSIC
	12.00 - ANGELUS
	12.05 - VATICAN WORLD NEWS
	12.20 - VATICAN ENGLISH PROGRAM
	12.40 - REFLECTION MUSIC
	1.00 - SUPER SAINTS
	1.30 - GOSPEL MUSIC
	3.00 - CHAPLET OF DIVINE MERCY
	3.20 - NON STOP GOSPEL MUSIC
	4.00 - CATHOLIC JUKEBOX
	4.30 - NON STOP GOSPEL MUSIC
	5.00 - RADIO ST. JOSEPH PRESENTS
	6.00 - ANGELUS
	6.05 - AITAP LOCAL NEWS
	6.10 - VATICAN ENGLISH PROGRAM
	6.30 - MOTHER OF REDEEMER
	7.00 - HOLY ROSARY
	7.30 - SUPER SAINTS
	8.00 - VATICAN WORLD NEWS
	8.15 - AITAP LOCAL NEWS
	8.20 - VATICAN ENGLISH PROGRAM
	9.00 - TOK STREET ABOUT HVAIDS WITH FR. JUDE (ENGLISH)
	10.00 - CATHOLIC JUKEBOX
	10.30 - VATICAN ENGLISH PROGRAM
	10.50 - NON-STOP GOSPEL MUSIC
	6.00 - ANGELUS
	6.05 - MEDITATION/INSPIRATIONAL MUSIC
	7.00 - VATICAN WORLD NEWS
	7.15 - VATICAN ENGLISH PROGRAM
	7.35 - NON-STOP GOSPEL MUSIC
	8.00 - SCRIPTURE MATTERS WITH DR. SCHOTT HAHN (EWTN)
	9.00 - VATICAN WORLD NEWS
	9.15 - VATICAN ENGLISH PROGRAM
	9.35 - KIDS SING ALONG
	10.00 - CATHOLIC JUKEBOX
	10.30 - NON-STOP GOSPEL MUSIC
	12.00 - ANGELUS
	12.05 - VATICAN WORLD NEWS
	12.20 - VATICAN ENGLISH PROGRAM
	12.40 - REFLECTION MUSIC
	1.00 - FIRST COMES LOVE. DR. SCHOTT HAHN (EWTN)
	1.30 - AFTERNOON GOSPEL MUSIC
	3.00 - CHAPLET OF DIVINE MERCY
	3.20 - NON-STOP GOSPEL MUSIC
	4.00 - CATHOLIC JUKEBOX
	4.30 - NON-STOP GOSPEL MUSIC
	5.00 - SCRIPTURE MATTERS
	6.00 - ANGELUS
	6.05 - VANIMO LOCAL NEWS
	6.10 - VATICAN ENGLISH PROGRAM
	6.30 - FATIMA, HEAVEN'S PEACE PLAN
	7.00 - HOLY ROSARY
	7.30 - DOCTORS OF THE CHURCH
	8.00 - VATICAN WORLD NEWS
	8.15 - VANIMO LOCAL NEWS
	8.20 - VATICAN ENGLISH PROGRAM
	9.00 - TOK STREET ABOUT HVAIDS WITH FR. JUDE
	10.00 - CATHOLIC JUKEBOX
	10.30 - VATICAN ENGLISH PROGRAM
	10.50 - NON-STOP GOSPEL MUSIC



Laikim Penpren

Nem: Lolo Kawas
Krismas: 23 (meri)
Adres: C/- Maggie Kawas, Madang General Hospital, PO Box 2119, Madang
 Save laikim: Lukim kriket long TV, go lotu na wokim gaden.

Nem: Sanduk Ben
Krismas: 18 (meri)
Adres: C/- Ben Wall, Beon CS, PO Box 114, Madang
 Save laikim: Go soping, go lotu, na raun wantaim ol pren.

Nem: Basae Ruben
Krismas: 20 (man)
Adres: C/- PO Box 4482, Lae, Morobe Province
 Save laikim: Pita gita, pilai soka, ritim buk na raitim pas.

Nem: Eddith N. Singgawa
Krismas: 16 (meri)
Adres: C/- PO Box 65, Madang
 Save laikim: Pilai spot, tok pilai na ritim pepa.

Nem: Giwi Imesoh
Krismas: 18 (man)
Adres: PO Box 397, Eriku, Lae, Morobe Province
 Save laikim: Harim tokel musik, mitim ol prens, serim tingting, tok pilai na stadi.

Nem: Timothy Tapari
Krismas: 16 (man)
Adres: Sassoya Catholic Mission, PO Box 682, Wewak, ESP
 Save laikim: harim musik, pilai gita na go long skul.

Nem: Patrick Komai
Krismas: 18 (man)
Adres: Purari Logging Camp, PO Box 102, Port Moresby, NCD
 Save laikim: Pilai tas ragbi, painim abus long bus, singsing na harim gospel musik.

Nem: Jerry Kamtim
Krismas: 16 (man)
Adres: Budum Village, PO Box 2003, Madang
 Save laikim: Harim musik, go long lotu, bungim nupela pren.

Nem: Anitha Koka
Krismas: 22 (meri)
Adres: EBC Barabundora/Norikori, Private Mail Bag No. 2, Kainantu, EHP
 Save laikim: Pilai basketbol, soka, tok pilai, wok gaden, raitim pas na senisim presen.

Nem: Sangz Loup
Krismas: 20 (man)
Adres: PO Box 2905, Lae, Morobe Province
 Save laikim: Pilai soka, volibol, waswas long solwara, harim musik na raun wantaim ol manki.

Nem: Lawrence Yantex Ekore
Krismas: 21 (man)
Adres: Purari Logging Operations, PO Box 102, Port Moresby, NCD
 Save laikim: Harim Supa saun, lukim muvi, wok gaden, tok pilai, pilai soka, basketbol, volibol na ragbi.



STORI TUMBUNA

BIPO tru, i gat wanpela man i stap bilong em yet. Nem bilong en em Manihia. Na wanpela taim em i kisim spia bilong em na i go wok-about long bus.

Taim em i go, em i no lukim

wanpela traipela snek i hait gut i stap antap long diwai arere long rot. Trangu man ya Manihia em i no lukim dispela snek tasol em i wokabout i go stret long dispela snek. Na snek ya i smelim em, i wetim

em i stap na i putim nek bilong em i kam daun klostu liklik long rot na i redi tru long kaikai dispela man.

Taim Manihia i kamap, dispela snek i apim em kwiktai tru na daunim em long bel

bilong em. Tasol trangu Manihia em i no indai. Em i stap orait tasol insait long bel bilong snek.

Snek ya i ting olsem man ya i mas dai pinis. Orait em i stap liklik taim tasol na em (snek) i trautim bek dispela man Manihia i go aut long graun.

Em i go long bus long painim wel taro bilong mekim nek bilong em i wel.

Taim snek i go mekim ol dispela samting i stap, Manihia i opim ai bilong em nau na tingting bilong em i kam bek. Olsem na em i save olsem pastaim snek i bin daunim em. Na em i ting, atling mi mas go long ples na tokim ol pipel i kam na bai mipela i kilim dispela snek. Taim Manihia i redi long go ya, nogat dispela traipela snek ya i kambek kwiktai tru.

Trangu Manihia i no inap nau long ranawe. Olsem na em i kisim wanpela bikpela na longpela hap diwai. Taim snek i opim maus bilong daunim Manihia, kwiktai tru Manihia i sanapim stret dispela diwai namel long maus bilong dispela snek. Orait dispela snek ya i no inap tru long opim maus o pasim maus. Long wanem dispela man Manihia i bin putim diwai namel long maus bilong snek. Olsem na snek ya i no inap long kaikai o dring olsem na em i stap na indai.

Olsem tasol nau sapos yu go long hap bilong Yangoru, bai yu lukim olsem olgeta pos bilong haus i save sanap stret namel long haus. Na tupela sait bilong haus i save go na i tasim graun.



Mi wari nogut man lusim mi

Dia Laipain

Mi na man bilong mi i bin amamas long marit bilong mitupela. Mitupela i bin amamas tru taim mi karim pikinini bilong mitupela long las yia.

Sikspela mun i go pinis, man bilong mi i lusim wok bilong em na nau mi lukim olsem em i wok long senis. Em i no save stap long haus long san taim. Em i save kam bek leit nogut tru long nait long bik moning stret bilong narapela de.

Mi painim olsem em i givim bel long narapela meri. Em i tok olsem em i no laik maritim dispela meri na em i no laik long divosim o mitupela i brukim marit.

Mi pret nogut em i lusim mipela na i go long narapela meri. Bai mi mekim wanem?

REJECTED

Dia Pren

Mipela i sori long samting i wok long kamap long yu nau.

Plantai taim ol man i save lusim wok, ol i save sem olsem



ol i no inap long sapotim famili bilong ol. Nogut man bilong yu i wok long pilim olsem na nogut dispela em i wanpela as we i mekim na em i no save stap long haus tumas.

Tasol mipela i no save tu olsem dispela toktok bai daunim wari bilong yu we man bilong yu i wok long lukim narapela meri husat i gat bel long em nau. Dispela bikpela wari i stap wantaim yu nau tasol yu no laik lusim man bilong yu na yu laikim helpim bilong mipela long helpim marit bilong yutupela.

Long yutupela long mekim nupela na gutpela stat gen long marit bilong yutupela, i gat planti samting i stap we yutupela man bilong yu i mas stretim pastaim.

Man bilong yu i tok em i no laik divosim yu o maritim dispela meri. Tasol yu no tokim mipela olsem em i lusim dispela narapela meri yet. Yu yet i gat dispela tingting olsem man bilong yu i wok long lukim dispela meri yet?

Sapos man bilong yu i no moa lukim dispela meri, i gat askim yert i stap long risponsibiliti o wok bilong em long pikinini bilong dispela meri bai karim. Man bilong yu i toktok pinis wantaim yu long dispela samting? Yutupela toktok pinis long hau bai dispela i kamapim hevi long man bilong yu na pikinini bilong yutupela tu?

Em i no isipela samting long ol marit i nogat tras o luksave long wanpela arapela na ol i sem i stap. I mas gat luksave na pasin bilong no haitim samting na wok bung wantaim insait long marit. Long yutupela i gat dispela kain samting long marit bilong yutupela, yutupela i mas pogivim o lusim tingting long ol rong bilong wanpela arapela pastaim.

Inap long yu na man bilong yu i toktok wantaim wanpela man o meri husat i gat gutpela tingting, luksave na em i save long yu?

Laipain

Sapos yu gat wari o hevi, rait i kam long Lifeline, P O Box 6047, Boroko, NCD.

Yu ken ringim mipela tu long telipon namba 3260011.

Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laipain



Bisnis bilong Groim Diwai insait long PNG
- Planim diwai long ol renfores eria

Rot bilong groim ol spisis diwai i save groa insait long PNG

Azadirachta indica (neem)

Nem bilong en: neem

Ples diwai i kam long en:
Saut na Sautis Esia

Wanem kain diwai:

Longpela bilong em taim em i bikpela i go namel long 15-20 mita. Bikpela bilong em long namel taim em i bikpela i ken go inap 100cm. Diwai bilong em i gat bol inap long 2-5 mita. Em i ken groa namel long ol arapela diwai. Groa bilong em i ken go inap long 5-11 mita insait long 8-pela yia tasol.

Ples we em i save groa:

Em i save groa long ol ples i gat namel long 450 na 1500 milimita ren. Ples hot na kol we em i save laik groa long en em namel lon 9 na 35 digri sentigred. Em i save groa namel long 0 na 1500 mita antap long solwara. Em i ker strong long taim i gat namel long 7 na 8 mun ples drai. Em i save groa gut long ol kain kain graun. Em i no save laikim ol graun i gat planti wara tumas o graun i gat planti wesin long en na i gat planti han wara i ron aninit long graun.

Strong bilong em:

Em i gutpela long groim olsem banis long strongpela win, ren, bilong givim bek gris lon graun na kisim bek graun long ples i gat planti wara long en. Diwai bilong em i gutpela long raunim ol binatang na i gutpela long mekim haus, ol sia na tebol, mekim pepa na paiauw. Olgeta hap bilong dispela diwai em yu ken yusim. Ol sid o pikinini diwai na lip em yu ken mekim gutpela marasin bilong kilim ol kain kain binatang olsem mosquito. Em i gat strong long groa long kain kain graun nogut na ples we i hot na i drai.

Birua bilong em:


Ol sid o pikinini diwai bilong em i ken bagarap long paia na lusim strong bilong em hariap.

MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"



Lip na plaua bilong neem diwai.

Ol prodak na karim bilong en:

Ol diwai prodak bilong em olsem paiauw na timba. Ol diwai i gat 8-pela krismas i ken mekim namel long 108 na 137 kubik mita long wan wan hekta, maski ol diwai bilong em i ken daun liklik long ol ples we i nogat planti wara long graun. Ol lip bilong em i gutpela marasin. Ol sid i ken kamapim ol marasin bilong kilim ol binatang. Tasol wel bilong em i no gutpela long kaikai. Yu ken kaikaim ol kru bilong em olsem kumu.

Rot bilong groim: Dispela diwai i save groa long ol sidling. Yu mas planim ol sidling bihain long 3 o 4-pela mun na longpela bilong pikinini diwai inap long 50cm. Yu mas rausim ol gras nogut long namba wan sisen long em i groa.

Sid tritmen:

Yu mas rausim skin bilong sid pastaim long yu planim long graun. Yu ken groim ol sid insait long ol neseri pot.

Menesmen:

Bilong kisim piul wut long ol plantesen, yu mas groim diwai we i gat 2.5 mita namel long ol na katim olgeta 5-pela yia. Rotesen bilong piul wut em namel long 8 na 10-pela yia na long kisim timba, namel long 15 na 30 yia.

Agro forestry Wok:

Ol i save planim dispela diwai bilong banis long win (4 x 2m spes namel) o i ken groa em yet. Planti taim ol i save groim insait long ples kol.

Straik long Pogera Gol Main

OL WOKMAN long Pogera Gol Main insait long Enga provins i bin statim wanpela straik bihain long ol i harim olsem wanpela kampani nem bilong em Barrick Gold Corporation i laik baim Placer Dome, kampani i bosim wok long main.

Menesmen bilong main i bin tok klia olsem ol wokman bilong main i bin paul liklik long pasin

bilong senisim kampani i bosim ol wok bisnis na ol i kros long Placer Dome i laik lusim main na go nating.

Tasol menesmen i bin tokim ol wokman olsem i nogat wanpela plen i stap long senisim wok bilong Pogera Join Vensa na olgeta kontrak i stap nau, ol winmoni bilong ol, ol agrimen na ol arapela wok bisnis long sait bilong ol wok manmeri aninit long

Pogera Join Vensa i stap yet.

PJV menesmen i tokaut tu olsem dispela straik i no inap bagarapim wok bilong kampani, maski Barrick i tekova long lukautim main.

Ol i no tok klia long mak bilong dispela bisnis tekova i stap long en, na i nogat tok klia long wanem taim tru bai ol wokmanmeri i statim bek wok.

Papagraun laikim tok klia long Maunten Kare wok

OL PAPAGRAUN bilong Maunten Kare Gol projek i wok long askim long tok klia long mak bilong wok i kamap pinis long hap aninit long lukaut bilong kampani Madison Enterprises.

Ol i tok dispela kampani i stap mekim wok longpela taim tru na ol i no kisim wanpela tok-save o tok klia long mak bilong wok kampani i mekim.

Muniah Ker, wanpela Dairekta bilong Mt Kare Investmen Limited, bisnis bilong ol papagraun yet i bin autim wari bilong ol papagraun olsem ol i laikim bai Madison Enterprises i givim bek ol aluviel laisens bai wanpela arapela kampani ol i laikim bai i mas mekim wok bai i ken kam insait.

Madison Enterprises em i bin mekim wok drilling long Maun Kare longpela taim tumas pinis. Mipela papagraun bilong Maun Kare Gold



MAKIM MAUS: Muniah Ker, wanpela Dairekta bilong Mt Kare Investment Ltd i tok ol papagraun bilong Maun Kare eria i laikim tok klia na stretpela wok i go het.

i laik save hamas mita ol i dikim pinis na wanem mak bilong gol i stap long en bipo Buffalo kampnai i kam insait gen," Mista Ker i tok.

Em i tok tu olsem ol papagraun i no kisim gutpela luksave i kam long ol kampani aninit long ol agrimen ol i mekim.

Mista Ker i tok hevi

bilong o papagraun em ol i no kisim gutpela luksave na ol i les long larim ol kampani i kam mekim wok painim gol long hap.

"Buffalo kampani bai wet pastaim bikos i nogat wanpela gutpela kaikai kamap long Maun Kare Gol projek. Madison Kampani bai no inap givim 1093 aluviel laisens i go long

Buffalo kampani. I gat planti hevi i stap," Ker i tok.

Mista Ker i tok planti arapela hap we i gat main em hevi i kamap pinis bikos i nogat gutpela luksave long ol papagraun pastaim long agrimen i kamap o wok i go het.


Em i singaut long tupela kampani ya, Buffalo na Madison long sainim o mekim agrimen o tok wanbel long ai bilong olgeta klen o pisin bilong Maun Kare eria.

Ol dispela klen bilong ol Maun Kare eria em Komaip, Puiwake, Irapuli, Alia, Tarali, Asaka Tandak, Liyumo, Kiwai, Kalane Malip, Yap, Pandai, Ulape, Andape, Turwana, Pirikope, Pipine, Manape, Lak na Yula.

Mista Ker i tok olgeta dispela papagraun i laikim bai ol i mas stap na lukim dispela agrimen pastaim long tupela kampani i wok bung long kamapim wok long painim gol.

Cat® D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat® "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



Product People Commitment.

We deliver.



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



TOK PISIN NEWS

from Radio Australia

radioaustralia.net.au

Haria TOK PISIN long
Radio Australia
101.9FM
Port Moresby

Tok Pisin Service

6am - 7am

5995; 8020; 9710; 12801KHZ

PACIFIC BEAT

Sl i mas i gat strongpela lo bilong daunim drak

WANPELA komyu- long mariwana na ti wokmeri long bus ples. ol yangpela. stretim dispela hevi. yis i kam insait long
niti lida long hom bru ol i save Westen provins i tok Em i tok em i wok Mis Rado i bin askim I no long taim i go Solomon Ailans, long
Solomon Ailans i tok kolim Kwaso. mariwana na kwaso i long kamapim kain gavman na ol bikman pinis, Palamen i bin wanem ol i save yusim
long i mas i gat Lavunia Rado, wan- wok long kamap kain hevi insait long long ples, ol sief na ol askim long skelim na dispela yis long mekim
strongpela kontrol pela sosol na komyuni- bikpela insait long ol komyuniti namel long lida bilong sios long daunim baim na karim kwaso.



NATIONAL PROJECT COORDINATOR

Applications are invited from qualified persons (PNG citizen) for the above position. Female candidates are encouraged to apply.

BACKGROUND:

The purpose of the Strengthening Aid Coordination and Management Capacities Project is to build the organizational and management/staff capabilities and functions of the Aid Coordination and Management Division (ACMD) of the Department for National Planning and Rural Development (DNPRD) so that the Government of Papua New Guinea has a working, transparent and effective aid coordination, management and delivery system. Such strengthening will help PNG attract foreign assistance, use foreign assistance it is already receiving including increasing absorption as well as effectiveness, and assist in addressing key development objectives. The project will concentrate on strengthening capacity by 1) developing the procedures and processes of the ACMD; 2) helping develop and/or strengthen relationships between ACMD and other DNPRD divisions, other ministries and agencies especially the Department of Treasury, and donors; 3) building human resources through basic skill upgrading, role specific training and on-the-job training; and establishing and using a Grant Management Database and strengthening information networks.

DUTIES AND RESPONSIBILITIES:

The Project Coordinator will be responsible for the day-to-day management and coordination of the Strengthening Aid Coordination and Management Capacities Project including its sub-programs and components under the direct guidance and supervision of the CTA. The specific duties and responsibilities during the assignment will include, but not be limited to, the following:

- Organize and coordinate overall project activities
- Take responsibility for logistics and financial management of project activities
- Review relevant documents and research prepared leading up to the project to include Project Document Outline (April, 2005).
- Assist in the preparation of aid management and coordination processes and procedures in line with the Aid Coordination and Management Division's (ACMD's) functions.
- Contribute to the establishment of the outline and facilitate the preparation of an Annual Aid Management Report
- With the CTA, ACMD and other DNPRD units, conduct a 'gap' analysis matching PNG's priority development objectives as stated in the Medium Term Development Strategy with ongoing and planned foreign assistance projects and programs. From the analysis, with ACMD management and staff, develop an Aid Strategy to present and discuss with donors to seek support or project/program refinement.
- Work with the CTA and ACMD to develop and implement day-to-day work procedures. With ACMD staff and other team members, prepare a straightforward Operations Manual with the procedures, forms outlines necessary for ACMD to implement its functions.
- Work with the CTA and ACMD in developing working relationships and day-to-day linkages with other DNPRD units, other government agencies, notably the Departments of Treasury and Finance, and donors.
- With the CTA and ACMD and the Project Steering and Advisory Committee, develop a format and schedule for at least one annual donor-government meeting and at least 4 sector meetings during the time of the project.
- Assist the CTA and Project Steering and Advisory Committee in developing an overseas study tour for senior officials to view other country aid modalities, management and use.
- With other advisors, ACMD, and Financial Information Management System Advisors, prepare a program/project template to collect data for a Grant Management System. Work with ACMD management and staff to prepare report schedules and outlines to including the Annual Aid Management Report, specific donor and sector reports, and quarterly performance reports.

QUALIFICATIONS & EXPERIENCE:

- Advanced degree in public administration, governance, institutional management or related field;
- Must have over 7 years experience in government with practical experience in foreign aid coordination and management;
- Be proactive and have the ability to discuss openly with all senior officers from the DNPRD, and the Departments of Treasury and Finance;
- Analytical judgment, results-orientation and efficiency in a multi-tasking environment;
- Capacity to perform effectively under pressure;
- Good inter-personal and teamwork skills, networking aptitude, ability to work in multi-cultural environment;
- Full working knowledge of English, including excellent drafting and presentation skills;
- Proven ability to supervise and manage teams and manage diverse and complex tasks; and
- Excellent computer skills (key MS Applications) and ability to use information technology as a tool and resource.

For full Job Description and copy of Personal History form (P.11), please contact UNDP Office on telephone: 675-3212877 or email: registry.pg@undp.org or visit our website: www.undp.org.pg/vacancies.htm to obtain a copy.

Only those who meet above criteria should apply. Written applications with CV and three references together with completed Personal History Form (P.11) should be submitted no later than 31 January 2006 to:

The Resident Representative
United Nations Development Programme
P O Box 1041, Port Moresby
Fax No: 675-3211224, Email: registry.pg@undp.org

Only the short listed candidates will be notified.

Papua Niugini kirapim pinis wanpela klinik bilong ol manmeri i pat

OL i kirapim pinis wanpela klinik long Pot Mosbi, biksiti bilong Papua Niugini bilong helpim ol pipel long lusim skin.

Moushmi Singh, menesa bilong Lifespring-Weight Loss Klinik, i tok dispela klinik i namba wan long dispela kain klinik long kamap long Papua Niugini.

Misis Singh i tok dispela klinik bai helpim ol pipel i pat tumas long lukautim skin bilong ol na helpim ol long daunim hevi bilong skin bilong ol.

Tasol Misis Sing i no bin tokaut moa long hamas bai ol i sasim ol pipel long en, na i gat tingting bilong kirapim narapela kain klinik long Lae.

Polis long Spain holim pasim 20 saspek teroris

POLIS long kantri Spain i holim pasim pinis 20 pipel ol i ting i save wok bung wantaim ol teroris insait long ol reid ol i bin wokim long ol kain kain hap long kantri.

Interia Minista Jose Antonio Alonso i bin tok, sampela long ol pipel i bin stap insait long wanpela grup em i bin kilim 28 pipel insait long wanpela pait long Irak long mun Novemba 2003.

Em i bin tok, 15 long ol em ol i bin holim pasim ol, i kam long Morocco.

Ol dispela holim pasim i bin bihainim ol intelijens ripot ol i bin wokim long ol na ol i ting ol i memba long ol redikel Moroccan grup i wok i stap insait long Algeria, Irak, Moroko, Beljium na Frans.

Nau yet 40 pipel ol i ting i bin bomim wanpela trein long Mas 2004 long Madrid, bai ol i sasim ol long mun bihain long kot sampela taim long dispela yia.

Dispela bom i bin kilim 191 pipel na kamapim bagarap long 1,900 pipel.

Turkey stat kilim ol kakaruk

TURKEY i kilim pinis 306,000 kakaruk bilong traim pasim pisin sik i noken kamap bikpela bikos tupela pipel long kantri i dai pinis long en.

Agrikalsa Ministri i bin tok, kilim dai bilong ol pisin na kakaruk i bin kamap insait long 15 provins we ol i bin painim pisin sik long en.

Namel long ol dispela ples em long Kapitel Ankara, na bikpela siti tru bilong Turkey, Istanbul, wantaim tu ol longwe lsten rijen, we pisin sik i bin kamap long ol long mun i go pinis, bipo em i bin kalap i go long wes.

Tupela pikinini i kam long wanpela taun i stap klostu long boda wantaim Iran, i bin dai long wik i go pinis. Pisin sik i kam long kakaruk.


MAK BILONG KILIM MAN! Kain strongpela pilai i save kamap long Hohola ov sisen ragbi lig pilai na dispela i wankain long pilai bilong Krismas.



PAIA LAIT: 9-pela moa raun bai Hohola ragbi lig pilai bai go insait long fainol bilong em na olsem yu ken lukim long yia we tupela tim i hamarim ol yet long winim ples na stap antap.



SEMPION: Ol Kileng meri i no save givim sans taim ol i kisim bal olsem yu ken lukim long hia we olgeta rot bilong birua pilaia i pas. Dispela em 9 Mail soka gren fainol we Kileng meri i win.



DAS KIRAP: Dick Bart Junior bilong Airways Bears i kirapim das taim em i ran i go long namba wan bes bipo long ol Brown Eagles i kisim em long Pot Mosbi man sofbol las Sande.



YU KAMI: Taim yu ronawe long birua yu ken tap olsem disepla Gordons Tas pilaia i soim long pilai bilong em long Gordons, Pot Mosbi long wiken.




WAS LONG EM: Pilaia bilong Eels i tokim ol manki bilong em long was long pilaia bilong Tigers long Gordons Tas ragbi.



SORI TUMAS: Naomi Tom i painim helpim long ol poromeri bilong em tasol helpim i no bin kam haraip we dispela i lukim ol i go daun long Daltron long Praivet Kampani netbol resis long las Sande.

Ronaldo bai abrusim tripela wik



STAP BAGARAP: Brasil Intenesenel pilaia Ronaldo husat i pilai long kantri Spain i kisim bagarap.

MADRID, Spain- Real Madrid strai-ka Ronaldo bai i no inap pilai wantaim tim inap long tripela wik bihain long em i kisim bagarap long lek bilong em las wik.

Dispela i bin mekim we em i abrusim pilai egensim Copa del Rey long las wik.

Nau yet long primia soka pilai long Spain i lukim Madrid i stap 13 poin bihain long kompetisen lida FC Barcelona husat i hamarim narapela siti klostu long em Espany 2-1 long las Sarere pilai.

Barcelona i winim 15 pilai olgeta we 11-pela bilong dispela ol pilai i win

bihainim tasol narapela win. Na Real Madrid husat i 29 taim Spain primia soka long dispela raun i winim tasol wanpela bilong foapela ol lig pilai.

Dispela ol pilai em aninit long kosa Juan Ramon Lopex Caro husat i kisim ples bilong Vanderlei Luxemburgo las mun. Lopex i namba faiv kosa insait long 2 1/2 yia em Madrid i wok long traim kisim ol kosa long strongim ol pilai bilong tim.

Ronaldo i tok em i askim long go aut.

"Liklik long wankain ples we mi pilim bikipela pen," Ronaldo i tok. "Ol bai mekim sampela tes."

Prince no tokaut yet long toktok bilong kontrek

SIDNI, Australia: Ol toktok i kamap olsem ol West Tigers i no toktok gut wantaim kepten bilong em Scott Prince long sainim gen kontrek bilong em long pilai.

Long dispela ol sapota i tok kain samting i mas kamap bihain tasol long Wol Klab Sempionsip. Dispela Wol Klab Sempionsip em ol West Tigers husat i sempion bilong 2005 Nesenel Ragbi Lig (NRL) resis bai pilai wantaim Bradford Bulls, sempion bilong 2005 Inglan Supa Lig resis.

Prince i tok em bai i no inap sindaun wantaim menesmen bilong klab inap long namel bilong mun Februari long toktok long ol samting bilong kontrek na amamas yia em bai mas pilai wantaim ol.

"Mipela i bin pasim toktok long holim ol toktok bilong kontrek bihain long pilai bilong mipela wantaim ol Bradford Bulls," Prince i tok. "Long dispela taim mi inap long sindaun na toktok gut long bihain taim bilong mi."

Prince i winim 2005 Dally M Kepten-bilong-Yia awot.

"Mi lukim olsem planti samting em ol i wok long toktok long mi long ol ripot tasol mi no wari long dispela ol toktok."

"Mi laik helpim ol manki i daunim ol Bradford Bulls pastaim na kisim narapela bikipela taitol. Bihain long dispela mi ken sindaun na toktok wantaim (kosa)



AMAMAS: West Tigers kepten Scott Prince i amamas wantaim wan pilaia bilong em bihain long ol i winim 2005 NRL gren fainol.

Tim Sheens na (sif eksekutiv) Steve Noyce.

Prince i go bek long trening long Concord pilai graun long Mande wantaim bikipela tingting bihain long gutpela win bilong ol Tigers long las yia gren fainol egensim Not Kwinslen Cowboys las Oktoba.

Dispela top namba seven i gat bilip olsem ol Tigers bai go insait long narapela gutpela sisen bihain long em i lukim olsem Tigers i gat ol gutpela manki long karim nem bilong em i go moa yet.

Ol i gat planti samting long mekim long prisisen bilong ol we ol bai stat long Gunnedah long

Januari 27 egensim Kantri Grup 4 husat em kosa bilong ol em bipo kosa bilong Souths na Newcastle prop Matt Parsons.

Bihain long dispela ol primia bai palia i go long Inglan long lokim kom wantaim ol Bull long Wol Klab Salens long wanpela wik bihain.

Prince i nogat planti tingting long wanem em i bilip ol Tigers bai inap long difenim gut taitol bilong ol long 2006 sisen.

"Las yia i bin gutpela long mipela, olgeta manmeri i bin ting long mipela bai pundaun tasol mipela i wok long win yet na dispela em i gutpela samting we mipela i no inap long lus tingting.


Marbury helpim Niu Yok Knicks win

NIU YOK, Amerika: Bikipela siti bilong Amerika Niu Yok na basketball tim bilong ol Niu Yok Knicks i bin wok ron bihain inap long Stephon Marbury i kamap we i lukim ol i winim tripela pilai we wanpela win i bihainim arapela tasol.

Na sapos dispela i tru long ol i kisim Marbury orait dispela em i bikipela helpim olgeta.

Dispela min olsem kosa Larry Brown na Marbury ating i wokhat long luk-save long wei bilong stre-tim dispela tim.

Kain win i namba foa win bilong Marbury we long mekim poin em i wok long kamapim 23.5 namel mak bilong ol pilai bilong em. Hevi i wok long



KOAN GIVIM: Niu Yok Knicks Stephon Marbury i kalap egensim ol pilai bilong Seattle long iukim Knicks i win 120-116.

kamap namel long tupela we Brown i save olsem ples bilong Marbury long pilai i no stap long poin gat (guard).

Tasol long dispela taim Marbury i save kamapim

ol bikipela poin bilong tim na olsem em i save kisim bikipela pe moa long ol arapela pilaia.

Maski long ol hevi tupela poroman nau i laik wok gut long helpim tim.

Judah pundaun long no tingting gut


AMERIKA: Zab Judah i no ken lukdaun long ol arapela boksa sapos em i laik win.

Olgeta boksa i gat strong bilong ol. Asua long em i lukdaun long ol arapela boksa i lukim em i lus long Carlos Baldomir las-mun.

Tasol pastaim long dispela Zab Judah husat i gutpela poroman bilong boksa Floyd Mayweather Jr i bin wok long redi long bungim em long wanpela pait.

Na Carlos Baldomir em i no man Judah i mas pait wantaim long wanem Baldomir i nupela man tasol. Long dispela Judah i wok long lukdaun long em.

Tasol abrus lond dispela i lukim em i pundaun long han bilong Baldomir na lusim dispela Wol Boksing Konfideresen weltawet taitol. Bikos Baldomir i no baim ol



MAMA! Zab Judah (lep han) husat i no was gut na lusim WBC weltawet taitol long Carlos Baldomir.

sansen fi i go long WBA na IBF dispela taitol em i winim i lus long han bilong em.

Long dispela Judah pait wantaim Mayweather long winim dispela taitol.

Bipo Judah na Mayweather i gutpela ol poroman tasol nau tupela i birua na pait bilong ol bai kamap long Epriel 8. Bihain long Judah i lus long Cory Spinks long 2004 em i olgeta tingting bilong pait.

Roddick statim 2006 wantaim planti strong

AMERIKA: Andy Roddick i no save toktok planti long ol lus bilong em bipo long em i singaut long kain mak olsem.

O sapos em i laik pasim maus na stap isi dispela bai mak bilong Switzerland man na wol namba wan pilaia Roger Federer.

Em i no wari sapos em i lus long Austria man Gilles Muller husat



HEY! Andy Roddick

i autim tiket bilong em long 2005 U.S. Open, Croatia Ivan Ljubicic long Davis

Kap long Australia man Lleyton Hewitt husat em i no laikim tru.

Tasol nau long dispela taim em i kamdaun long Australia long Australia Open em bai mas bungim yet dispela ol "tewel" na Hewitt husat i winim em long las yia wantaim sapot bilong ol wantok bilong em. Hewitt i win long 3-6, 7-6 (3), 7-6 (4), 6-1. "Mi no ting mi lukdaun long husat mi pilai wantaim," Roddick i tok.

Australia isi long winim ol pilai

BRISBEN, Australia: Damien Martyn i givim siksti long mekim 96 ran long 56 bal bilong em.

Em i mekim dispela long taim Australia i daunim Saut Afrika na win long 95 ran long las Mande.

Long dispela 96 ran Martyn i paitim 7-pela foa na tupela siks tasol turangu i abrus long kamapim rekot 20 long mekim 100 ran long ol pilai em i kamap long ol. Em i



PAIRAPIM: Australia betman Damien Martyn

sot long foapela ran.

Dispela ol bal em i paitim egensim boula Monde Zondeki.

Na olrauna Andrew Symonds i skoam 54 ran long 26 bal we em i no go aut. Dispela i lukim Australia i mekim 209 ran long tripela 20 ova we i mekim Saut Afrika i kamapim tasol 10.5 ran long win.

"Em i gutpela tru long lukim kain pilai olsem," Martyn i tok long pilai bilong em.

SPOT RAUN

wantaim

SCOTT VAVINE



2006 spot kalenda

NAU olsem nupela yia i stat pinis wanwan ol spotmanmeri i lukluk long spot kalenda bilong ol.

Anuel spot kalenda i mak we i soim ol samting we bai kamap long dispela yia bihainim oda we ol i bai kamap stat long Jenuari na pinis long Disemba.

Bikpela samting long yu kamapim spot kalenda em olsem em i soim olsem tru dispela spot grup yu ronim i stap. Em i no dai o em i driman tasol. Em i stap tru tru.

Namba tu samting long spot kalenda em olsem em i wanpela mak we yu ken yusim long skelim strong o level bilong ol pilai bilong yu. Sapos kalenda i no stap na yu no kamapim ol pilai we i mas kamap yu bai save long strong na gro bilong spot bilong yu olsem wanem! Long dispela as em i bikpela samting long yu mas kamapim spot kalenda.

Kain ol samting bai stap long kalenda- ol kimiti miting (wanpela bikpela samting em enual jenerol miting), stat na pinis bilong ol prisisen pilai, stat na pinis bilong ol sisen propa pilai, nesenel, provinsol o tokol level tonamen/semptionsip na ol arapela samting ol pilai i go wantaim long komyuniti.

Long ol nesenel, provinsol o tokol level spot grup yupela long dispela taim i mas redim pinis 2006 spot kalenda bilong yupela.

Dispela kalenda i mas pinis long pinis bilong 2005. Long yu redi bipo long ol samting i kamap dispela i min olsem yu bai gat inap taim long givim luksave long wanem samting bai i kamap. Dispela i ken helpim yu tu long yu gat inap taim long redim ol samting bipo long yu holim o kamapim ol pilai.

Em i gutpela long yu gat kalenda long wanem dispela i helpim tu ol pilai bilong yu long ol i luksave long wanem ol samting bai kamap long yu na long ol i redim ol yet long kamap long dispela ol pilai.

Moa yet em i gutpela tu long wanem dispela i ken helpim ol lain olsem ol kampani husat yu askim ol long sponsaim ol pilai o long ol i gat tingting long sponsaim ol pilai.

Tasol long narapela sait, sapos yu no kamapim dispela spot kalenda dispela em i nogut.

Dispela bai soim olsem dispela grup bilong yu na ol pilai i yu laik kamapim bai no inap kamap gut o i no inap kamap. Na grup yu stap long em inap pinis. I nogat wanpela samting long kain mak olsem i save kamap long nait tasol. Nogat. Olgeta i nidim taim.

Long go bek long ol toktok mi bin mekim bipo, mi laik tok olsem spot i no samting bilong amamas tasol. Nau long dispela taim spot i helpim planti ol manmeri, planti em ol yangpela long stap gut long komyuniti. Em i holim ol manmeri.

Sapos krangki olsem spot grup em ol i stap long em i pinis dispela i ken mekim ol i stap nating na mekim ol pasin we sampela taim i ken bagarapim komyuniti na ol yet.

Na olsem mi tok gen spot i bikpela samting. Em i samting bilong amamas tasol long wankain taim i holim na kamapim gut ol manmeri.

Long dispela as mi askim ol spot grup we i no save ronim gut spot grup o ogenaiesen bilong ol long ol i stretim ol yet nau. Sapos ol i mekim olsem inaop lukim kaikai bilong samting ol i laik lukim.

Mi tokaut long dispela ol tingting bihainim ol yia em mi wok long sait bilong spot etministresen na spot developmen long kantri. Mi save go raun givim kos long klostu olgeta hap bilong kantri na mi save long wanem samting em mi tok long en. Ol samting we i wok long nesenel, provinsol na lokol level.

Sapos yu laik save moa yu ken ringim opis bilong mi long telepon namba 325 1991.

Ene/Gai holim strong bilong Maroons

ragbi

Paul Zuvani i raitim

MASKI long lukim, wokim... Em kain tok planti manmeri i mekim sapos ol i laikim samting tru.

Dispela i no abrus taim ples ol manmeri i save long me long Pot Mosbi- Morata i statim Stet ov Orijin pilai.

Ol manmeri i no moa laik bihainim tasol ol favoret tim na pilaia bilong ol long Australia Stet ov Orijin pilai tasol nau i laikim kamapim Stet ov Orijin pilai bilong ol yet.

Long Pot Mosbi Morata sebeb i kirapim Morata ragbi lig pilai we ol i gat Morata 1 husat i makim Maruns na Morata 2 husat i makim Blus.

Nau ol i ken save husat tru i sempion.

Tasol wantaim dispela i gat narapela tingting we i mekim ol i kamap wantaim tingting bilong holim kain pilai olsem.

Kodineta bilong Morata lig John Mawe i tok ol i kamapim dispela pilai las yia long skelim tu strong na level bilong ragbi lig pilai long hap ol.

"Long kain taim olsem we mipela i save holim ol pilai long namel mipela i save askim ol tim bilong narapela lig i kam salensim mipela. Tasol las yia mipela kisim nupela tingting long salensim mipela yet. Long dispela



PINISIM: Turangau pilaia bilong Noten Warriors i kisim taim nogut long han bilong ol West Kanges.

mipela i kamap wantaim tingting bilong kamapim Stet ov Orijin pilai," Mawe i tok.

"Wara i brukim Morata na olsem Morata i gat tupela hap Morata 1 na Morata 2. Morata 1 i makim Maruns na Morata 2 i makim Blus."

Bihain dispela pilai Mawe i tok ol i lukim bikpela senis long pilai bilong ol.

"Ol pilaia i stat long pilai strong na pilai gut. Ol i no lukim kompetisen olsem em i

samting nating."

Em i tok bikpela kaikai bilong lig bilong ol i lukim 7-pela pilaia bilong ol i stap long tupela Pot Mosbi SP Kap tim- Monier Broncos na Brian Bell Bulldogs. Dispela ol pilaia em Eki Ene, Nickson Nagle, Roy Tela (Maroons), Aron Mulunga, Abraham Yobale, Joshua Lapa na Enosi Geua.

Las yia Stet ov Orijin i kamap gut we i lukim ol Blus i win. Long dispela ov sisen Blus i winim namba wan Stet

ov Orijin pilai we i kamap bipo long Krismas. Dispela pilai em Blus i win 16-4.

Namba tu pilai nau i bikpela pilai tru long ol Maroons. Long dispela ol Maroons bai lukluk long kepten bilong ol na Monier Broncos senta Eki Ene.

Ene wanpela gutpela pilaia long Broncos tim. Em i bin makim PNG long stap insait long PNG PM 13 na salensim Australia PM 13 long las yia Septemba long amamasim 30 yia Indipendens bilong kantri.

Long Pot Mosbi ragbi lig resis Ene i pilai wantaim Paga Panthers. Em i man husat i gat gutpela spit na strong na i ken brukim ol strongpela banis.

Sapos givim em liklik sans Ene bai i no inap lusim taim long putim trai.

Em i bin soim dispela kain save na strong wantaim ol Broncos na olsem tingting i stap.

Wantaim em nupela Maroons boi na fran man Alen Gai.

Gai bai bungim strong wantaim Ene na dispela i ken givim gutpela sapot long ol Maroons long pasim ol Blu long win.

Tasol ol Blu wantaim sampela ol Pot Mosbi SP Kap pilaia olsem Nickson Nagle, Joshua Lapa ol bai redi long difenim gut taitol bilong ol.

Ol etlit resis long winim ples

etletik

Paul Zuvani i raitim

OLGETA 14 etlit, em 9-pela man na 5-pela meri wantaim kosa Naomi Polum i lusim kantri na go long Brisben, Australia aste long resis na kwalifai long winim ples long go insait long Mas Melbon Komenwel Gem.

Papua Niugini Etletik sekeri Philip Rehder bihain toktok bilong las wik i tok Yunion nau i go insait long namba tu hap bilong trening bilong em long redim ol rana long go resis long Komenwel Gem.

Dispela em bihain long Yunion i bin holim gutpela trening kem bilong em bipo long Krismas na pastaim long

dispela narapela tripela mun trening bilong ol meri long Brisben.

Em i tok Yunion i wok long putim ai bilong em long ol rilei tim bilong ol man 4 X 100 mita we i bin pinisim resis long taim 41.6 seken long Lae.

Tasol Rehder i tok long kwalifai tim i mas katim narapela poin 8 seken (.8 sek) we kwalifaiing taim i stap long 40.8 seken.

Na long tim bilong ol meri em i tok "... i luk olsem 4 X 400 rilei tim bilong ol meri i gat gutpela sans long kwalifai."

Tasol em i tok kain tim bilong ol meri i no save kamap planti na olsem ol bai mas wet inap gutpela taim i kamap bilong ol i ken yusim long

makim resis bilong ol.

Sapos ol i kam hariap ol kosa bai mas askim ol ogenaia long kamapim sampela rilei resis long dispela Brisben bung."

Ol etlit bilong mipela husat i wok hat long kwalifai long iven bilong ol em Sapalai Yao long Steeplechase iven we em i mas kwalifai long taim 9 minit 25 seken, Sandy Katusele (Long Jam 7.20 mita), Chris Bais (1 min 51 sek) na Mowen Boino (400m hedol 51.50 sek).

Ol pilai we ol bai kamap long ol em Kwinslen 5000m sempionsip, Brisben we Sapalai Yao wanpela tasol bai resis long en long Januari 18, Kwinslen Open na Anda 18 sempionsip long Januari 20 i go inap long

22 na Australia Open Sempionsip long Februari 2 i go inap long 5. Long dispela sempionsip em 6-pela etlit bai resis long en- Mae Koime, Salome Dell, Teoa Wisil, Mowen Boino, Fabian Niulai na Sapalai Yao.

Long Februari 19 em ol man na meri rilei skwat wantaim bai resis long Australia Klab Rilei Sempionsip long Melbon na Februari 25 na 26 em ol bai resis long Kwinslen Anda 23 na Anda 20 Sempionsip we ol bai kisim tu Kwinslen Open na Anda 18 4 X 400mita rilei sempionsip.

Pinis long dispela sapos ol i kwalifai tru ol bai go long Mas 19 i go inap long 25 Melbon Komenwel Etletik resis.

Anis kaikaim Lang 'Flyers' long Elevala voli

volibol

LAS wiken i lukim wanpela bikpela volibol kompetisen i stat long Elevala ples, Hanuabada long Nesenel Kapitot distrik.

Long mein gem bilong ol man ol Red Ants i kaikaim ol High Flyers 3-2 set.

Long lukim samting i kamap tru ol Anis i no westim taim

taim kepten Igo Naime i go pas long tim bilong em long hamarim ol Flyers. Long helpim em spaika Vaburi Rea, olraunda John Lahui, seta Morea Kame. Ol i win dispela set long 25-18 voli.

Tasol ol Flyers i kam bek strong long winim namba tu set long na winim namba tu na tri set. Dispela tim em kepten Joseph Pipi i go pas wantaim

helpim bilong Philip Ako, Pipi Raho na guttaim man PK Morea.

Long namba foa set na faiv set ol Anis i kam bek strong na winim long total 3-2 set.

Long divison bilong meri ol Bese Bombers i bomim Gabi Warriors 1-3.

Ol Bombers wantaim kam bek bilong biknem Betty Gabe

husat i go pas wantaim sapot i kam long Esther Varona, Puake Siaka na Konio Doura ol i no givim sans long ol Warriors.

Ol go moa long winim namba tu set na namba tri set. Ol Warriors i winim tasol namba tri set na i no inap go moa long win. Ol pilai bai go moa long dispela wiken we planti stall bai kamap.

Morata lig soim sore long Sir William

ragbi lig

KOLIM Morata Setelmen long Pot Mosbi long ai bilong ol manmeri husat husat i no klia long Morata bai mekim skin bilong ol i kirap.

Dispela kain tingting i nogut moa long ol manmeri husat i ting ol i "bikmanmeri."

Tasol Morata i gat planti ol gutpela manmeri moa long ol manmeri husat i ting ol i stap long gutpela ol ples.

Long hap aste (Tunde) Morata ov sisen lig i mekim narapela bikpela pasin long dāi bilong Leit Sir William Skate.

Ol i kamapim mani, bungim ol pipel bilong ol na go long haus kraik bilong Leit Sir William long Pari ples na soim sori bilong ol.

Faipela ka pulap long ol manmeri i stat ron long Kone Tigers na go long Pari.

Presiden bilong Morata Lig i makim lig na ol pipel na givim K500 i go long famili bilong leit Sir William.

"Bill Skate i olsem lidaman bilong mipela. Em i olsem model. Em i soim olsem maski mipela i stap long ol liklik ples mipela i ken kamap ol lida," kodineta bilong lig John Mawe i tok.

"Skate i save stap wantaim ol yangpela na em i soim gutpela ol pasin bilong kamap lida long mipela."

"Tru mipela i no save silip, sindaun o kaikai wantaim em tasol kain pasin em i save soim mipela i brukim lewa bilong mipela."

"Skate i save putim ol yangpela na wok bilong mipela i go pas," em i tok.

Em i tok taim Sir William i stap gavana bilong NCD em i save helpim ol long givim liklik ol kontrak long ol. Na long taim laip i hat kain liklik ol kontrak i bikpela samting long ol we ol i kisim liklik mani long sapotim ol yet.

Long helpim ol i givim Mawe i tok tenk yu long ol manmeri husat i helpim long kamapim mani na givim i go long haus kraik bilong leit Sir William.

Na bipo long Tunde lig presiden Billy Yaki i tok lig bai soim rispek bilong em long Nesenel Kapitoli Distrik Rijnol Member na bipo Praim Minista leit Sir William Skate long Tunde (hap aste) taim bodi bilong em i go long Kaugere na Pari long ol manmeri i lukim bodi bilong em.

"Lig petron Rex Paki na mi yet wantaim 14-pela klab presiden bai kisim makmak bilong mipela i

go long famili bilong leit Sir William long soim sore bilong mipela," Yaki i tok.

Em i tok leit Stetman i wanpela bikpela sapota bilong ol na i lida bilong ol gras rut na olsem ol i gat bikpela wari long dai bilong em.

Em i tok las yia taim lig i kamapim mani long salim i go long ol manmeri i lus long bikpela solwara, sunami long Indonesia na givim mani i go long han bilong embeseda bilong Indonesia Sir William i bin makim ol.

Na long narapela nius win i save kamap isi bihainim stap bilong gutpela pilaia long tim.

Dispela i wankain taim Nixon Nagle fulbek bilong SP Kap tim Pot Mosbi Monier Broncos i pilai wantaim Mumuts long win bilong ol long Morata ov Sisen ragbi lig pilai egensim Noten Warriors long Kone Tigers pilai graun las Sande. Helpim bilong Nagle i lukim ol Mumut i kalapim Warriors 16-8.

Long dispela pilai Nagle i bin putim wanpela trai na helpim long konvetim tupela gol. Ol mumut i namba wan lain long putim trai taim huka Leo Martin i ron go na skoa. Wantaim konveson ol Mumut i go pass wantaim 6-0.

Lukim dispela ol Warriors i pilai

strong long bekim tasol ol Mumut i sanapim strongpela banis.

Tasol liklik taim bipo long hap taim brek i lukim we Elvis Jones i kikit penolti kik na sotim namba bilong Mumut i kamdaun 6-2.

Bihain long hap taim malolo ol Warriors i kam aut strong we i lukim Peter Afuti i putim trai aninit long ol pos na konveson bilong Mike Bene i bringim skoa i go abrusim ol Mumut 8-6.

Tasol ol Mumut i no wari long dispela pilai bilong ol. Ol i kamaut strong tu bihain long faiv minit we dispela i lukim Nagle i abrusim sampela ol pilaia bilong Warriors husat i no putim strongpela was na larim em i skoa long kona.

Konveson i no gut na skoa i lukim ol Mumut i go pas 10-8.

Ol Mumut i skoa gen we Nagle i konvet na lukim ol i pinisim gem wantaim win 16-8.

Ol Warriors i pait hat long las minit tasol hatwok bilong ol i tus nating long wanem ol Mumut i sanapim strongpela banis.

Na long dispela wiken ol bai go insait long namba tu Morata Stet ov Orijin we Morata (2) Blues bai salensim Morata (1) Maroons.

Namba wan Stet ov Orijin i lukim ol Blues i nekim ol Maroons 16-4.

Hap hap spot

Ol pilai soim rispek

pilai

PLANTI ol pilai long Pot Mosbi i soim rispek bilong ol long Nesenel Kapitoli Distrik Rijnol Mema na bipo Praim Minista leit Sir William Skate long wiken. Sampela i givim liklik malolo bipo long ol pilai i stat na sampela i pasim pilai bilong ol. Namel long ol pilai we i pas em Okuk Mori Rogerson ov sisen ragbi lig pilai em Sir William i lonsim kap na sil long mun Disemba las yia. Petron bilong lig Okuk Mori Rogerson i tok leit William i strongpela sapota bilong dispela pilai husat i bin tok long givim K5000 long sponsa na olsem lig i sori lukim em i lusim laip bilong em. Ol narapela pilai we i no bin kamap planti em Morata ov sisen ragbi lig pilai. Planti ol arapela ov sisen pilai long Pot Mosbi i pas long pilai. Tupela pilai tasol em Pot Mosbi man sofbol na Pot Mosbi Hebou Kriket i bin holim pilai bilong ol.

Sauten holim rijon soka sempionsip

soka

SAUTEN rijon i makim mun Epriel 8 long holim klab sempionsip bilong em. Tasol ol ogenaia i no makim ples bilong holim dispela ol pilai. Kamap long dispela taim tu em ol ista wiken Sariti Kap soka pilai. Bihainim dispela sempionsip em ol propa sisen Pot Mosbi soka asosiesen pilai bai stat long Epriel 22. Presiden bilong asosiesen Fabian Chow i tok ol prisen pilai bai kamap long Februari 18 na ol fainol bai kamap long Mas 25. Asosiesen bai holim enuel jenerol miting (AGM) bilong em long Februari 4 long Lamana Hotel. Tasol long makim dispela ol de Chow i tok dispela inap senis long wanem PNG Futbol Asosiesen i no kamapim enuel kalenda bilong em yet. Rejistresen bilong ol klab long asosiesen long prisisen na propa sisen pilai bai pas long Februari 10 na Epriel 7.

Yongomugl redi long holim lig gren fainol

ragbi

YONGOMUGL ov sisen ragbi lig pilai long Simbu provins bai holim gren fainol long dispela wiken. Ol kompetisien lida JK Angras bilong Terebona ples bai brukim bun wantaim YK Rabbits bilong Parua ples. Long hevi bilong ol JK Angras long ol i mas wet inap long sevepela wik long kamap na pilaia ol Rabbits husat i laki long nekim ol UK Tarangau long Fonde long Kundiawa Dickson pilai graun. Na long dispela ol Angras i go insait olsem fevoret. Ol bai pinisim olgeta belhat bilong ol long wet longpela taim olsem bipo long ol i go insait long ol fainol.

Kimbe junia Kundu i redi

TUPELA Kimbe pilaia long husat i stap insait long PNG Kundu Anda 16 ragbi lig tim i tok ol i redi long go insait long junia trening program bilong ol. Dispela tupela pilaia i stap aninit long lukaut bilong kosa na Kumul hap bek pilaia Jessie Alunga. Alunga husat bilong Siassi Allan, Morobe provins tasol stap long Rabaul na i pilai wantaim SP Kap tim na 2005 sisen wina Rabaul Agmark Guria nau i stap kisim malolo long Kimbe na bai helpim long givim sampela trening i go long tupela yangpela hopful Kumul pilaia. Tupela pilaia em Aisoli Boski bilong Kumaina ples bilong Is Nu Britan na Victor Narere bilong Ruango ples arere tasol long Kimbe taun.

Gan 'kilim' Kopex long Pom sofbol

sofbol

Andrew Molen i raitim

Al na han bilong ol Malagan i sap na strong tumas we i lukim ol i paitim tripela hom ran insait long 10-5 win bilong ol egensim Kopex long Pot Mosbi A- gret sofbol bilong ol man long Sande.

Ol i mas paitim bal na kisim ol ran olsem ol i mekim long dispela gem taim ol i go insait long dai-mon dispela wiken.

Malagan husat krismas bilong planti bilong ol i stap aninit long 25 i save ron spit tru namel long ol bes na paitim bal strong tru taim ol i bet.

Long fil tu ol i was gut long bal long graun na palai antap wantaim.

Ol beta bilong ol "Gans" i mekim save long ol bal bilong ol Kopex we i lukim ol i paitim i go long olgeta hap bilong fil.

Kopex i kamapim tu wanpela



SORI TUMAS: Stanley Tavul bilong Ice Kopex i ting em bai seif tasol abrus spit bilong em sot taim Malagan betman i autim em. Malagan win 10-5.

strongpela pilai tasol ol Malagan i no givim sans long ol long ol.

Tupela namba wan hom ran bilong ol i kam long namba wan

ining na narapela i kam long namba foa ining we i lukim ol i kalap i go pas wantaim 7-3 ran long wanpela hap namel long pilai.

Kopex i kam strong na ol tu i kisim tupela hom ran i kam long han bilong David Malana, wanpela long namba wan ining na narapela long namba tri ining.

Ol i kam bek strong we i lukim skoa i go antap long 7-5 tasol ol Malagan i senisim gia bilong ol na ronawe i go olgeta long 10 ran.

Long ol narapela pilai, ol primia bilong las yia, Elcom i mekimsave long ol Bullets 7-3, Gazelle na Dolphins i dro 1-1 long wanpela gem we i lukim tupela pitsa, Patrick Pilak na Paskalis Penia i kamapim gutpela so long stail bilong ol long tromoi bai.

Manalos i katim nek bilong ol Samurail 15-5 na Bears i kaikaim Brown Eagles 9-4.

Sofbol gem bilong ol meri bai stat gen long dispela Sarere bihain long Krismas na Niu Yia malolo.

Kingsley givim K20,000 long Madang sofbol

sofbol

Paul Zuvani i raitim

OL wok redi long holim nesenel sofbol sempionsip long Madang i kamap gut long taim lokal memba bilong Madang Alois Kingsley i givim K20,000 long Madang ogenaissen komiti.

Long dispela taim ol meri Madang i nesenel sempion bilong ol meri bihain long ol i daunim Lae long las yia nesenel sempionsip long Pot Mosbi. Wantaim ol meri em man tim husat i wok long bihainim lek mak bilong ol meri. Ol tu bai painim rot long daunim ol Pot

Mosbi man na kisim dispela taitol. Presiden bilong Madang sofbol asosiesen Ralph Tarasomo i tok sapot i kam long lokal memba i kirapim bikpela laik long ol pilaia long pilai gut. Wantaim dispela ol etministreta bai developim pilai long provins.

"Dispela sapot i mekim ol yangpela wantaim ol olupela pilaia long kamapim gutpela ol pilai na dispela tru tru bai lukim ol bai mekim Lae na Pot Mosbi sait long putim gutpela was long lukautim mani bilong ol," Tarasomo i tok.

Long givim dispela mani Kingsley i tok dispela K20,000 mani i mani

bilong ol pipel bilong Madang. Dispela i bilong lukim ol i sanap wantaim long bungim ol bikpela tim long Lae na Pot Mosbi long Mas/Epriel pilai.

"Dispela i no ken mekim ol manmeri i kirap nogut... mipela i redim dispela longtaim long lukim Madang i go daun long sofbol histri olsem ples we i holim namba kain sofbol sempionsip," Kingsley i tok.

Na long makim Madang tim presiden Tarasomo i tok ol bai makim skwat bilong ol man na meri long narapela wik.

Em i tok ol bai kamapim strong-

pela ol tim long salensim Lae na Pot Mosbi.

Tarasomo husat i namba tu bos bilong PNG sofbol federesen long dispela taim tu i singaut i go long Rabaul, Kokopo, Tomadir, Kavieng, Wewak an Goroka asosisen long kamap long dispela ol sempionsip tu.

Em i tok kamap bilong ol bai mekim level bilong pilai i go antap wantaim salens i kam long Lae na Pot Mosbi.

Husat asosiesen i laik save moa long ol wok redi long Madang i ken ringim opis bilong em long telepon namba 852 2472.

**LAE
BISCUIT CO.**


WANTOK SPOTS

**LAE
BISCUIT CO.**



Pes 31

**Morata lig soim sore
long leit Sir William**



WANTOK SPOTS

WANTOK SPOTS... (Small text at the bottom of the main image area, likely a caption or description.)

KEEP YOUR TOYOTA GENUINE

For a limited time only we are offering special pricing on ...

SUSPENSION

Toyota Genuine Shock absorbers are specifically designed for each individual Toyota model to optimise handling performance and safety.

CLUTCH

Toyota Genuine Clutches feature torsion rubber springs that provide balanced and quiet operation for a more comfortable driving experience.

BRAKES

Toyota Genuine Brake pads and shoes provide strong and stable braking combined with outstanding wear characteristics.

UNIVERSAL JOINTS

Toyota Genuine Universal joints are made from premium materials to fine tolerances, required to provide a perfect balance and long life.

www.elamotors.com.pg * www.toyota-southpacific.com

Ela Motors

**NO TO
COUNTERFEIT**

Port Moresby, Lae, Kokopo, Madang, Milne Bay, New Britain, New Guinea, PNG



TOYOTA GENUINE PARTS



TOYOTA QUALITY SERVICE

The publisher of the newspaper operates at Section 58, Allotment 3, Office 2, Waigani Drive